

LEHAE LA KA MOSO LA MONYALI OA LEHOLIMO LE MONYALUOA OA LEFATS'E



A re tsoe ra sa eme motsotso, re sa inamisa lipelo tsa rona joale pel'a Molimo.

² Ntata rona oa Leholimo, re leboha monyetla oa ho ba mona kajeno haholo, ho phutheha 'moho ka Lebitso la Morena Jesu. Re U rapela ho re ts'oarella libe tsa rona, 'me joale re sa le mona ho lebisa maikutlo a rona linthong tsa Bosafeleng le Bophelong bo leng teng mose oane oa boiphihlelo bona bo shoang. Joale re U rapela ho re fa litaelo tsa Hao, kamoo re ts'oanetseng ho ja mothinya, seo re ts'anelang ho se etsa ka moso, le hona joale, ho ka ba majalefa a sebaka seo re . . . se ts'episitsoeng.

³ Bongata bo a kula bo a hloka naheng, 'me ha ba eso qete leeto la bona. 'Me sera sa rona se seholo, ha se sera sa rona feela, empa ke sera sa Hao, se tllile sa ba tsietsa 'me sa—'me sa khutsufatsa bophelo ba bona, le ho ba isa e—e lebitleng pele ha nako. 'Me re a ba kopela, kajeno, Uena mohau oa Hao le lereko, Morena, li ke li atisetse matsatsi a bona nakong e baliloeng.

⁴ Ho robetse kalaneng, kapa sefaleng, mona ho robetse diduku le liphasele. 'Me ka ntle koana liholong le ho pota tulo ena, ke ba robetseng liphatang, mapara, ba kulang le ba hlomohileng, ba eme hara letso'ele ba batla ba hloka le matla a ho ema.

⁵ Oho Molimo RaBosafeleng, Uena ea Bokoang, A k'u utloe thapelo ea rona hoseng hona, ka Mali a Morena Jesu; ho sa shejoe bokhopo ba rona, empa ho tseba hoba O kile a re emela, 'me ke 'Ena Ea re emetseng thapelong ena. E mong le e mong a folisetsoe khanya ea Hao, Morena.

⁶ Hlohonolofatsa lisakatuku tsena. Ha li beoa holim'a ba kulang, ba ke ba hlapoheloe.

⁷ 'Me joale, Ntate, ho fihlela re emela ts'ebeletso e kholo ea pholiso, eo re lumelang e tla latela, re qhaqhohlele tsela ea Bophelo, Morena, re tle re tsebe seo re lokelang ho se etsa ka Lentsoe la Hao. Hoba re e kopa Lebitsong la Jesu. Amen.

⁸ Joale ka kamehla, 'ona o nkuoa e le o mong oa menyetla ea ka e phahameng ho fetisa, ke ho ba ka tlung ea Molimo ho qoqa le batho 'Ona. 'Me kea tseba ho petetsane haholo jwale, 'me ke

ts'oere thuto e telele haholo. Ka hona ke...kea—kea kholoa hore—hore le tla lula ka boiketlo, kamoo ho ka khonoang, ho fihlela re qeta Molaetsa.

⁹ Joale, ho a chesa, empa re lebohela sepholisa-moea haholo. Empa, sehlopheng sa bohoto bo bokana, ha ho sepholisa-moea se ka sebetsang, le a bona, hoba 'mele oa hao ka sebele ke mochini o fehlang, ligarata tse ka bang mashome a robong robeli, 'me ha o phetse ho nts'a mofuthu, le bile le lutse le bapile haholo. Empa kea—kea ts'epa Molimo o tla le lulisa ka boiketlo boo A ka bo khonang.

¹⁰ 'Me ha re kena kahare, ho epa pitso tse kang tsena, ne nke—nke ke ka le lumella ho tla mona, le khale, hola ke sa nahane le tla thuseha, hola ke sa nahane e tla le sebeletsa molemo, le bile le tla atlehisoa ke hona, ka ho tla. 'Me hape, re ntse re tseba hobane re haelloa ke nako ho etsa hona, ke hore re—re atamela tsona—tsona lihora tse koalang, 'me ke—ke batla ho sebelisa motsotso ka mong, oo nka o khonang, bakeng sa 'Musu oa Hae. 'Me joale ke ts'epa Morena Molimo a tla re hlohonolofatsa re sa phutheha.

¹¹ 'Me ke batla ho le thoholetsa, hoba, maobane ke ne ke etela libaka tse fapaneng, ke tsoile ho bona bakuli ba bang le ba mahlomoleng, mono matlung a baeti, 'me ka kopana le limanejara tse ding vekeng ena, libakeng tse ling tsa ho jela. Ho tea mohlala, vekeng ena ke ile ka etela mona Ranch House, holimo mona, 'me manejara a tsukutla letsoho la ka ha re tsoa. 'Me a re, a mpitsa, "Moena Branham." Ka ipotsa na o ntsebile joang. 'Me a re...

Ka re, "Na ke uena manejara?"

¹² A re, "Ke mong'a sebaka." Ka hona a re, "E bo, batho ba hao ba kena koano ho tla ja, ba tsoa tlase mane." Ho re, "Ba..."

Eaba ke re, "Be, kea kholoa ba hlile ba u hloa setha."

¹³ A re, "Monghadi, ke sehlopha se seng sa tse kgabane tseo nkileng ka li bona." A re, "Ba mosa ruri."

¹⁴ Maobane ke ne ke etetse moteleng, ho bona mofumahadi ke batlile ho qoqa le 'ena, ntatae le mmae ba le teng, mme ka lokela ho ea ho manejara ho fumana e—e mot—... phaposi ea bona.

¹⁵ A re, "U Moena Branham ha ke re?" Ke hodimo mono Oaks. 'Me ka re, "E, monghadi."

¹⁶ A re, "Ke batla ho tsukutla letsoho la hao." A re...A ntsebisela mohatase; bathwana ba babedi ba mosa haholo. Ba re, "Motho e mong le e mong moteleng 'ona o etela dits'ebeletso tsa hao. Re ba boloketse 'ona." Le ho re, "Re latoletse bareki ba rona ba bang bohle."

'Me ka re, "Be, ke u leboha haholo ka hono."

17 A re, "Moena Branham, ke se seng sa sehlopha sa batho ba mosa ka ho fetisisa seo nkileng ka se bona, ke batho ba tlang koano, ba etelang likopano tsa hao."

18 Maobane ka phirimana ke ne ke etetse motsoalle oa ka, Mongh. Becker tlase mona, 'me esale ke rata lisemechisi tsa hae. Ke motho ea tjena... Eena, ke mo tsebile ke sa le moshanyana; ka mo tseba bophelo bohle ba ka. Tlasana mono—mono sebakeng sa khale keha ho lutse bathoana ba babeli, tlase Riverside Hotel mono. Ka hona ba... Mongh. Becker a re, "Billy?"

19 Ka re, "U reng, Homer?" Re tsebana hantle haholo.

A re, "Ke fepa batho ba hao bohle holimo mono."

20 Makholo a mabedi, kapa ntho e 'ngwe, Sontaha ka seng, ba jela Blue Boar. 'Me hohle moo ke eang teng, ke utloa lithoholetso tsa mosa oa lona.

21 Thaka lena la re, "Tlase mono—mono Riverview tlase mane," a re, "sebaka sohle se tletse batho ba etelang ts'ebeletso." Ho re, "Ho na le makholo a sa khoneng ho kena ka hare."

22 Ka hona, ho ba joalo, ho 'na le letsoai la lefats'e. Ke—ke leboha haholo ho itseba ke fumane monyetla oa ho rerela batho bao esita le baetsalibe le batho... ha ke re batho bana ke baetsalibe, empa ke bolela batho bao, ba khoebo le batho ba joalo, ba ka reng le batho ba lokileng, mme ba le ananela khoebong ea bona, le libakeng tsa bona. Le a tseba, ke hona ho fetoha letsoai hoo. Ke ananela hoo, boits'oaro ba lona, kamoo le elang lintho hloko kateng.

23 Esale ke itse, "Ha motho a kena 'me a sa khone, a hloka chelete ea ho lefa molato oa hae, ntetsetseng feela." Le a bona? Ka re, "Re tla etsa ho hong." Mme ka re, "Ba fepe kamehla, ba e-na le chelete kapa che." Le a bona, hohle ho ka etsoang.

24 Ke le nka le le bana ba ka. Le—le linaleli tseo ke... Ha nka fumana o mong mohla ke fihlang mono, lehakoe leo e tla ba lona, karolo e phatsimang ka ho fetisisa, hona mono—hona mono moqhakeng oa ts'ebeletso ea ka. Mohla e tlotloang, lehakoe leo e tla ba lona.

25 'Me ke le boleletse hangata, mehleng e fetileng, ka Litiiso tse Supileng, Mengoaha ea Kereke, le lintho tseo—tseo esale li etsahala.

26 'Me joale, hoseng hona, ke ts'oere temana e bohlokoa haholo. Ho 'na, ke e bokoang haholo. Ke kholoa e tla le chabela ka ho ts'oana. 'Me hola nka e rera ka pululelo eo ke e amohetseng ka eona, ho ka babatseha, empa e tla ba ho Molimo ho etsa hono.

27 Esale ke le bolella ka *sebaka* le ka *ntho* e etsahalang, 'me re bona tsena tsohle tse hlahang.

²⁸ Joale hoseng hona, ke bua, ka: *Lehae La Ka Moso La Monyali Oa Leholimo Le Monyaluoa Oa Lefats'e*, moo ba tla phela teng. 'Me, bakeng seo, ka mohau oa Molimo ke ts'epa bohle re le karolo ea moruo o moholo oo oa Molimo.

²⁹ 'Me joale kea—kea ts'epa le tla 'mamella, ts'oarang Libebele tsa lona, lipensele tsa lona, kapa seo le ka se etsang ho bala le 'na, hoba ke tllilo lebisa Mangolong a mangata. Ho leka ho qeta ka nako e lekaneng ho ts'oarana le thapello ea bakuli; ebile ke e ts'episitse. E se e le nakoana le rapela, ka liphaposing le hohle, bao ba batlang ba se na thuso ba lahlile ts'epo.

³⁰ 'Me, ha Morena a rata, nka ts'oara ts'ebeletso e 'ngoe ka la leshome ts'elela, nka rapella bakuli feela.

³¹ Phomolo ea ka e a qala joale. Ho qala ka Pherekhong e fetileng, esale ke phaola, 'me ke tla khutlela mona hape. Ke tllilo tsamaea. Ke isa lelapa la ka Tucson hoseng, ke ntano khutla ho qeta nako tlase mona Kentucky, le metsoalle e meng ea ka, ho tsoma, le ho tsoma mosamane, liveke tse 'maloa, kapa matsatsi a supileng kapa a robeli, a leshome, e ka bang eng, haese ha Morena a ntataisetsa tulong e itseng. Ha nke ke tseba, hore motho u tla ba kae; ha re ke re tseba hoo, hoba e matsohong a Molimo, Molimo o inots'i.

³² Joale temana e kholo ena, re—re. . . Kea kholoa, ha nka nka nako ea ka mona, hoba motho u ts'oanela ho kenya lintho tse ngata, e ka qeta liveke. Empa ke ngotse Mangolo a 'maloa fats'e, lintlha tse itseng, ho otlalintlha tsa sehlooho feela tsa eona, moo e tla le lumella ho balisisa.

³³ Hape kapele, mohlomong, ha Morena a rata, ka Mphalane, ha ke tsebe neneng, empa mohla A hlahisang hoo, nka rata ho fumana e—e matsatsi a 'maloa, ts'ebeletso e tsoellang feela, holim'a khaolo ea 12 ea Lits'enolo, ho tlamahana le sena mona. Oho, ke lumela e tla ba ntho e kholo. E tla ba joalo feela. E tla ba ntho e kholo ho bona ka moo A sebelitseng.

³⁴ Hape, ha re kopana 'moho joale, phirimana ea maobane ke boletse, ke itse, "U a tseba, ha ke. . . ." Hoseng, joaloka hoseng ho hong le ho hong, ke ee ke nahane, "Ha ke fihla tlase mona, ke tllilo tsebisa e mong le e mong oa metsoalle ea ka e leng teng mono." Joale nka e khona joang?

³⁵ Mona 'moho, kena le motsoalle oa ka ea lokileng, Ngaka Lee Vayle ea lutseng morao mona, mohatsae ea ratehang le morali. Le Moena Roy Borders, le, kea kholoa, Moena Ruddell, Moena Beeler, le Moena Palmer, le Moena Jackson. Le, oh, khele, e—e. . . Baena ba khabane bao bohle ho tsoa libakeng tsohle tse fapaneng! Moena Anthony Milano, le, oh, hohle moo u shebang teng, u bona moena e mong ea itseng! Ho tsoa tlase Arkansas, ha ke hopole lebitso la bona; Moena John, Moena Earl Martin, le Moena Blair. Le, oh, feela ke. . . uena. . . Ke letoto le sa feleng, oa bona. Ke thabetse haholo

ho teeloa hare ke sehlopha se kang seo ha ke ruta Lentsoe la Molimo, banna bao ke ba nahanang e le banna ba khabane, banna ba sebele ba Molimo.

³⁶ Ke leboha tabernakele e nyenyane ena haholo. Ke motlotlo haholo ka menyako ea eona e mehlano e buletsoeng batho bohle. Monyako o mong le o mong... Re na le bahlanka ba bane mona, banna ba tletseng Moea; diteraseti tse 'ne, banna ba tletseng Moea. Ke ba babeli monyako ka mong. 'Me e na le mamati a mabeli ka pele, bakeng sa balebeli ba babeli, balisa.

³⁷ Re thabetse ho ba le lona; re leboha Molimo ka sena. A ke a le hlohonolofatse kamehla.

³⁸ Joale re batla ho ema motsotso feela, re sa bala ho tsoa ho Petrose oa Bobeli khaolo ea 3, hape le ho tsoa Bukeng ea Lits'enolo 21.

³⁹ Re sa ema, oho Morena, tlatsa lipelo tsa rona ka thabo ka baka la palo ea Lentsoe la Hao, ho tseba Jesu a itse, ho itsoe, "Maholimo le lefats'e li tla feta, empa Lentsoe la Ka le ke ke la hlolola le ka mohla." Ho tseba A boetse a buile, "Lengolo lohle le tlamehile ho tlatsoa." 'Me re sa bala lintho tsena, kutloisiso e tsoang ho Uena e ke e re fihlele, hora eo re phelang ho eona. Re e kopa Lebetsong la Jesu, Mongoli oa Buka. Amen.

⁴⁰ Petrose oa Bobeli 3.

Baratuoa, e se e le lengolo la bobeli, leo ke le ngollang lona; 'me ka 'ona a mabeli ke ntse ke re ke le hopotsa hore ke tsosa maikutlo a lona a hloekileng:

Le tle le hopole litaba tse boletsoeng pele ke baporofeta ba halalelang, le melao ea Morena 'Moloki oo le o beetsoeng ke baapostola ba lona:

Le ntse le tseba haholo-holo hobane, mehleng ea morao ho tla hlaha basomi, ba tla tsamaea ka litakatso tsa bona,

Ba soma ba re, E kae pallo ea ho tla ha hae?... (Ha taba eo e sa bue ka mosali enoa oa mohetene!)... 'me ha e sa le ho eshoa bontate moholo, ntho tsohle li sa ntse li tiile li sa le joale ka qalong ha li hlolola.

Hobane ba lebala ka boomo, hoba maholimo a ne a hloloe khale ke lentsoe la Molimo, le hoba le lona lefats'e le nts'itsoe metsing la bolokoa hara metsi:

Le hoba lefats'e la mehleng eo, le timelitsoe ka 'ona, ha le koahetsoe ke metsi:

Ha e le maholimo a joale le lefats'e, e leng a joale, li boloketsoe mollo ke lentsoe lona leo, li boloketsoe tsatsi la kahlolo le la ts'enyeho ea batho ba nyefolang.

Feela, baratuoa, se lebaleng taba ena e le 'ngoe, ea hore letsatsi le leng pela Morena le joale ka mengoaha e sekete, le hoba mengoaha e sekete e joaleka letsatsi le le leng.

Joale, Morena ha a liehise lipallo tsa hae, joaleka ha e mong ba lekanya hobane tieho e teng; empa o sa mameletse ka baka la rona, hobane ha a rate ha ba bang ba ka timela, empa o batla hore bohle ba finyelle pakong.

Letsatsi la Morena lona le tla ka mokhoa oa lesholu la bosiu; mme...lona maholimo le lefats'e, ka lerata le ts'abehang...a tla feta ka lerata le ts'abehang, 'me metheo ea lintho e tla felisoa ke ho cha, le lefatshe le tla cha ruri le mesebetsi e ho lona.

Joale ha e le moo ntho tseo tsohle li abetsoe ho felisoa, re be motho ea matla hakakang liketsong tse halalelang le borapeli,

Le ntse le lebeletse hona 'me le akofisa hona ho tla ha letsatsi la Molimo, leo maholimo a tla felisoa ke ho cha ka lona, 'me metheo e tla qhibiliha ke ho cha?

Empa re lebeletse, ka pallo ea 'ona, maholimo a macha le lefats'e le lecha, moo ho loka ho ikahetseng teng.

Ka baka leo, baratuoa, ereka re lebeletse tse joalo, ituiseng hore le tle le se se ke la fihleloa...le tle le fihleloe ke 'ena le ena le khotso, le se na letheba, le se na sekoli.

'Me le ntse le lemoha hobane mamello ea Morena oa rona ke poloko; joaleka...Pauluse...oa rona ea ratoang a le ngoletse le 'ena ka bohlale boo a bo neiloeng;

Joale ka...a ngola mangolong a hae 'ohle, moo a bolelang tsona tse joalo; empa...ho na le linako tse ling tse a leng thata, tseo ba sa rutehang le ba tetemang ba li khopamisang, khopamisetsang, tahleho ea bona, joaleka—joaleka ha ba etsa mangolong a mang.

Ha e le lona, baratuoa, ha le se itsebetse tseo pele, itebeleng, le se ts'ohe le hulanngoa le ba bang...thetso ea ba manyala bao, 'me la timelloa...ho tiea.

Le mpe le hole mohaung,...tsebong ea Jesu Krete Morena le 'Moloki oa rona. Ho 'ena e be khanya joale le ka mehleng e sa feleng. Amen.

⁴¹ Joale mono—mono Ts'enolong ea Krete, khaolong ea 21, ke bala Mantsoe ana.

Eaba 'na Johanne ke bona leholimo le lecha le lefats'e le lecha: hobane leholimo la pele le lefats'e li ne li fetile; le lona leoatile le ne le le se le le sieo.

Eaba ke bona motse o halalelang, 'ena Jerusalema e mocha, o theoha leholimong ho Molimo, o itokisitse joalo ka monyaluoa ea ithlophiselitseng monna oa hae.

Ka utloa lentsoe le phahameng le etsoa leholimong le re, Bonang, tabernakele ea Molimo e hara motho, o tla aha le bona, e tla ba lichaba tsa 'ona, 'me Molimo o tla ba le bona ka sebele sa 'ona, e be Molimo oa bona.

Molimo o tla hlakola meokho eohle mahlong a bona; lefu ha le sa tla hlola le e-ba teng, 'me ha ho sa tla ba ts'oabo, leha e le ho bokolla, kapa bohloko: hobane tsa pele li se li fetile.

Joale ea lutseng teroneng a re, Bonang, ntho tsohle ke li etsa tse ncha!...a re ho 'na, Ngola: hobane lipolelo tseo li tiile ke tsa 'nete.

A ba a re ho 'na, Ho phethehile. Ke 'na Alfa le Omega, qalo le qetello. 'Me ea nyoriloeng ke tla mo nosa feela metsi a liliba tsa bophelo.

Ea hlolang o tla ja lefa la ntho tsohle; 'me ke tla ba Molimo oa hae, 'ena e be mora oa ka.

A re rapeleng hape.

⁴² Morena Jesu, ka ts'episo e kana le ka polelo e thata hakana eo Jesu ka Sebele le moapostola a re fileng eona ho latela hora eo re e atamelang, re fe, oho Morena, tataiso ea Hao, re tle re tsebe mokhoa oa ho e atamela ka tsela e lokileng. Hobane, e a tla, re a tseba. Mangolo a ts'oanetse ho tlatsoa, 'me ho tla ba joalo. 'Me joale, Morena, re kopa mohau oa Hao hape holim'a rona bohle, re sa bala Lentsoe la Hao. E ba le rona 'me u Le phuthullele rona, Morena, hoba re e kopa Lebithong la Jesu. Amen.

Le ka lula fats'e.

⁴³ Joale, kea ipotsa mokhoa o ka etsoa na, ba ka tima mabone a oditoriamo e kholo, 'me ba tlohela ana a kalaneng feela, ho ka ba molemo, ra baballa mollo o seng mokae. Re batlile re chesa transefomara, bosiuung bo bong. 'Me ha molaoli oa mabone a ka re etsetsa seo, re ka ananela ho tingoa ha mabone a tlase, mabone a oditorimo e kholo, a tingoa. 'Me ke kholoa le tla fumana sebaka se se ngata ho bona, ho ngola.

⁴⁴ Joale, temana hape, ho e tsebisa, ke hore re atamela e—e temana ea: *Lehae La Kamoso La Monyali Oa Leholimo Le Monyaluoa Oa Lefats'e.*

⁴⁵ Joale joaleka ho etsahetse...Ke tla ts'oanela feela ho etsa tjena. Ho chesa haholo feela holimo mona, le a bona. E, monghali. Joaleka ha re...Ke tseba mohatsa ka a sa rate ha ke etsa joalo; empa, hono, ho hlobola baki ea ka. Ho mpa ho

chesa haholo holimo mona. Le a bona, lona le fumana moea mono, 'me mona ke koaletsoe serojaneng, le a bona. Joale, ka koana—ka koana nakong e tlang, kapa . . .

⁴⁶ Nako e fetileng, ke rialo, re ithutile ka *Litiiso Tse Supileng, Likereke Tse Supileng*. Moena Vayle le bao ba sebetsana le tseo joale, ka bots'epahi, ho li kenya ts'obotsing ea buka.

⁴⁷ 'Me ho bona tsena tsohle tse hllolang tseo re li boneng li etsahala, ka hona kea kholoa, ka mora ho utloisisa hono, horeng eo re phelang ho eona, le malulo; ha ho motho ea ka batlang ho lula fats'e ka kelello e hlaphohetsoeng a lekola se boletsoeng, le se ts'episitsoeng ho etsahala, le se etsahetseng, haese ea ka reng lintho tseo li etsahetse. Le a bona? Hantle feela seo Molimo o itseng O tla se etsa, O se entse hantle ho fihla letereng. Le a bona?

⁴⁸ Joale, ke nahana tabeng ena, hore, kaha ho sa tsejoe nako eo Morena Jesu a ka hlahang ka eona, ke hopotse ho tla iokela, e bonahetse e khahlile Moea o Halalelang hore re ka bua ka taba ena, nakong eo; 'me mohlomong ho khutlela ho eona hape, makhetlo a mabeli kapa a mararo, hoba nke ke ka fumana nako e lekaneng ho e hotolla kaofela.

⁴⁹ Ke mokana ha o thulana le e—e sehlooho se batlang se khopa motho, ha o khone ho se mathisa tsela eohle ho se hlakisa, o b'o s'o khutla hape ho ts'oarana le sehloho se latelang.

⁵⁰ 'Me hamorao, tabeng ea . . . ha Morena a ratile, re kena litiisong ea bo-12 kapa e seng . . . Nts'oareleng. Khaolo ea 12 ea Lits'enolo, e robetseng pakeng tsa ho Tla ha Morena le qetello ea Literompeta, le joalo-joalo. Re tla leka ho khutla ka taba eo, ho bonts'a na Satane ke mang, le seo a se entseng, moo a tsoang teng, hore morero oa ha eke ofe, le ka moo botle bo boholo ba hae boo a bo filoeng bo hlhisitseng tlolo ea hae. Thetso ea hae ea e hlhisitse tlolo; botle.

⁵¹ Ebile hape, ha se ntho e ka etsoang ho mang ea batlang ho e sheba hantle, "peo" eo ea noha. Nka phephetsa mono, mang kapa mang, le a bona, ea ka batlang ho e sheba, ka—ka kutloisiso e paala feela ruri. Le ngoana a ka e bona. Le a bona? Joale, ebile re tla kena moo hamorao.

⁵² Joale, mona re utloisisa Mangolo a mabeli ana . . . Lebaka leo ke balileng Petrose wa Bobeli le khaolo ea 3, re a bapisa le Lits'enolo 21, bobeli mona a bua temana e ts'oanang, empa Johanne le ka mohlala—mohlala ha e ngola joale ka ha Petrose a e ngotse. Le a bona? Re utloisisa Lehae le leholo lena la Monyaluoa le tla hlongoa lefats'eng mona.

⁵³ 'Me joale ha u bala, joale ka khaolong ea 21, khaolong ea 21 ea Lits'enolo, moapostola mona o boletse, kapa moporofeta o boletse, ha thoe, "Ke bone Leholimo le Lecha le Lefats'e le Lecha." Eka hoja ho tla timeletso.

⁵⁴ Joale, ka tloaelo ke fumana Melatsa ea ka ka thapelo. E ee e re ke lutse thapelong ntho e senohe ho 'na. 'Me ke e emela metsotso e 'maloa ho sheba haeba e lokile na, ke ntano e utloa e atamela. 'Me nako tse ling ke ema ho fihlela e fetoha pono. Empa ha e qala e fihla, 'me ke khotsofetse hoba e tsoa ho Molimo, ebe ke tla ea Lengolong. Le a bona, Mono ke hore, eka khona e be thasisetso ea ntho e 'ngoe le e 'ngoe e etsoang ea semoea, hoba Bible ke ts'enolo e tletseng ea Jesu Krete; le a bona, Ke 'Mele oa Hae.

⁵⁵ 'Me joale, tabeng eo, mohlomong ke fumane tulo e sa utloahaleng hantle feela Lengolong, 'me ebe kea ipotsa. Ke khutlela thapelong hape. E boele e tle hape. Ebe ke—ebe ke qalella ho—ho lekola Lengolo la ka.

⁵⁶ Joale, Bible ea rona e ngotsoe ka Senyesemane, 'me mantsoe a Senyesemane a fetoha, nako tsohle. Ho tea mohlala, joaleka Mohalaleli Johanne 14, e itse, "Meaho e mengata ka Tlung ea Ntate," moaho kahara ntlo. Be, joale he, uena, seo u se etsang ka taba eo he, ke ho mathela morao ho—ho sa mantlha 'me u shebe seo Jakobo a n'a se bolela, kapa ho khutlela ho Seheberu, kapa ho Segerike, ho tsoa phetolelong ea pele. 'Me ka mono e re, "Lipaleise li ngata 'Musong oa Ntate.'" Be, joale he, ebe u khutlela mehleng eo bafetoleli ba na ba fetolela King James, 'muso o ne o bitsoa, ka Senyesemane, "ntlo," 'me morena e ne e le ntate holim'a bafo ba hae. Ke lona lebaka ba fetoletseng, "Meaho e mengata ka Tlung ea Ntate." Le a bona? 'Me joale o fumane mantsoe ao 'me u loketse ho a tsoma.

⁵⁷ Ebe, u a bona, ho tsoa ts'usumetsong eo... Sefala sena hoseng hona, ke re, ha eso be letho haese Lengolo, le tsepaemeng. *Peo ea Noha* le lintho tsena tsohle li tla joalo. Le a bona? Ka...

⁵⁸ 'Me ke eona, ehlile, ha motho a ka bala feela a re, "Meaho e mengata ka Tlung ea Ntate," ha u sa ka ua ema ho lekolisa, ho rapela, u tla ferakana ka hohle. U a bona? Empa lula u ntse u rapela. Molimo o a e lokisa ka mehla, haeba e tsoa ho Molimo.

⁵⁹ Joale, Johanne o hlalosa phetoho le ho hla-...kamoo e etsoang kateng... Ha se 'ena ea e hlalosang, ke rialo, empa ke Petrose ea e hlalosang. Johanne o mpa a itse, "Ke bone Maholimo a Macha le Lefats'e le Lecha; maholimo a pele le lefats'e la pele li ne li fetile. Leoatle le ne le le sieo. 'Na Johanne ka bona Motse o halalelang o theoha ho Molimo Leholimong, o lokisitsoe joaleka Monyaluo ea itlhophiselitseng Monna oa Hae." Empa, re phetla morao ho Petrose oa Bobeli ho fumana, Petrose o hlalosa ts'ebetso ena kamoo e tla hlalisoa kateng. Joale, ha u ka sheba se boletsoeng ke Johanne, e utloahala eka, "Hobane maholimo a pele le lefats'e la pele li ne li le fetile," ho timetsoa. Le a bona, ka hona, taba eo e utloahala e makatsa haholo. Ka eona taba e ileng ea nchabela, 'me ka qala

ka tsomana le lentsoe, “ho feta.” ’Me, joale, empa ho hlakile bobeli bona, moapostola le moporofeta, ba ne ba bua ka ntho e le ngoe.

⁶⁰ ’Me joale, hape, Bukeng ea Esaia, joale, ha le batla ho ngola Mangolo ana fats’e, ho Esaia 65:17. Esaia, ha a bua ka Mileniamo, lilemo tse sekete tseo tsa phomolo ea—ea batho ba Molimo. Esaia o buile ka eona, ’me o itse, “Nna . . . Ho ne ho e-na le . . . Lintho tsohle tsa pele li ne li fetile,” le kamoo ba tla haha matlo, ba lule ho ’ona. Hola re e-na le nako . . . Mohlomong re ka nka nako ra—ra bala lena motsotso, Esaia 65, ’me a re baleng feela metsotso e ’maloa feela mona. ’Me ke lena moo le leng teng, hantle, molemong oa rona. Joale, ho qala, Esaia 65:17.

’Me, bonang, ke bopa maholimo a macha le lefats’e le lecha: . . .

⁶¹ Joale, Esaia, moporofeta, e ne e le e mong oa baporofeta ba ngotseng Bibe le eohle hantle seporofetong sa hae. O qala ka hloleho; mahareng ba Buka ea hae, nka re khaolong 40, ho hlaha Johanne Mokolobetsi, Testamente e Ncha; ’me o qetella holimo mona, Bukeng ea hae, Lits’enolong, Mileniamo. Libuka tse Bibeleng li mashome a ts’eletseng a metso e ts’eletseng, ’me likhaolo tsa Esaia li mashome a ts’eletseng a metso e ts’eletseng. O ngotse tlhakisetso e ptletseng.

⁶² Joale, re a fumana, mona joale o ts’oarana le khaolo ea 65, khaolo e le ’ngoe hape, ’me a ntano bua ka Mileniamo. E lemoheng, ha se le ho babatseha.

. . . bonang, ke ea bopa leholimo a macha le . . . lefats’e le lecha: ntho tse fetileng ha li sa tla hopolola, kapa li ke ke tsa khutlela mehopolong. (Ke ho “feta.”)

Empa le—le tla ba le thabo le nyakallo . . . esita ka seo ke se bopileng: hobane, bonang, ke ea bopa Jerusalema e be motse oa thabong, le sechaba sa ’ona e be sechaba se khots’eng thabo.

Ke tla etsa Jerusalema thabo ea ka, sechaba sa ka ke se etse lehlohonolo la ka: lentsoe la lillo ha le sa tla hlola le utloahala teng, hoba . . . leha e le lentsoe la pokollo.

Teng ha ho . . . lesea le tla tsoalola hore le phele matsatsi a se makae, ’me . . . legheku le sa phethang palo ea matsatsi a lona: hobane ea tlang ho shoa a le lilemo tse lekhola; ’me e tla ba moetsalibe ea qosoang ka hlapa. Joale ho tla . . .

Ba tla haha matlo, ba lule ho ’ona; ba tla hloma merara, ba tla je litholoana tsa eona.

’Me ba ke ke ba haha matlo, osele a lula teng; (ke ho re, polasi ea hao, mora’ hao a e rue, kapa e mong oa majalefa a hao). . . leha e le ho hloma merara, osele

a je tsa mono: (ba itlhomela 'me ba lule teng; ba na le Bophelo Bosafeleng)...hobane matsatsi a sechaba sa ka a tla lekana le matsatsi a lifate, 'me bolele ba ka...bakhethoa ba ka ba tla bona mesebetsi ea matsoho a bona.

Ba ke ke ba sebeletsa lefeela, ba ke ke ba tsoala bana 'me ba lahlehelo ke bona kapele; hobane ke leloko le hlohonofalitsoeng ke JEHOVA, 'me bana ba bona tla 'ne ba lule le bona.

⁶³ Joale elelloang, moo ke batlang ho ea finyella teng ke mona, ka mora' nakoana.

Etlare, ba e-so ho hooe, ke tla be ke se ke ba arabile; etlare ba sa bolela, ke-ea be se ke se ba utloile.

'Me phiri e tla fula hammoho le konyana, tau e tla fula joang joale ka khomo: . . .lerole e be lijo tsa noha. 'Me li ke ke tsa khathatsa leha e le ho senya thabeng ea ka eohle e halalelang, ho bolela JEHOVA.

⁶⁴ Ke ts'episo e kakang, ea baporofeta bana le bahlalefi ba baholo bana, baruti ba Bibe, morao koana mehleng ea bohoholo, mohla ba boning ho fihla Tsatsi le tlotlehang lena!

⁶⁵ Ka liratsoana tsena, motho a ka nahana, kapa a tataisoa, ke batla ho rialo, ho lumela polanete eohle, ea lefats'e lena, e tla senngoa, "Ke bopa Lehologo le Lecha le Lefats'e le Lecha," le a bona, maholimo a tla be a fetile le lefats'e le tla be le fetile, ho timeletsoa ka botlalo. Empa hlhlobo e tebileng, le ka thuso ea Moea o Halalelang, re ka bona 'Nete ea taba ena; 'me re kena hona tabeng eo.

⁶⁶ Ke sebaka se le potileng feela, le sebe se holim'a lefats'e, se tla felisoa. Le a bona? Joale, re a lemoha maholimo a bolela "dibaka tse holimo." Le a bona?

⁶⁷ Hoo ho etsa'ng? Eona he, lits'ehlo tsena, le maloetse, le lefu, le lipolotiki, le monna oa moetsalibe, le mosali oa moetsalibe, le meea e mebe, etlabe e le sieo eohle e timelitsoe. Le a bona? Le loketse ho sebetsoa joalo, hoba re tllilo lula hantle hona mona. Re tla paka taba eo ka Bibe. Hantle mona ke hona moo re phelang. Joale lemohang, lits'ehlo, likokoanahloko, maloetse 'ohle le lintho, li tla tlosoa ka ho phethahala. Ntho ena eohle, boteng ba eona holim'a lefats'e joale, litsamaiso tse entsoeng ke motho, lipolotiki, sebe, mefuta eohle ea meea e mebe eo lefats'e le silafalitsoeng ke eona, le maholimo 'ohle holim'a rona ka hare mona, a silafalitsoe ke moea o mobe. Joale re tla teba 'me re ee halelele, tabeng ena, le a bona.

⁶⁸ Ntho ena eohle e maholimong, kapa libakeng tse holimo, le lefats'eng e leng la joale. Lefats'e lena le bolokile lintho tseo, empa le ne le sa etsetsoa morero oo. Ke sebe se le entseng joalo. Le a bona? Le entsoe ke Molimo, 'Mopi. Empa tsohle. . .

⁶⁹ 'Me mebele ea rona eohle, eo re phelang ho eona joale, e ne e beoe lefats'eng mohla Molimo o nong o le bopa, hoba u tsoa leroleng la lefats'e. O ne o aliloe 'ohle ka ntle mona. Mohla Molimo ka Sebele a na a o bopa, u no u le monahanong oa Hae. 'Me ka ho Eena, Mohlolehi e Moholo, ho no ho lutse mohopolo, e leng bokhethi ba Hae.

⁷⁰ 'Me joale sebe se hlhisitse hona hohle. 'Me Molimo, mongoaheng ona 'ohle, o ntse o bokella lisebelisoa tsa Hae.

⁷¹ Satane o sa le teng mona. Ke ka hona tsena tsohle li hlahang. O sa le teng mona, le makhotla a hae 'ohle a mabe a sa le teng mona. Lemohang, ke ka hona lefats'e la joale le silafatseng hakana. Ke ka hona mafilo a lits'ila le bosaoana li leng teng; ts'ollo ea mali, ntoa, lipolotiki, sebe, bootsoa, le lits'ila tsa mefuta eohle tse etsahalang, ke hoba Satane e le 'musi oa lefats'e lena le sebaka sena.

U ka re, "Seba-...?" E, monghali!

⁷² Maholimo le lefats'e joale li silafalitsoe ke matemona a ka re qosang pela Molimo. Jesu o Teng ho re emela. Le a bona? E re baqosi ba sa supa ka monoana, "ba entse *sena*, ba entse *sena*, ba entse *sena*," empa Mali a sa ntse a koahela. O tlile ho lopolla Mokhethoa eo A 'moneng esale pele. Ke ka hona le silafatseng hakana kajeno.

⁷³ Mona, moapostola, mona ho Petrose wa Bobeli, khaolong ya 2, le ea 5 le ea... le temana ea 5 le ea 6. E, ke e ts'oere. O bua ka mehato e meraro ea lefats'e. Le a bona, o—o nka mehato e meraro ea lona. Elang hloko kamoo a e hlhisang.

⁷⁴ "Lefats'e la khale le nts'itsoe metsing," joale, leo e ne e le lefats'e la pele ho moroallo.

⁷⁵ Joale, la joale, lefats'e leo re phelang ho lona joale, o le bitsitse "lefats'e."

⁷⁶ "Lefats'e la khale le nts'itsoeng metsing," Genese 1:1. Joale le "lefats'e" la joale. 'Me ebile, hape, o bua ka le leng, "lefats'e le tlang ho hlaha," Lefats'e le Lecha. Mafats'e a mararo; mehato e meraro ea lefats'e.

⁷⁷ Lemohang kamoo Molimo o re hlakisetsang leano la Hae la topollo. Oh, e ile ea hlasimolla moea oa ka feela ha ke ne ke e bona, kamoo A re hlakisetsang leano la Hae la topollo mona joale. Joale bapisang seo re se bonang ka mahlo a rona. Seo Molimo o se entseng ho lopolla lefats'e la 'Ona, O sebelisitse lona leano leo ho lopolla batho ba 'Ona, hoba Molimo o sa fetoheng ha O fetole lefe feela la maano leha e le ntho efe feela. Ke ntho e khanyang hakakang!

⁷⁸ Kamoo A re huletseng ho Eena, ho lula ka hare ho rona, ka mehato e meraro ea mohau; joalo ka ha A fetisitse lefats'e mehatong e meraro, ho ka tla lefats'eng. Joaleka Molimo a tla tla lefats'eng hoba le fete mehatong e meraro e fapaneng

ea hlatsuo, le ho rona O tla ka mehato e meraro ea mohau. Ke 'nile ka e ruta ts'imolohong; ha ke eso fetohe, ha esale. Ke Lentsoe la Molimo.

⁷⁹ U loketse ho boloka boraro ba hao 'moho, bosupa ba hao, boleshome peli. Lipalo tsa Bible li ts'oanetse ho matha ka ho phethahalo ho seng joalo u tla ferekanya sets'oants'o sa hao kahohle. Ha u sa e utloisise, lula u nts'o rapela feela. U lebelle, e tla hlaha hantle, ka ho phethahala. Molimo o phethahatsoa borarong. Le a bona?

⁸⁰ Lemohang, "lefats'e la khale," lefats'e la pele ho moroallo; "lefats'e" la joale; le Le tlang.

⁸¹ Joale, mohato oa pele oo A re tlisetsang 'ona. . . Le a bona, morero oa Hae oa topollo o ts'oana hantle nthong e 'ngoe le e 'ngoe. O sebelisa mokhoa o ts'oanang. Le ka mohla ha A fetohe. O boletse, ho Malakia oa 3, "Ke 'Na Molimo, 'me ha Ke fetohe." Kamoo A e sebetsang kateng, ka hona, haeba A pholositse motho oa pele eo A kileng a mo pholosa, ka Mali a ts'olohileng a Ea hlokaneng sekoli, O tla lokela ho pholosa ea latelang; 'me e mong le e mong eo A mo pholosang o lokela ho tla ka tsela e ts'oanang.

⁸² Ha A kile a folisa motho nakong efe feela leetong la bophelo; e ka bang matsatsing a Jesu, baapostola, baporofeta, e ka ba neng; ha maemo a ts'oanang a ipheta, e ka khona a E sebetse hape. Ke hantle. Ha A fetohe. Motho o a fetoha, nako e a fetoha, mongoaha o a fetoha, lekhathe le a fetoha, empa Molimo o a tso'ana. O phethahetse. E lokela ho nea bakuli ts'epo e kakang!

⁸³ Ha A kile a folisa motho, O tlameha ho e pheta mohla maemo a ts'oanang a hlahang. Le ka mohla, haeba A kile a pholosa motho, O loketse ho e sebeletsa holim'a motheo o ts'oanang le oo A o sebelitseng khetlo la pele. Ha eba A kile a tlatsa motho ka Moea o Halalelang, O lokela ho sebeletsa holim'a mabaka a ts'oanang le ao A sebelisitseng khetlo la pele. Ha eba A kile a tsosa motho lebitleng, O loketse ho e etsa khetlo la bobeli, le nakong efe feela hape, holim'a molao 'ona oo.

⁸⁴ Ha A fetohe. Oh, taba eo e mpha ts'epo e kakang! Ke eng? Ha se ho its'etleha ka mohopolo oa ho reng o raliloeng ke motho, ntho e bokanetsoeng ke sehlopha; empa Lentsoe la Hae le sa fetohe.

U ka re, "Na ke 'Nete?"

⁸⁵ O itse, "Lentsoe la motho e be leshano, 'me la Ka e be 'nete." "Hoba maholimo le lefats'e li tla feta, empa Lentsoe la Ka le ke ke la hlolela." "Lengolo lohle le abiloe ka pululelo, ka baka leo le molemo ho ruta thuto." 'Me hopolang, ho re, "Lengolo lohle le tla phethahatsoa," karoloana ya lona ka 'ngoe.

⁸⁶ Elang hloko kamoo Molimo o re hlakisetsang eona. 'Me holane e ne e se e—e thasisetso e kholo, ntho e molemo... hlohonolofatso e kholo, ea lerato le tsoang ho Molimo! Ha ke bona sena, ho e bona ke sa le moshanyana, khetlo la pele Krete a kileng a sebetsana le 'na, esale ke ruta mehato e meraro eo ea mohau. Elang hloko haeba e se 'nete joale.

⁸⁷ Joale, khato ea pele ke "pako nqa ho Molimo." 'Me ka mora mono ho latela, kolobetso ea metsi, "kolobetso ea metsi," "Bakang, 'me le kolobetsoe ka Lebitso la Jesu Krete." Le a bona, kolobetso ea metsi ea latela, ho bonts'ang hoba pako e ne e hloekile. Kapa, ho "ts'oarela" libe tsa rona tse fetileng, ha e amane le sebe sa hosane. E mpa e le ho ts'oarela feela. "Bakang, 'me le kolobeletsoe Lebitsong la Jesu Krete." Bakeng sa eng? "Ts'oarelo." Ho tlosa sebe se fetileng ha ho amane le bokamoso. Ke feela, sebe sa hao se mpa se ponngoe, seo u se entseng.

⁸⁸ Ha u ka ke oa bakela se entsoeng ke Adama. Ha se uena ea se entseng; se entsoe ke Adama. U mpa u ts'oareloa seo u se entseng. Hlaho ea khale e sa le teng.

⁸⁹ A nke ke ts'oare letlapa lena motsotso. [Moena Branham o taka lipapiso letlapeng—Mong.] Joale, pelo ea motho ke *ena*. Joale, ha ke... ha ke setaki ho hang. Pelo ea motho ke *ena*; 'me pelo ea motho ke *ena*. Joale, *ena* e *mona* e na le noha ka hare, seo ke sebe, bophelo ba hae bo *mona*. *Ena mona* e na le leeba ka ho eona, e leng Moea o Halalelang, Bophelo ba hae bo *mona*. Be, *ena mona*, o lonya, lehloeo, *mona*; ke hona ho hlahisang hona, ke thaka lena *mona*. Be, *ena mona* e na le lerato, le thabo, le mamello; 'me ke Sona se etsang hona, tlase *mona*.

⁹⁰ Joale, ha u botsoa, kapa u ts'oareloa libe tsa hao, u mpa u entse sena feela, ho tlosa ntho *eo*. Empa se u etsisitseng eona se sa saletse. Oo ke motso oa khale oa bokhopo; o sa le teng mono. Elang hloko, ebe u a baka u kolobetsoa ka Lebitso la Jesu Krete, hore O u ts'oaretse libe tsa hao. Elang hloko.

⁹¹ Joale e be, bobeling, ho latela khalaletso, eona e hlophisetsa mohopolo oa rona khalelelo, ho nahana hantle. Ho tlositsoe... khalaletso ke lentsoe le menahaneng la Segerike, le bolelang "ho hlatsuoa, le ho beelloa ka thoko ho sebelisoa."

⁹² Ho ntano, latela, e be ho latela kolobetso ea Mollo le Moea o Halalelang, Molimo a tl'a ahe ka ho rona. 'Me Mollo oa Molimo o hlatsoa lipelo tsa rona sebeng, 'me o kenya Moea o Halalelang ka hare. Ebe moo re hlahisang bona Bophelo bo sebelitseng *Hona*, hoba Hoo ho ka ho rona.

⁹³ Elang hloko, tsoalong ea tlhaho, ha mosali a tsoala lesea. Bophelo ba nama bo bapisa bophelo ba moea. Ha mosali a tsoala lesea, ka hlaho, ntho ea pele ke metsi a thubehang, e ntano ba mali, e ntano ba moea (bophelo). Ho phamola thakanyana leo u le patlotse [Moena Branham o opa liatla tsa hae hang—Mong.], 'me ke eo a tloseletsa, a bokolla. Metsi, mali, moea.

94 'Me joale lesea ha le tsoalloa 'Musong oa Molimo, le tla ka ho ts'oana: metsi, Mali, Moea.

95 Joale elang hloko, khalaletso, mohato oa boraro... mohato oa bobeli oa eona, e hloekisa keello; e lokisa pelo, mohopolo oa pelo, ho e hlophisetsa khallalelo.

96 Monna a ka baka libeng tsa hae le joale o sa nahana ka... Be, ha re re ke e—e monna ea a sa hloekang, nako le nako ha a fumana mosali ea sa hloekang, e sa le teng. Ha re re ke letahoa; nako le nako ha a fofonela tahi, e sa le teng. Le a bona?

97 Empa ha a hlatsua, hoo ho hlwekisa takatso e ka ho 'ena. Le a bona? E tlosa tabatabelo ea eona. A ka 'na a lekoea, empa O tlosa tabatabelo ea eona. Le joale, ha eso loke.

98 Eba, o kolobetsoa ka Moea o Halalelang le Mollo. O hlatsoitsoe, o chesitsoe, o hloekisitsoe; 'me a ntano kenngoa mosebetsing oa Molimo.

Khalalelatso e mpa e 'meella ka thoko feela *bakeng sa* ts'ebeletso.

99 'Me le ele hloko mokgoa oo e tlang ka 'ona, eona melaetsa e latelang. Martin Luther, tokafatso; John Wesley, khalaletso; pentekosta, kolobetso ea Moea o Halalelang. Melaetsa, ke mohlala ho sa tlo hlola ho fumanoa mengoaha ea eona, le a bona. Re nakong ea qetelo. Mehato e meraro. Kolobetso e hloekisa pelo ka Moea o Halalelang.

100 Joale e hlolla hakakang, O nka sebaka seo re tllilo lula ho sona, ho se fetisa ts'ebetsong e ts'oanang.

101 Joale, O bitsitse Kereke ka tokafatso, ho E bitsa ka khalaletso, Ea ntano tlatsoa ka Moea o Halalelang le Mollo. 'Me A E fetisa mosebetsing, e le hore 'Ena ka Sebele, Moea o Halalelang ka Sebele, Mora Molimo, a tle a ahe pelong ea motho. Joale, E lokela ho feta mono pele A ka kena ka ho Eona.

102 Elang hloko, O sebelitse lefats'e joalo, e leng moo Monyaluoa eo a tla phela teng, ka ho ts'oanang, lona leano la Hae la—la poloko.

103 Elang lefats'e la pele ho moroallo hloko. 'Ena, ka mora ho baka ha lona, ka Monyaloua oa tsatsi leo, Nooe, O kile a le kolobetsa ka metsi, ho le koahela ka metsi. Ea ntano ba, tokafatso, e Mo supang a le leetong la Hae ho ho bitsa lefats'e lena le oeleng, le tlohileng Edene, ho busetsoa khutlisetsong ea lona hape.

104 Eaba Krete o a tla a ts'ollela Mali a Hae holim'a lona, ho le hloekisa le ho le tseka. [Moena Branham o kokota sefaleng makhethlo a 'maloa—Mong.] Le a bona, ke lefats'e leo re phelang ho lona joale.

105 Ana le bona Satane, mona Lengolong, kamoo a lekileng ho Mo robisa morero oa Molimo ho le rua, ho Mo fa lona mohla a Mo nyolletlang thabeng, a leka ho Mo fa lona moputso oa Mali o sa lefshoa?

106 Ana le hlokometse Abrahama, mohla ba lekileng ho mo ruisa lefats'e, o kile a le reka ka lishekele tse 'maloa tsa silifera, ponts'eng ea batho, e le pontsho, e le bopaki? "Tsebang ke hona kajeno lena ke rekile sets'a sena sa bafu." Le a bona, o kile a se reka! 'Me Satane o lekile ho—ho Mo ruisa 'muso oa e leng oa hae joale. A leka ho Mo ruisa 'ona e le mpho, A mpa a hana ho o amohela. Hobane, le a bona, Satane o n'a ka 'na a ba le tseko hodim'a lona. Empa, le ne le lokela ho rekoa. Amen. 'Ena e ne e le Lentsoe ka botlalo ba lona. Ba ke ke ba Mo thetsa lebakeng lena.

Ka hona, ha joale le tlameha ho kolobetsoa ka Mollo.

107 Le a bona, ha joale le na le. . . Ho etsahetse'ng? Kreste o kile a tla a biletsa Kereke pakong, kolobetso ka Lebitso la Jesu Kreste, ts'oarelong; ho halaletsa Kereke; le ho theoha ka Mollo oa Molimo ho chesa lits'ila tsohle, le ho tla aha pelong ea motho.

108 Joale, lefats'e, le tla lopolleloa motho enoa ea lopolotsoeng, O sebelisa mokhoa oa Hae o le mong. O kile a le kolobetsa metsing, ka mora ts'enyeha ea lefats'e la moroallo. A le ts'ollela Mali a Hae, ho le halaletsa le ho le tseka. Ke la Hae.

Satane o lekile a re, "Ke tla U fa lona."

109 O itse, "Che, monghali, Ke tla le reka." E tle e be bopaki. O kile a fanyehoa, e le ponts'o, e reng O le rekile. O le lefeletse.

110 Empa joale le ts'oanela ho fetisoa kolobetsong ea Mollo, Mollo o halalelang o tsoang ho Molimo, o hloekisang lefats'e le maholimo a le teetseng hare. Ka hona, le lefeletsoe molopolloa ho phela holim'a lona, ka khotso. Elang hloko, kolobetso ea Mollo ke ho le hloekisa sebeng, maloetseng, mafung a likokoanahloko, baetsalibeng, ho liabolosi le sehlopha sa hae sohle. O tla lelekoa, a lahleloe Lets'eng la Mollo. Mollo o halalelang o tsoang ho Molimo, o theohang ho Molimo, o tsoang Leholimong, ho le chesa, elang hloko, ho le hlophisetsa Molimo ho aha ho lona. Hobane, Molimo, Lefats'eng le Lecha le tlang ho tla, o tla aha lefats'eng. Hobane, u ka re, "Molimo, O aha pelong ea motho." Empa, 'Ena le Monyaluo ba eba Bang, 'me ba ea Lehaeng la bona la Lefats'eng le Lecha. 'Me ho sebelisoa leano le ts'oanang la topollo ho lopolla, bobeli boo, e leng lefats'e le batho ba phelang ho lona.

111 Le a bona, pelo e tlamehile joalo ho hloekisoa. Pele Molimo a ka theoha ka hare ka botho ba Moea o Halalelang, e leng Kreste ea theohang ho tla aha pelong ea motho, pele e ts'oanela ho baka. E ts'oanela ho kolobetsoa metsing, ka Lebitso la Hae, ho bonts'a na ke ea mang.

Joale e ts'oanela ho hloekisoa ka Mali a Jesu.

112 Ebe Mollo o halalelang le Moea o Halalelang, o tsoang ho Molimo, o theoha ho chesa takatso eohle ea sebe, semelo sohle sa lefats'e. "Le hona, ka baka leo, ea etsang sebe ka boomo ha a se a amohetse tsebo ea 'Nete. . ." Hape, Bible e boetse e itse, "ha se ntho e ka etsoang. . ." "Ho 'ena, e—e motho ea tsoetsoeng ke Molimo a ke ke a etsa sebe; ha a etse sebe." Ha ho mokhoa ho 'ena ho etsa sebe. Ekaba moetsalibe, le molopolloa joang, ka nako e le 'ngoe? Na nka ba ka hara levenkele, le ka ntle ho levenkele, ka nako e le 'ngoe? Le a bona? Oh, O re lopolotse ka Mali a Hae; a re hlatsoa ka Moea oa Hae; a nto tla aha ka ho rona, Kereke. E seng phutheho ea malumeli, joale; Kereke!

113 Elang hloko ha re ts'oarana le taba ena, libaka tseo re tla—tla aha ho tsona. Joale, joale, pako ea le—lefats'e la moroallo, mohlang oo, e hlasisitse kolobetso ea metsi. Krete a nto tla ts'ollela Mali a Hae holim'a lona, ho le hloekisa le ho le tseka. Ho nto latela, ntho e latelang, ke ts'enyeha ea lefats'e kamoo le emeng kateng joale.

114 Sebe sohle holimo mahodimong, "ke khosana ea matla a sebaka," o a thibela (o phoka) mahlohonolo a tsoang ho Molimo. Mono ho tsoa tlali ea letolo le otlang lefats'e, le ntho eohle, e tsoang maholimong, maphaketsana a pula ea lehloa, le likhanyapa, kha- . . . lifefo le ntho eohle, "li tsoa holimo," e leng Satane, "khosana ea matla a sebaka."

115 Elang hloko, kamoo Satane a lekileng ho le rua, mokana ke boletse metsotso e 'maloa e fetileng, ka ho le ruisa Jesu a sa le reka. Ka hona, Satane o sa na le tseko, hobane le beiloe leihlo, le a bona. Empa Jesu o le reka ka Mali a Hae a ts'olotsoeng ho le busetsa ho mong'a lona ea ruileng tokelo. Le a bona? O kile a re reka joalo, ka Mali a Hae, O kile a reka Kereke joalo.

116 'Me joale kolobetso ea lona ea Mollo e le hloekisa likokoanahloko tsohle, mafu 'ohle, maloetse a lona 'ohle, esita le linthong tsohle tsa moea; etsoe le ka rona, hape, ho sebetsoa ka ho ts'oana; ho le lokisetsa Molimo ho aha ho lona, mongoaheng o moholo 'ona o tlang, Lefats'e le Lecha. Le a bona, O le lopolla mokana A lopolla batho ba Hae. Ntho eohle O e sebetse ka ho ts'oana, leano la Hae la topollo. Hobane, 'Ena ke Molimo o sa fetoheng, O itsoanela kamehla mererong ea Hae.

117 Ka moo ke 'nileng ka le bolella, pele, le ho le tsebisa, le ka mengoaha eohle, ho thoe Molimo a ke ke a fetoha; ho e tsebisa, ka tsela ka 'ngoe, ka ho ts'oana.

118 O o tsebisitse, molaetsa oa Hae oa pele, lefats'eng la moroallo, ka moprofeta Noe.

119 Ke ne ke qoqa le moena ea ratehang ea lutseng le 'na hona joale. Maobane, o ile a re, "Ntho e le 'ngoe eo u e buileng, Moena Branham, e 'nileng ea nkholopla kamehla."

Ka re, “Ke eng, moena?”

¹²⁰ 'Me a re, “Ke sena seo u se buileng,” ebile ke 'nete, “‘Sehlots’oana, kamoo ho tla pholosoa sehlots’oana mehleng ea ho tla ha Hae.’ ‘Me ra qoqa kamoo Jesu a itseng, ‘Monyako o patisane le tsela e ts’esane, ‘me e tla fumanoa ke ba seng bakae.’ Joale ela hloko, Bibele e boletse, ‘Joale ka matsatsing a Nooe ha ho pholositsoe meea e robeli ka metsi, ho tla ba joalo ho Khutleng.’”

Ka re, “Moena, u mpa feela u bona . . .”

A re, “Hopola, ke meea e robeli feela mono.”

Ka re, “U mpa u bona papiso e sa tlalang.”

¹²¹ Koana, Nooe e ne e le papiso ea masalla a ts’elisoang, e seng sehlopha se fetoloang. Henoke, monna a le mong, o kile a kena Hloibilong le pele ho moroallo, taba e supang hobane Kereke ha e kene mats’oenyehong leha e le ntho efe e e potapotileng. Henoke o kile a fetoleloa, monna a le mong. Oh, kereke e ka ba palo; empa Monyaluoa e tla ba sehlots’oana se tla bopa Monyaluoa. Joale, kereke e ka ba palo e kholo; empa, Monyaluoa, le a bona, o bapisa robeli khahlano le ’ngoe. Monyaluoa, palo ea hae papisong le kereke, o monyenyanane ka makhetlo a robeli.

¹²² “Ekare ea lokileng a bolokeha ka thata, moetsalibe le motho ea khopo ba tla ema kae,” bona ba tsebang hantle, ho e etsa, ‘me ba tsoele pele ho e etsa leha ho le joalo? Bona ba salang melao ea phutheho ea malumeli morao sebakeng sa Lentsoe, ba tla ema kae, leha koana ba bitdoa Bakreste, ba nka Lebitso la Krete?

¹²³ Joale, ka ho phethahala, Nooe e ne e le papiso ea ba ts’eliselitsoeng mose oane. Hopolang, mohla Nooe a ne a tsoa, Kama o na e na ’ena. Sebe se ntse se le teng ka hare ka mono. Sebe se ile sa ts’ela, ka areka. Ho se lumele, pelaelo, e kile ea ts’ela ka areka, ea phukalla holim’a kahlolo. Empa Henoke o kile a phahamela areka, a kena ka pel’a Sefahleho sa Molimo. Empa Nooe o fetisitsoe teng a ba a tsoa, ‘me sebe sa ’na sa ba teng; papiso ea Mileniamo, ea boemo ba lefats’e.

¹²⁴ Mileniamo ha se pheletso ea eona. Nako e tla ba teng ka mora Mileniamo. Mileniamo ke lekhathe la nako; empa, e seng Lefats’e le Lecha. Che, lekhale. Elang hloko, taba eo, re tla kena ho eona ka mora nakoana.

¹²⁵ Le a bona, lefats’e, le lopolotsoeng, le khutlisetsoa ho Mong’a lona oa sethatong. Ho nkile. . . O le amohile Satane. A utla, a amoha Satane lefats’e, se ka A u utlile ho Satane, se ka ha A utlile mosajana eo ho Satane selibeng. Moprista o na eme mono, a ikhopola a eme le Molimo, athe o na se na letho. Le a bona?

¹²⁶ Ke rata ho le takela eona motsotso feela. Joale, re batla ho hlakeloa ke hona hantle, joale lemohang ka hloko thutong ena joale. [Moena Branham o taka lipapiso letlapeng, lirapeng tse 'maloa tse latelang—Mong.]

¹²⁷ Joale, ntho ena *mona*, Molimo ke enoa. Molimo, e leng Mohlolehi, ea se nang... E mong ntle le 'Ena ha a eo. Empa, ka ho Molimo, O ne a ruile mehopolo. Joale, ntho ena *mona* e bapisa Lentsoe, Lentsoe la Molimo, le kileng la etsoa nama la aha hara rona ka botho ba Jesu.

¹²⁸ Joale enoa *mona*, thaka lena, re tla mo etsa *tjena*. Joale, *enoa* o bitsoa mosali selibeng. *Enoa* ke moprista, Mofarasi. 'Me ha le bona *hona*, ho sa ngoloa letlapeng, ke ho lekanya mohau le poloko.

¹²⁹ Joale, "Lentsoe le ne le le ts'imolohong. 'Me Lentsoe le ne le etsoe nama la aha hara rona." Mehato e meraro. Pele e ne e le tholoana, e le ka ho Molimo, 'me A ipona e le motho ka Sebele; 'me eaba hoo ho Mo tataisetsa ho fetoha Jesu; 'me joale, ha eba u ka fihla Mono le ka mohla, u no u ena le 'Ena mohlang oo. Hobane, sebopeho sa Bophelo Bosafeleng se seng feela, sona ke Molimo; 'me u no u tlamehile ho ba karolo ea Molimo ts'imolohong, ha se ka se khethiloeng ke uena tlase mona. Ke 'Ena ea u khethileng. "Bohle bao Ntate a 'Neileng bona ba tla tla."

¹³⁰ Joale shebang moprista enoa mona. Re fumana botebo ba hae, *mona*, bophelo ba hae bo patehileng, mots'eo ka mora hae, boitherelepele ba hae morao mona, bo tletse sebe.

Lihele ke tsena, tlase *mona*.

¹³¹ Joale, karoloana ena *mona*, e ts'oanang le letlapa, e emetse hloeko ea hae. E ne e le moprista. E le monna ea hlomphehang. Hoo ho ne ho bapisa *seno*. 'Ena, hape, e ne e ka khona e be motho ea lokileng, ho seng joalo e ke ke ea eba moprista. Empa ana lea bona o e fumane joang, e ne e le thuto ea kelello.

¹³² Joale, mosajana enoa, bophelo ba hae bo qalang, holimo *mona*, e ne e le seotsoa, a silafetse tlolo. Empa ka ho 'ena botebong, *mona*, ho larile kutloisiso e sa reng letho. "Ke a tseba Messia mohla a tlang..." Le a bona? Le a bona, e ne e larile ka mono.

¹³³ Elang hloko, mohla Jesu a na a fihla 'me a bonahatsa Lentsoe, ka hoba Lentsoe le senotse mehopolo e ne e larile pelong; joale ka Baheberu 4 a boletse Le tla etsa, 4:12, A tla etsa hoo. "Lentsoe e ne e le mohlanoli oa mehopolo ea pelo," 'me O tlile e le Mora motho, Moporofeta. Ha etsahala'ng? Moprista enoa, ea nang le thuto ea kelello feela, o itse, "Ke diabolosi," ka hoba phutheho ea bolumeli ba hae e e bitsitse hoo. Hoo ha etsa'ng? O na se na moemeli, ka baka leo e mo fifalitse ka botlalo.

¹³⁴ Empa mosajana enoa a sa khone ho hlalisa letho; a silafetse hona a le lits'ila hona. Empa, elang hloko, botebong ka ho 'ena, o emetsoe ke moemedi, le a bona. 'Me, ka hona, o kile a lebella hona ho etsoa nama.

'Me enereha A re, "Ea lata monna oa hao le tle koano."

O itse, "Monghali, ha ke na 'ena."

¹³⁵ Ha thoe, "U boletse teng, hoba u bile le ba bahlano, le eo u nang le 'ena joale ha se oa hao. U bile le ba bahlano. Ke ho re u bile le ba ts'eletseng."

¹³⁶ O itse, "Monghali!" (E seng, "Uena," e seng, "Belsebule.") "Ke a lemoha hobane U Moporofeta. Joale, rea tseba Messia, ea bitsoang Krete, o tla tla. 'Me mohla A tlang, O tla etsa sena."

A re, "Ke 'Ena."

¹³⁷ Pelaelo ha e sa le eo. O no sa tlameha ho e hlalosa. O e bone. O e lumetse. Ke eo a tloselets! Hobaneng? Ketsahalo eo E mo etselitseng? E mo lopolotse.

¹³⁸ Joale bonang, O tlike ho ba Molopolli. Na ho joalo? [Phutheho e re, "Amen."—Mong.] Ho *lopolla* ho bolela'ng? "Ho khutlisetsa." Hobane'ng A sa fumana moprista? Hobane a ne a le sieo holimo mono. Le a bona? Le a bona, a se na moemeli.

¹³⁹ O tlike ho lopolla se oeleng. Tlolong, ntho *ena* ea na ea silafala, ho ngoanana eo; empa Molimo o no o mo hopotse mohopolong oa 'Ona pele lefats'e le theoa, 'me O tlike ho mo hloekisa. Le a bona? Eaba 'Ena... O ne a ruile Bophelo Bosafeleng. Le a bona?

¹⁴⁰ Athe, moprista, ketso ee e mo etselitseng? Ea mo khutlisetsa morao sebakeng sa hae. A se na letho, le ho qaleng, ha e se thuto ea kelello feela.

¹⁴¹ Joale mamela, motsoalle, ha u ts'oere thuto ea kelello feela, fumana ntho e fapaneng le eona. 'Me u ke ke oa E fumana haese ha u no emetsoe ke moemeli. Ke lona lebaka leo ke lumelang hoba le tsoa bochabela le bophirima, leboea le boroa; Lentsoe, le phelang, le bonahalitsoeng.

¹⁴² Elang hloko joale kamoo A pepesang leano la Hae ka baporofeta ba Hae, ts'imolohong. Ha A eso le fetole le ka mohla.

¹⁴³ [Sekheo lebanteng—Mong.]... poloko. O kile a lokafatsa motho; a mo halalets; ho romela Moea o Halalelang le Mollo, le ho chesa sebe ka ho 'ena, a aha ka ho 'ena, ka Sebele.

¹⁴⁴ Le lefats'e O le sebetsa joalo, e leng leo A le sebelisetsa morero oa topollo, ka ho ts'oana. Le kile la baka la kolobetsoa ka metsi, koana... ka Nooe. Jesu o kile a tla a le halalets, ka ho le rothetsa ka Mali a Hae, a le tseka. 'Me Lefats'eng le Lecha le tlang ho tla, le tla fuoa kolobetso ea Mollo o halalelang, ho le

hloekisa liabolosi ka 'ngoe, kokoanahloko ka 'ngoe, boloetse ka bong, le ntho ka 'ngoe e leng teng, 'me le nchafatsoe. "Ka bona Leholimo le Lecha le Lefats'e le Lecha."

¹⁴⁵ U fetoha motho e mocha. Amen! Ha se motho oa khale ea rokeletsoeng feela, ka ho ikhomathisa le kereke kapa ho leka ho phetla leqephe le lecha, empa u sepheli se secha cha. Molimo o tlosa motho oa khale o mo chesa lore, ka Moea o Halalelang le Mollo, le ho tla ka Sebele, ho theola moemeli oa hao. "Ha ho ea ka tlang ho 'Na a sa huloe ke Ntate. 'Me bohle bao Ntate a 'Neileng bona ba tla tla ho 'Na." Le a e bona? [Phutheho e re, "Amen."—Mong.] Leano le ts'oanang; tsela e ts'oanang.

¹⁴⁶ Satane o ne a... o tla tlosoa lefats'eng, feela joale ka ha Satane a tlositsoe ho uena. Satane a ke ke a hlopha; kapa, a ka leka, empa a ke ke a fumana Mokreste ea tsoetsoeng la bobeli. Hobane, Molimo, ho tloha motheong oa lefats'e, o 'mone e sa le pele, a romela Jesu ho mo lopolla, 'me Mali a 'muella. A ka etsa sebe joang athe ha se bonoe, esita, le ke Molimo? Ebile ha A... Ntho A e utloang feela ke lentsoe la hao. O bona moemedi oa hao. Amen! Ke 'nete. Le a bona?

¹⁴⁷ Ho a ts'oana, kaha lefats'e e le o mong oa mehopolo ea Hae joale ka uena ha o le o mong oa mehopolo ea Hae. Lefats'e le fetoha o mong oa mehopolo ea Hae, hobane e ne e le mohopolo wa Molimo, ts'imolohong. Ho bopa lefats'e, ho lula Teroneng, ho ba Morena, ho ba Molopolli, ho ba Mofolisi, ke mehopolo ea Hae eo.

¹⁴⁸ Ho a ts'oana le ka mohopolo oa hao. Nke ke ka bitsa e—e "palo" ke sa ka ka nahana ka palo. Nke ke ka bitsa "motho" ke sa ka ka nahana ka motho. 'Me ha ke nahana ka motho, ke bitsa "motho," monahano ke tholoana ea ka 'me ponahatso ke lentsoe. Le a bona?

¹⁴⁹ Joalo ka Esaia, o n'a ka rialo joang, ho re, "Moroetsana o tla emola"? Mohopolo ke eng?

¹⁵⁰ Joale, boholo ba lona le ipotsa, ka temoho eo ea meea, ebe e tla joang. Ke tla le bolella. Le a bona, ke lentsoe leo ke le buang. Ebile ha se le monahano oa ka, hobane ka ke tsebe. Ha ke tsebe mohopolo oa lona. Nka u joetsa joang na u mang le moo u tsoang teng, athe ha ke u tsebe? Nka u joetsa joang seo u se entseng lilemo tse leshome tse fetileng, athe ha ke eso u bone bophelong ba ka? Nka u joetsa joang moo u tla etsa ntho le seo u tla se etsa lilemo tse leshome ho tloha jwale? Nka tseba bokamoso joang? Empa ke mohopolo oa Motho e mong.

¹⁵¹ "Mohopolo o nong o le ka ho Krete o be ka ho lona. Mohopolo o nong o le ka ho Krete o be ka ho lona." Le a bona, joale ha se mohopolo oa hao. Ke mohopolo oa Hae, ka uena. Ebile ha u hlalose mantsoe a hao ka sebele; u ntse u hlalosa Mantsoe a Hae.

152 Ke hona moo baena ba bangata ba ferekanang, mabapi le phetolelo ea lipuo, le lintho. Le a bona, ba bua lintho tse sa lokang, ha ba lemohe hobane eo ke Satane. U ka re, “Ka hara ts’imo ea Molimo?” Ema feela ho fihlela re qeta, ho fumana haeba e se eona, kapa che. Mahola le koro li mela ts’imong e le ’ngoe. Bobeli li phela ka letsatsi le pula e le ’ngoe. Le a bona?

153 “Empa ha motho a le teng hara lona e leng moporofeta, ’Na Morena ke tla bua le ’ena. ’Me ha seo a se bolelang se hlaha, etlabe e le ’Na, le a bona, hoba ’ena ha a ipuele a ’nots’i. O hlalosa mehopolo ea Ka. Litholoana tsa Ka tsa lintho tse tlang ho hlaha, ’me Ke tla sebelisa molomo oa hae ho li hlalosa. ’Me hoba a li bolele, li loketse ho etsahala. Maholimo le lefats’e li tla feta, empa ha e le Lentsoe la Ka le ke ke la hloleha.”

154 Esaia o itse, “Moroetsana o tla emola.” Ho lutse ho le joalo. O tla emola. Seo Molimo a se bolelang, O a se phethisa.

155 Oh, ho tsebisa, ka baporofeta ba Hae, liponahatso tsa Hae tsohle, hoba ke litholoana tsa Hae tsa mehopolo oa Hae o hlalositsoeng.

156 Joale, e ne e le mona, ka hara mosajana *enao*. E ne e le e e ’ngoe ea litholoana tsa Hae. Le a bona?

157 ’Me moprista e le eo, a emetse Leseli. A ithutile lona Bibeleng. A ithutile Molimo hoba e ne e le Molimo. A ithutile khalalelo e le molemo. A rutiloe ka molao oa Molimo o leng teng. A ithutile eona ka bohlae ba kutloisiso. ’Me a hlahetse lesikeng le nepahetseng; e le Molevi. A mpa a e tseba ka kutloisiso ea bohlae. ’Me enereha Leseli la hora . . . Le a bona, a ithutile eona ka se *kileng* sa etsahala, e seng se neng se etsahala; se neng se etsahetse! ’Me eareha a fumana se neng se etsahala, phutheho ea hae ea bolumeli keha e sa bue letho ka Lona, a se na moemedi oa Lona.

158 Empa Molopolli ke enoa o ne a le lefats’eng nakong eo, ho lopolla litholoana tseo tsa Molimo, ’me mosali a e amohela. A se ke a e botsa lipotso. O itse, “Messia mohla a tlang, O tla etsa sena,” eaba ke phetho. ’Me o e bone e etsoa, ka baka leo . . . A re, “Ke ’Na Messia,” eaba ke ho fela. Potso ha e sa le eo. A tloha a ikela, a bolella mang le mang, “Tloong, boning ke fumane Mang.”

159 Mehato ena e a re hloekisa, tempele e leng leaho la Hae: tokafatso, khalaletso, kolobetso ea Moea o Halalelang ka Mollo. Hoo ho phethisa hlatsuo ea (rona) tempele ena.

160 Ka baka leo, moralo oa lefats’e la khale ha o a ka oa felisa, ke metsi mohla o ne o photloa; moralo oa polanete, moralo oa khale, eona . . . ts’ila eohle, tsohle tseo Molimo a li beileng lefats’eng, ha li a ka tsa felisoa mohla ho felisoang lefats’e la pele. ’Me Bibe le re le ile la “senngoa,” empa ha ho a felisoa moralo. A mpile a felisa sebe le baetsalibe holim’a lona. Moralo oa its’alla.

¹⁶¹ Empa, le a bona, tokafatso, kamoo lona Mabaptise Mametholise le batlang ho e nahana, e le tokafatso feela, ho lumela le ho kolobetsoa, hoo ha ho a lekana. U tla boela u thekesella morao linthong tsa lefats'e, u kute moriri oa hao u apare lishoto, le ntho sohle se sele. Le a bona, ha ho eso etsahale letho. U mpile ua hetla morao ua ipona u sitiloe.

¹⁶² Tokafatso e etselitse lefats'e eng? Ha e a le etsetsa letho; le ile la boela la qala, ka sebe se lekanang le se kileng sa ba teng. Le motho o sebetsa joalo, 'me u tsamaea bohole bo bokaalo feela.

¹⁶³ Moevangeli e moholo, Billy Graham, o tlameha ho e bona joalo. O n'a re, "Ke ee ke kene ke fumane meea e likete tse mashome a mararo, ke khutle selemong 'me le mashome a mararo ha a fumanoe." Ba tsamaile bohole boo feela. Le a bona? 'Me, ehlile, ba a baka. Kea lumela ba a baka; bongata ba bona, kapa bang ba bona, bonnyane. Empa ha se sona se hlokoang. Taba ena e paka mona.

¹⁶⁴ Joale, le moralo oa lefats'e la khale ha o a senngoa ke metsi. Lefats'e le mpile la photloa feela. La mpa la kolobetsoa. Le mpile la kolobetsoa.

¹⁶⁵ Le moralo o tla its'alla, leha o ka chesoa ka Mollo. Ha o timetse lefats'e, le a bona, o mpa o timetsa sebe holim'a lona.

¹⁶⁶ Elang hloko mona, bang ba lona makoloane a Bibe, haholo-holo Ngaka Dale ea nchebileng. Elang hloko Petrose, khaolo ea 2 ea Petrose mona, khaolo ea 3, ke rialo, o sebelisa lentsoe la "lefats'e," e le lentsoe la Segerike *kosmos*, le lekanyang, "tsamaiso ea lefats'e." "Lefats'e le tla feta, mesebetsi e tla chesoa ke mofuthu o qhibilisang." Le a bona? Ha e bolele lefats'e, polokoe, e tla feta. Empa lefats'e, *kosmos*, lipilotiki, baetsalibe, litsamaiso, sebe, maloetse, likokoanahloko, sohle se fosahetseng, se tla feta. Sohle se kileng sa . . .

¹⁶⁷ Molimo o kile oa sisinya maholimo, empa khetlong lena O boletse A tla sisinya lefats'e, maholimo le lefats'e . . . "O kile oa sisinya lefats'e," ke rialo, "athe khetlong lena O tla sisinya maholimo." Le a bona? "Hobane ha e le rona re amohela 'Muso o ke keng oa sisinyeha." Ke 'Muso oa Bosafeleng. Elelloa o e atamela joang.

¹⁶⁸ Elang hloko mona, Petrose o boletse, "Le hona le tla qhibilisoa ke mocheso, le mesebetsi e holim'a lona e tla chesoa," e seng polokoe. "Mesebetsi e holim'a lona," mesebetsi ea motho, boralipilotiki ba bona bohle le merero ea bona, le liphutheho tsa malumeli a bona 'ohle le merero e raliloeng ke motho, e tla feta le lona mohla le chang.

¹⁶⁹ "Le-le maholimo a tla feta ka lerata le leholo." Na le hlokometse mona? "Maholimo a tla feta ka lerata le leholo." Mamelang! Lefats'e lohle le tla tuka, 'me le tla hotetsa ligase

tse holim'a lefats'e li le qhomise. Ke eona hantle. Ho bua ka . . . Bibe e boletse mona, Petrose o boletse, "Le maholimo a tla feta, le lefats'e, ka lerata le lehlo." Le tla reketlisoa ke ho qhoma ho ho kakang, oho, khili, hoba eka khona ho bolaoe maloetse a mang le a mang, ts'ehlo ka 'ngoe, moutloa ka mong. Ntho e ka 'ngoe le e ka etsoang, Mollo o tla e chesa. 'Me, le hopole, ha se mollo o pala feela, ebile ke Mollo o halalelang, le a bona, o tla tlosa Satane le ba hae bohle, matemona 'ohle. "Leholimo le lefats'e," amen, "li tla feta," ho tla bolaoa likokoanahloko tsohle, likokonyana tsohle, bophelo bohle ba tlhaho holim'a lona le mathokong a lona, esita le H₂O (metsi) a tla qhomisoa. E nahaneng. Le bua ka lerata!

¹⁷⁰ Le re leratanyana leo mona Tucson e ne e le ntho e tsotoang, mohla A bulang Litiiso tse ts'eletseng, le kileng la reketlisa naha ka mathoko, 'me la lula melomong ea batho. Emang ho fihlela lefats'e lena le kolobetsoa ka ea lona!

¹⁷¹ Le a tseba, motho ha a kolobetsoa ka Mollo, lerata le le ngata mono. Ba e hoopla e le lihlong, ho utloa batho ba lla ba hoeletsa joalo. Emang feela ho fihlela lefats'e lena le kolobetsoa ka ea lona!

¹⁷² E, e tla hlalosa . . . ho le qhomisa, H₂O, metsi, hoba mona ho Ts'enolo 21 Bibe e itse, "le leatlle le ne le le sieo," ho le phatlola. Hona ho tla fetola bokaholimo bohle ba lefats'e. Le tla phatlola le pshatlhe likotoana. Bokantle bohle, lehoho, maoto a makholo tlasa botebo ba lona, a tla qhaqholloa ka botlalo. Liatemosefere, ligase tse leng lefats'eng joale, moo ba fumana limisale tsena di sa khone ho haola hara sona, tikolohong ea tonana holimo mane, koana holimo moo ho leng ligase tsa mefuta eohle, ba rialo; 'me ntho eo e tla qhoma. Khalefo e halalelang ea Molimo e tla theohela holim'a lona, le a bona, 'me e tla le hloekisa, ho fetola bokaholimo bohle.

¹⁷³ Joale, bongata ba lona le batlang ho ngola lentsoe lena, lentsoe la Segerike, "ho feta." Le tsoa lentsoeng . . . ke ile ka tlameha ho le fumana. Ka nahana, "Lefats'e lee le tla feta joang, athe re tlilo phela ho lona?" Empa ha le ka lemoha, lona batho le batlang ho le ngola, ke tla le peletela lona. Ke sitiloe ho le qapolisa, p-a-r-e-r-e-c-h-o-m-i-a. Ha ke khone ho le qapolisa.

¹⁷⁴ Joale, ka hona, kamoo ke boletseng, ha ke fumana . . . Ts'usumetso e ee e mphihlele, ebe ke khutla ho fumana lentsoe. Joale, mona, ha ke khone ho peleta lentsoe, kapa ha ke khone—ha ke khone ho le qapolisa. Empa, tabeng eo, Morena o sa mphile mokhoa. Ke tloha ho fumana seo lentsoe leo le se bolelang, ebe ke e ts'oere. Le a bona? Ebe joale ke e fumane, hape. Le a bona?

¹⁷⁵ Maholimo le lefats'e li tla *feta*, joale, lentsoe lena le bolela, "ho tloha sebopehong se seng ho ea ho se seng." Ha le bolele

“timeletso,” kamoo lentsoe la Senyesemane le ka buang, ho *feta*, le a timetsoa. Empa lentsoe la Seheberu, kapa Segerike mona, ha le bolele *ho feta*; le bolela, “ho tloha nthong e ’ngoe ho ea ho e ’ngoe.” Shebang, empa, “ho tloha boemong bo bong,” le rialo, “ho ea ho bo bong.”

¹⁷⁶ Joale elang hloko, Pauluse o le sebelisitse, ha le batla ho le bala. Le ngoleng fats’e, le ka le bala hamorao. Ho Tite 3:5, Pauluse o sebelisa lona lentsoe lena, nchafatsong ea motho, ho thoe motho o tlohile ho moetsalibe ho ea ho mohalaleli, ha se ho timeletsoa ka botlalo. Motho ha a fetoloa, ha a timeletsoe ka botlalo, empa e le motho ea fetohileng. O fetotsoe ho seo a n’a le sona ho ea ho seo a leng sona, ha se ho timeletsoa ka botlalo.

¹⁷⁷ Jesu o sebelisitse lentsoe lona leo ho Mattheu 19:28; joale, e seng 28:19. Joale, 19:28, O itse ho bona, “Le tla lula le ’Na ’Musong oa Ntate, le se le nchafetse,” le a bona, “fetotsoe,” le se le fetotsoe. O sebelisitse lentsoe lona leo.

¹⁷⁸ ’Me O sebelisitse lona lentsoe leo mohla A reng, ho petsana, ho re, “Lokollang petsana e tsamaee.”

¹⁷⁹ O buile ntho eona ntho eo mohla tsoho ea Lazaro, “Mo lokolleng! Mo fetoleng! Esale a tlamiloe; mo lokolleng!”

¹⁸⁰ Hoo ho bolela’ng? Lefats’e le tla lokolloa litleneng tsa Satane. Le tla lokolloa. Le tla lokolloa lipolotiking, le tla lokolloa tlasa taolo ea malumeli a busang; ho sebelisetsoa ’Muso oa Molimo, o tla theoa holim’a lefats’e mona. Empa ha feela le sa le matsohong a Satane, lipolotiki . . . Satane molaoli oa lefats’e, ke la hae; e ne e le la hae, empa joale Krete o le lopolotse.

¹⁸¹ Nkile ka ruuoa, ke ’ena, empa e seng joale. Mosajana o kile, ea eba mofo oa hae, empa e seng joale. Le a bona, O tlike ho tlamolla litlena tsa eona. O tlamolotse litlena tsa sebe, tsa Satane, bophelong ba ka, bophelong ba hao, ’me joale ha re sa le ba hae.

¹⁸² Ana le nkutloile kgafetsa thapelong, ke re, “tlosa matsoho a hao holim’a thepa ea Molimo”? Le a bona? Amen! Eba le tumelo ea ho tseka ling tsa hao. Ke litokelo tsa hao tseo. “Tlosa matsoho a hao holim’a ngoanana eo! Tlosa matsoho a hao holim’a moshanyana eo!” Le a bona, tumelo e tla etsa hoo. Oho, khili! E seng ho e timeletsa, empa, feela, “Tlosa matsoho a hao holim’a eona,” ho e lokolla, ho tlamolla, ho e fetisa. E a fetoha.

¹⁸³ Lefats’e le tla fetoha. Lipolotiki li tla fetoha. Bolumeli bo tla fetoha. Bolaoli ba malumeli bo tla feta. Lipolotiki li tla feta. Ho tla theoa ’Muso oa Molimo.

¹⁸⁴ Re balile ho Johanne, re balile Johanne ho Ts’enolo 6:14, le a bona, “la menoa joaleka lengolo.” Bibe e boletse. . . ea re le . . . Johanne o boletse, “Ka bona leholimo le lefats’e li menoa joaleka lengolo.” Johanne, Ts’enolo 6:14.

185 Jesu o boletse, “Maholimo le lefats’e li tla feta,” kapa, ka mantsoe a mang, “maholimo le lefats’e li tla fetoloa.” Le a bona, ho sebelisitsoe lentsoe le lona leo le hona mono hantle hape.

186 Che, ha se ho timeletsoa. Hoba, hamorao, ho Lits’enolo 21:2 ho isa ho 24, o bone Jerusalema e Mocha a theoha ho Molimo Leholimong, a lula holim’a lefats’e lena. Ha e lekanye ho timeletsoa ha lona. Litsamaiso ke tsona tse tla fetoloa.

187 Daniele o bone hona hoo. Lefika le ile la otlala lefats’e, le khephotsoeng e seng ka matsoho; eaba ts’obotsi eohle ea litsamaiso e a silakangoa ea eba joaleka mooko lehlabula sehatelong, ea fefoloa ke moea. Ha e le Lefika, Lona, la fetoha Thaba e kholo e ileng ea tlala lefats’e. Shebang Thaba eo joale, nakoaneng e tlang. Thaba eo e ile ea tlala lefats’e.

188 Hape, rea fumana mona, hape, koana koo, ho Lits’enolo mono, e boletse, “Marena a Lefats’e le Lecha a tla tlisa tlotla ea bona le khanya teng.” Holim’a lefats’e, le lutse. . . Jesusalema e Mocha o lutse holim’a lefats’e lena. Le a bona, le mpa le fetotsoe feela.

189 U sa ntse u le motho eo, ka seemo, mohla Molimo a u bitsang, mosali eo. Empa, u a bona, seo e se entseng, e ne e le nchafatso. Bophelo ba khale bo ile ba feta. Takatso ea khale e fetile. Athe, pele u ratile ho noa, le ho rohakana, le ho pheha khang, ho kolokochana, ho hloahloaela, ka boits’oaro bo nyonyehang, ntho eo ea mpa ea shoa. U a bona? Empa joale u sebelisetsoa. . . Mohlang oo u le sebetsa sa Satane; joale u lopolotsoe.

190 ‘Me ke seo lefats’e le tla ba sona, ka ho ts’oana, ho lopolloa, Maholimo a Macha le Lefats’e le Lecha.

191 Joaleka uena feela, “U sebopuo se secha.” ‘Me lentsoe la Segerike mono, mang le mang o a le tseba, ho itsoe, “U ’mopo o mocha.” Amen! ‘Mopo o mocha kahara tempele eona ea khale. Allelua. Shebang se etsahalang mona joale. E a babatseha! Ho lokile.

192 Joale re fumana lefats’e lena le tla boloka marena a lefats’e.

193 ‘Me, hape, ho Mattheu 5:5, Jesu o boletse, “Ba bonolo ba tla ja lefa la lefats’e.” Ha se taba eo, ho ea rua lefats’e le leng. E tla ba lefats’e lona lena. Ke ntse ke leka ho le balollela e—e leano la topollo, le pele, haeba ke sa fumane letho, le a bona. Kolobetso ea Mollo, holim’a lona, ke ho le hloekisa feela ho le fetola nqalo e bolokehileng ho ba bonolo ba Hae ba tla phela ho lona. Le a bona? Oh!

194 Le rona O re sebelitse joalo, ’mopo oa Hae, ho phela ka hare. Pele A kena ka ho eona, A tlameha ho e kolobetsa ka Mollo; eaba Moea o Halalelang o kena ho phela teng, kolobetso ea Mollo. Eare, ha o kolobetsoa ka Mollo, Moea o

Halalelang ao ka kena ka hare. Eng? Eitse ha O etsa joalo, O chesa sohle se khahlano le Lentsoe, ho uena. U a bona? Ha O lumele letho ntle le Lentsoe, hoba Ke Lentsoe. U a bona? U a bona? U a bona?

¹⁹⁵ Joale, re buile ka hoo tsatsi le leng, bopaki ba Moea o Halalelang. Le a bona? Bopaki ba Moea o Halalelang ke ha u khona ho amohela Lentsoe; e seng tsamaiso e itseng, empa ho rua kutloisiso e hlakileng. U tseba kang ha Lentsoe le totobetse, ho Le utloisisa? Le shebelle ha Le Inetefatsa.

¹⁹⁶ “Che,” u rialo, “Ke bona *sena* se e etsa, le *sane*.” Oho, ehlile, mahola a phela ka ho ts’oana. U a bona?

¹⁹⁷ Empa e ka khona ebe Lentsoe lohle. Ho fetoha Monyaluoa, u lokela ho fetoha karolo ea Hae. ‘Me ‘Ena ke Lentsoe. U a bona? ‘Me ke karolo efe ea Hae? Lentsoe le ts’episitsoeng tsatsi lena e leng mohla A bitsang Monyaduoa oa Hae. Eba karolo ea ntho eo. U a e utloisisa? Joale, u se—u se lahleheloe ke hoo joale. Ela hloko.

‘Me O le fetola nqalo e ts’oanelehang ho phela ho eona Bosafeleng bohle.

¹⁹⁸ Elang hloko, mona ha ho buue ka hoo... Bolaoli bona ba Mileniamo, lilemo tse sekete, ha se Lefats’e le Lecha. Le a bona, bolaoli ba Mileniamo ke bolaloli bo fapaneng. Ke seo re kenang ho sona, Mileniamo, empa ha se Lefats’e le Lecha, Leholimo le Lecha. Che, che. E mpa e le nqalo ea phomolo feela, le a bona, lekhathe la ho phomola, ha se Maholimo a Macha le Lefats’e le Lecha ho hang; hoba, le a bona, ho Mileniamo re fumana lintho tse ke keng tsa kena Mono. Ke papiso ea letsatsi la khale la bosupa, koana Edene; tsatsi la bosupa, ka mora hoba A bope lefats’e. Tsatsi la Bosupa, O ile a phomola Edene, e leng Mileniamo.

¹⁹⁹ Le a bona, ha joale lefats’e le tsofetse lilemo tse likete tse ts’eletseng, tsa nako. Le a bona? Selemong ka seng sa likete tse peli le ne le lihelo a e—e ts’enyeho. Le a bona?

²⁰⁰ Likete tsa pele tse peli, moroallo o ile oa theoha, eaba O le kolobetsa ka (eng?) metsi.

²⁰¹ Likete tse peli tse latelang, Jesu o tlela ho le halaletsa le ho le tseka, a le rothetsa Mali a Hae, ho le bitsa la Hae. Ho lokile.

²⁰² “Ke tla boela ke khutla,” uh-huh, joale e se e le Morena le Mofumahali oa Hae, ‘me lilemo tsa bobeli tse likete tse peli (O etsa’ng?) O a tla o hlalisa lekhathe la phomolo ea Hae.

²⁰³ ‘Me a ntano le chesa, ho Ithuela lona e le la Hae; ho khutlisetsa bao e leng ba Hae ka Sebele holim’a lona.

²⁰⁴ ‘Me le ele hloko, ha se lefats’e le phethahetseng, Mileniamo ena, ke papiso ea letsatsi la bosupa. Ho ntano latela Kahlolo ea Terone e Ts’oenu. Le a bona, re sa ntse re fumana kahlolo. Re

sa le nakong, mehleng ea Mileniamo. Ke letsatsi, sekete se le seng sa lilemo. Ke elemente ea nako. Ha se eona, le se ke la e ferekanya le Lefats'e le Lecha, joale, hoba ha se lona.

205 Le ka re ho 'na. Joale ke utloa motho a ka a re ho 'na, a re, "Joale, Moena Branham, u tlilo etsa'ng joale? U feletsoe ke bo-supu ba hao ka botlalo. U tlil'o etsa'ng kae joale? Joale, u motho ea lumelang makhathe a nako." Etsoe, ke le 'ena. Kea lumela Molimo o joalo, hape. Sheba, ela hloko. "U feletsoe ke lipapiso tsa makhathe a nako. Hoba, efela ha u bea letho ka nqane ho letsatsi la bosupa, u tla e fumana joang? U ea kae joale?"

206 Ho lokile, ke tlilo hulela maikutlo a lona nthong e 'ngoe, le a bona? Le a bona? Che, ha kea tsoa, ha ke e-so fapohe makhathe a nako, le joale. Ke ts'oere Lengolo le leng mona. 'Me, le hopole, e ka khona Le phethahatsoe lohle, karoloana ka 'ngoe ea Lona. Le a bona?

207 Joale u re, "Moena Branham, u leka ho bea ntho e 'ngoe ka nqane ho letsatsi leo la bosupa, tsatsi leo la bosupa e leng sabbatha."

208 Joaleka Molimo ha o entse lefats'e oa sebetsa ka matsatsi a ts'eletseng, oa phomola ka la bosupa, e ne e mpa e le papiso ea nako, nako. Empa ke sa tsoa bolela mona, re fetoha lipheli tsa Bosafeleng.

209 "Ka baka leo papiso ea hao e kae joale? U ipoletse u le motho ea bapisang. Ka baka leo, uena, u feletsoe ke lipapiso joale." Che, ha ke a fapoha. A re fumaneng feela ha eba re entse joalo.

210 A re eeng ho Levitike, morao khaolong ea 23 ea Levitike. Joale ke batla le ele hloko ho Levitike, moo re neng re le teng Sontaha se fetileng, kapa la ho qetela... Ke eona ntho e mphang mohopolo, hantle mona. Khaolo ea 23 ea Levitike, le temana ea 26.

211 Joale hopolang, matsatsi a mokete a supileng. Mokete oa literompeta, mokete oa—oa metlotloana, mokete oa tsokotso ea mangata, 'ona... Hona hohle, matsatsi a maholo a mokete a supile, e ne e le papiso ea Mengoaha e Supileng ea Kereke feela. 'Me lea hopola lisabata li ne le kae lipakeng tsa e 'ngoe le e 'ngoe? Le a bona, lisabata tse supileng lipakeng tsa pentekosta le literompeta, tsona e le Mengoaha e Supileng ea Kereke. 'Me ho be le matsatsi a supileng a mekete, hoo ho bapisa Mengoaha e Supileng ea Kereke. U se phetse ho mathisa lipalo tsa hao.

212 Ho re, "Be, joale, Moena Branham, u se u feletsoe. U se u fumane supa ea hao."

213 Ho lokile, a re qhautseng mokete oa ho qetela, e leng mokete oa metlotloana. Joale mona le ele temana ea 36 hloko.

Ka matsatsi a supileng le tla hlalhetsetsa JEHOVA mahlabelo a chesoang ke mollo: Ka letsatsi la boroba meno e le 'meli—ka letsatsi la boroba meno e le 'meli le tla ba le phutheho e halalelang (nako e 'ngoe e halalelang e a tla)...phutheho e halalelang; le tla hlalhetsetsa JEHOVA sehlabelo se chesoang ka mollo: 'me e tla ba phutheho e phahameng; le se ke la sebetsetsa mosebetsi le o mong.

214 Joale re fumana “letsatsi la boroba meno e 'meli.” Joale, athe matsatsi a supile feela, empa mona re bua ka letsatsi la “boroba meno e le 'meli,” phutheho e halalelang, phutheho. Elang hloko, “Le se ke la etsa mosebetsi le o mong ka lona.” Letsatsi la boroba meno e le 'meli, ke (eng?) ho khutlela morao tsatsing la pele. Khele, le bua ka Bosafeleng, nako e phikolohang e sa khfutse tulong efe. Amen. Le a e bona? [Phutheho e re, “Amen.”—Mong.]

215 Elang hloko, e boetse e ne e le ka letsatsi lona lena la borobeli. Tsatsi la ho qetela, tsatsi la mokete oa motlotloana, elang hloko ka mora moo, ka mora letsatsi le qetelang mokete, ka mora Mongoaha oa Kereke ea ho qetela, hoba ho fete matsatsi a supileng a ho qetela a sekolokoto lefats'eng, ka mora Mileniamo, ke mohla ho tla kena Phutheho e Halalelang ena.

216 Hopolang, ona ke mokete oa metlotloana, *metlotloane*, “linqalo tsa ho phuthehela.” Amen! Etsoe, “Mileniamong,” Bible e itse, “ba tla haha matlo; ba lule ho 'ona.”

217 Empa Lefats'eng le Lecha, O se a ile ho ea lokisa bolulo. Bo se bo ahuoe. Ha re amane le kaho ea bona ka letho. Amen. Bosafeleng! Oho, ke mpa ke rata Lentsoe leo feela! Khele! Phutheho e Halalelang, tsatsi la borobeli. Athe, matsatsi a supile feela. Ebe ka letsatsi la borobeli, e leng ho boela ho khutleloa tsatsing la pele, ho khutleloa tsatsing la pele hantle, tsatsi la borobeli ke la Phuth-... Phutheho e Halalelang.

218 Elang hloko, matsatsi a supileng, a amana feela le 'mopo oa khale, nako ea lefats'e. Matsatsi a supileng, ke Mileniamo eo, letsatsi la phomolo. Joaleka Molimo ha o sebelitse ka matsatsi a ts'eletseng, oa phomola ka la bosupa; Kereke e sebetsetsa ka matsatsi a ts'eletseng, 'me e phomola ka la bosupa, empa u sa le hara elemente ea nako. Ha ke bue ka Bosafeleng.

219 Empa, u a bona, ha ho ntho e kang matsatsi a robeli; u khutlela morao tsatsing la pele, u a bona, tsatsi la pele.

220 Sabatha e bua ka molao oa khale, o nong o tla feta. Ho boloka sabatha, e ileng “ea feta,” kapa, ke itse, “ho fetoleloa nthong e 'ngoe.” Ha e ea ka ea feta; ea mpa ea fetoha ho tloha molaong oa khale, oa ho boloka letsatsi le ikhethang la veke.

221 Esaia, khaolo ea 19, e boletse, kea kholoa ke 28:19, e itse, “Eka khona e be molao holima molao; ha nyenyane mona, le

ha nyenyane mane.” “Tiisetsang ho tse molemo.” “Hoba ke ka melomo e kokotletsang le ka puo e sele Ke tla bua le sechaba sena. ‘Me mona ke nqalo ya phomolo.” Le a bona?

²²² U kena Bophelong, boo e seng ho boloka letsatsi kapa seriti. Pauluse o buile, mono ho Baheberu khaolo ea 4. “Le boloka matsatsi le liriti, le lintho tse kang tseo; ke ts’ositsoe ke boitsebelo ba lona.” Le a bona, ha re fete re kena matsatsing a itseng le litaelong. “Le tlohile lefung ho kena Bophelong Bosafeleng,” e seng matsatsi le linako. Le kene Bosafeleng. Ke eona phuth-...phutheho e halalelang, phutheho, ke batla ho rialo.

²²³ *Matsatsi a supileng*, le shebe, e leng a “fetang,” kapa, ke se ke itse, a tla “fetoleloa nthong e ’ngoe.” Matsatsi a robeli a amana le ’mopo o mocha, le a bona, e seng ’mopo oa khale. Matsatsi a robeli ke ’mopo o mocha.

²²⁴ Hoba, Morena oa rona o tsohile bafung ka letsatsi la boroba meno e le ’meli. Ke eo phutheho ea lona e ’ngoe, khalalelo; ha se ho tsotella lisabatha, ho hang, kapa mokete oa metlotloana, mokete oa *sena*, le mokete oa pentekonta. Jesu o tsohile bafung, bakeng sa tokafatso ea rona, ka letsatsi la boroba meno e ’meli. Ka mora lisabatha tse supileng, kapa matsatsi a supileng, Mengoaha e Supileng ea Kereke, Jesu a tsoha bafung. Tsatsi la boroba meno e le ’meli, e leng phutheho e halalelang, le a bona, e leng tsatsi la pele.

²²⁵ Le a bona, le se le khonne, le faletse nakong, le rothetse ka hara Bosafeleng; ha se ho boloka matsatsi, le ho boloka lisabatha; le likhoeli tse ncha, le lintho tse kang tseo. “Empa le se le fetile,” sebopheho sa hao se fetotsoe; ha se ho timeletsoa. Glory! “Empa ho tloha lefung ho kena Bophelong Bosafeleng.” Oh, Bibe! e re ruta taba e kakang! Le a bona, ho tloha nthong e ’ngoe ho ea ho e ’ngoe.

²²⁶ Ho lokile, “ho feta,” sabatha ea khale e fetile. Jesu o tsohile ka letsatsi la boroba meno e le ’meli. E ne e le letsatsi le hlokolosi, le halalelang. ‘Me e ne e se letsatsi; hoba letsatsi, nako, e se e felile. E fedile e kene Bosafeleng. Le a bona, e thetsetse morao tsatsing la pele hape. Le a bona?

²²⁷ Bosafeleng bo ts’oana le—le selikalikoe. Ho bona haa u fumane sekhutlo. Selikalikoe se phethahetseng ha u ke u fumana nqalo ea ho khefutsa. Ha u phetse ho ’na u tsamaea. Ha ke tsotelle bohole boo u tsamaeang, ha u phetse ho tsamaea. U ka qala u potoloha *tjena*; ho tsamaea fulurung, ho tsamaea hara lefats’e, ho tsamaea ka ngane ho lefats’e, u sa ntse u tsa-... [Sekheo lebanteng—Mong.]

²²⁸ Tsohle tse bopiloeng tlase ka *mona*, li khopame, ha lia boptjoa, ke Satane, li tla putlama mohlalangenengene a maholo a gauta a llang ’me Terompeta e letsoa.

229 'Me morao koana ts'imolohong, teng ho kile ha hlongoa ts'iea e tlamellang mono Edene, mohla motho a tla tla lefats'eng 'me a tlola, konyana e nyenyane ea na ea ts'olla mali a eona, hoo ha buoa ka Konyana e kholo e neng e tla tla ts'olla Mali a Eona. Kalvari e kile ea phahamisa sefapano, se kileng sa tlamella Testamente ea Khale; ho bao ba lokafalitseng, ba ne ba E lebeletse. 'Me lekatheng le lecha lena la nako, ho Khutleng ha Morena, Lefats'eng le Lecha, khoele ea pholoho (Mali, Matla a lopolotseng ao ke buang ka 'ona, etsoe motho le lefats'e ba lopolotsoe ka morero o ts'oanang) e tla boela e nyolohela hantle Bosafeleng. 'Me Lets'a la Mollo le tla ja ntho sohle se khopo se sa rereolang Teng. Lea e bona na?

230 Elang hloko, letsatsi la boroba meno e le 'meli, Jesu o ile a tsohela tokafatso ea rona. Morena Rabosafeleng, ka 'Muso oa Bosafeleng oo re tla kolobeletsoa ho 'ona, ho Bophelo Bosafeleng. E seng matsatsi a supileng; bo sa amane le matsatsi ao ka letho. Ho buuo ka ntho e 'ngoe, Bosafeleng, bo tlang; ho buoa ka nako ea Bosafeleng, Lefats'e leo ke buang ka lona.

231 'Me, le lemohe, ka mora matsatsi a mashome a mahlano, kapa lisabatha tse supileng ho tloha mono, ho hlhlama phutheho e 'ngoe e halalelang. Ha etsahalang? Moea o Halalelang o ts'olohile ka Letsatsi la Pentekonta, ka letsatsi la bosupa... Kapa, ka letsatsi la borobeli, ke rialo, letsatsi la borobeli, o ts'olohile ka letsatsi la borobeli. E le lisabatha tse supileng hamorao, hantle, ka mora tsoho ea Hae, le a bona; ka hona ke supa atisa ka makhetlo a makaalo hape, taba e e busetsang hantle hape letsatsing le qalang veke hape, hantle. Le a bona?

232 Ke eo phutheho ea lona e halalelang, ha e amane le lintho tsa tloaelo ka letho. E ka nqane ho mono. Ke kahara 'Muso oa Molimo, e amana le Bophelo Bosafeleng, 'moho le ba reriloengpele ba sa kang ba eba le qalo. Ha Bo a ka ba qala ka letsatsi le itseng. Ha u a pholoso ka letsatsi le itseng. Esale u pholositsoe. Amen. Jesu o tlike ho e lopolla feela; empa uena u pholositsoe, esale le ho qaleng, hoba u ne u ruile Bophelo Bosafeleng, le ho qaleng.

233 Hlapi ea teraoto e ke ke ea fetoha gare kapa 'ona mokulubete le ka mohla. Eka phela metsing a le mang le 'ona, empa ho tloha, ts'imolohong, e ne e le teraoto. E mpile ea ts'oasa ke letlooa feela, le a bona, empa e ne e le hoo ho tloha ts'imolohong. Ke eo ntho eo...

234 Joale, ha re a feloa ke makhathe a nako. Ha ke re? Re tsepame hantle Lengolong. Matsatsi a mashome a mahlano hamorao, ea na ea fihla.

235 O a bona, robeli ha e kenyeletsoe vekeng. Le a bona, e ke ke ea balloa, matsatsi a robeli vekeng. Le ke ke la khona, le a

bona, hoba matsatsi a veke a supile feela. Le ka bala ka tsela eo le e batlang. Sontaha ke letsatsi le qalang veke. Le a bona, le bala supa, le nto tlameha ho khutla le qala hape. U bala supa, u ntano khutla o ts'ela hape. Le a bona?

²³⁶ 'Me re phetse hara lipapiso tsena tsohle ka mona, empa, empa ha u kopana le la borobeli, u kena Bosafeleng. Ha u tle ka melao, le meetlo, le litaelo. U tla ka boitherelelopele. Amen! Ke eo phutheho ea makhonthe, e halalelang! Le a bona? 'Me re phethela mongoaha oa phutheho ea bosupa, mongoaha oa kereke, mongoaha oa Pentekonta. Na le a e bona? Re kena phuthehong eo e halalelang. Re kena Bosafeleng boo ba mannete, ba makhonthe, moo Kereke e bitsoang; ha se ho fallela seteisheneng se itseng, phuthehong ea malumeli, empa ho kena Bosafeleng le Morena oa bona oa Bosafeleng. Le a bona? Ha re na ntho e kang eo, ha ho ntho e kang matsatsi, le lintho, le linako. U se u fetile o kene Bosafeleng, moo u tsoang teng. U no u le Mono, le ho qaleng. U a bona?

²³⁷ Ha u ena le Bophelo Bosafeleng, ts'obotsi ea bona e 'ngoe feela, eona ke Molimo, 'me uena u mpa u le tholoana e bonahalitsoeng. U a bona? Haeba u... Ha ho se joalo, u ke ke ua fihla mono, le hona. "Ha ho ea ka tlang ho 'Na a sa huloa ke Ntate oa Ka." U a bona? E leng, lintho tse "fetang," lintho tsena tsohle tsa khale; empa Lintho tsena ha li fete, ka baka leo e bua ka Bosafeleng. Moea o Halalelang ke oa Bosafeleng. Ebe moo, o keneng Bosafeleng, athe esale u le hona teng, empa u sa tsoa elelloa se etsahetseng.

²³⁸ U a bona, u bopetsoe morero oa Bosafeleng, hoba u ne u le—u le ponahatso ea mohopolo o nong o le ho Molimo, o kileng oa o nahana oa u hlahisa; 'me lefats'e O le bopetse ho u nts'a ho lona, le ho u bopa u le sebopuo motho. 'Me sebe se a fihla sa khopamisa tsela ea Hae. U ile oa tla, leha ho le joalo, u mpa u lahlehile le lefats'e. Ka baka leo O a tla u a lopolla, u le tholoana e bonahalitsoeng, 'me u boetse o lopolla lefats'e lena ka ho ts'oana. Ebe, moo morero oa Hae o thetshang o tsoelapela. Le a bona? Oho! Allelua! Oh, taba eo e nthabisa haholo, ho nahana feela se larileng kapele!

²³⁹ Joale, ho Baefese 1:10, e bitsoa... Joale, ha eba le le ngola fats'e, Baefese 1:10, e a bitsoa, ha se lekhathe la nako, ha se letsatsi la bosupa. E bitsoa, "Botlalo ba nako." 'Me etlare ha "botlalo ba nako" bo fihlile, ke mohla nako e seng e phethiloe. Mohla nako e seng e le sieo, ebe u kena Bosafeleng, hoba mongoaha oa kereke ea bosupa o fete, 'me ke 'ona; mongoaha oa Luthere o felile, mongoaha oa Metholise o felile, mongoaha oa Pentekonta o fetile. 'Me u kena ho (eng?) Bosafeleng; bosupa ha ba sa le eo, bo tharo ha ba sa le eo, tse ling ha li sa le eo. Ba kene Bosafeleng, moo nako ea lipalo e leng sieo, le linako, le lintho. Amen! Oho, khili! Le a e bona joale?

²⁴⁰ Kapa, hoba nako e phethahale, sebe sohle se nyametse, se tlositsoe, Mileniamong, Kahlolong e kholo ea Terone e Ts'oeu. (Papiso, ka Moea o Halalelang.) Hoba lefats'e le tukisoa ke mollo le kolobetsoe, kolobetso ea lona ea Mollo o halalelang o tsoang Leholimong; sebe sohle se tlohile, likokoana-hloko tsohle li tlohile, matemona ohle a tlohile, liteko tsohle tsa imp li tlohile, bobe bohle bo tlohile. (Papiso joale.) Joale Molimo a ntano etsa'ng? A ka lula holim'a lefats'e, le a bona, hoba sebe sohle se tlositsoe.

²⁴¹ Ke seo A se etsang mohla A u kolobetsang ka Moea o Halalelang ka Mollo. A ka tla a lula le uena, 'me re ka lula libakeng tsa Leholimo ka ho Krete Jesu, hoba re se re le ka ho 'Ena. Ha se hona "re tla." Joale re lutse ka ho Krete Jesu. Re kena joang teng? Ka kolobetso e le 'ngoe ea Moea o Halalelang. "Ka Moea o le mong re kolobetsoa bohle ka ho Krete," etsoe, re se re le mono joale. Ha se hona re "tlang" ho ba ka ho Krete; re se re le mono! Ke Morena e moholo oa moea ea busang Moea o ka ho rona, hoba re ne re le ho 'Ena ts'imolohong.

²⁴² U a bona, Molimo, ts'imolohong, mohla A na u nahana a bile a nahana ka ba bang joalo, mohopolong oa Hae o ipone a khona ho angoa. E ne e le mehopolo ea Hae. U a bona? Ha ho le joalo, A bonahatsa mehopolo ea Hae ka Lentsoe. O itse, "Ho ke ho hlahe ho re." "Ho ke ho hlahe ho re," 'me ha eba joalo. "Ho ke ho hlahe hore," 'me ha eba joalo.

²⁴³ Ebile, ka mora nakoana, O lula a ntse a re "ho hlahe ho re," batho ba ba ba re, tsatsi le leng, "Molimo a mpe a se ke a bua!"

²⁴⁴ O itse, "Joale Ke tla bua le bona ka moporofeta." Le a bona? "Ho tloha kajeno lena, Ke tla bua le bona ka moporofeta."

²⁴⁵ 'Me moporofeta a re, "Ho tla etsahala ho itseng; ho hlahe ho re," 'me ha eba joalo, 'me ha eba joalo. 'Me ha eba joalo, 'me ha eba joalo, le a bona, ka tsela eo feela. Le a e ts'oara joale?

²⁴⁶ "Botlalo ba nako," e tlile ka mora botlalo ba nako. Sebe se tlohile, ka mora kolobetso ea lefats'e, hoba kolobetso ea lefats'e e le fetole nqalo e ts'oanelehang; maloetse ha eo, likokoana-hloko ha li eo; lits'ehlo ha li eo, meutloa ha e eo; lefu ha le eo, hlomoho ha e eo, lipelo tse bohloko ha li eo; botsofali ha bo eo, ha ho letho ho bapisa lefu; ha ho letho le phoso; ke toka hohle; ha ho ntho ea tlhaho. Ke Bosafeleng!

²⁴⁷ Ebe moo, tholoana ea 'Ona e pepesoa hoba e ne e le teng mono, pele, le ho qaleng. Ke seo A se nahanneng. [Moena Branham o bapisa letalpeng—Mong.]

²⁴⁸ 'Me eaba ho etsahala'ng? Oa bea Adama le Eva mona holim'a lefats'e, 'oa ba oa re, "Ngatafalang joale le tlale lefats'e." Mebele ea bona e ne e robetse mona, hore u tl'u je u bope 'mele oa hao. Ke O e sebelitse joalo ke hona.

249 Empa sebe se tlike sa sitisa leano la Hae. E sa ntse e sotheha hantle e tsoelapele, ka mokhoa o ts'oanang, nako.

250 Empa Jesu o entse'ng? Molimo oa theoha Oa itliahisa ka sebopeho sa Monna, motho; oa tela bophelo ba 'Ona, sebakeng sa ho lula mona. Etsoe, E ne e le Morena, empa A inehela A tle a lopolle ba bang. Le a e ts'oara?

251 'Me mohla sohle se fetileng, ho tla be ho khutletsoe morao hantle, 'me morero oa Molimo o tla be o phethiloe. Morena oa Bosafeleng ke eo hape le sechaba sa Hae sa Bosafeleng, ba bonahetse nameng ea motho, kamoo A sebelitseng kateng hantle; sebe se tlositsoe; liabolosi o tlositsoe; hohle ho felile joale.

252 Hoo ho tla etsoa ke eng? Lefats'e lena le be le ka sitoa ho ba nqalo eo Leholimo le ka lulang ho eona joale. Le shebeng, sebe. Le tla lokela ho hloekisoa.

253 Ha ho monna, ha ho motho, ha ho mosali, moshanyana, ngoanana, ha ke tsotelle ke mang, ea nang le ts'oanelo ea ho nyolohela sefaleng, kapa esita le ho ipolela e le Mokreste, a sa tlatsoa ka Moea o Halalelang. Ha u na tokelo selallong sa Morena, leha e ka ba selallong sefe feela, hlatsuo ea maoto, leha e le nthong efe feela, ho fihlela u hloekisoa ke Mollo o Halalelang oa Molimo.

254 Ha ho monna ea nang le tokelo ea ho rera pele, a ts'oana le Moshe, ho kopana le 'Ena ka ntle mono linqalong tse halalelang, Topallo eo ea Mollo e lopaletse mono, a tseba moo a emeng teng. Le a bona?

255 Le lemohe mokhoa, kamoo re tsamaeang kateng. Ka mora kolobetso ea lefats'e ea Mollo, likokoana-hloko tsohle li tlositsoe, hoo ho le fetola tulo e ts'oanelehang ho Leholimo ho lula holim'a lefats'e mona.

256 Papiso, joale, ea ho lula libakeng tsa Leholimo ka ho Krete Jesu; re se re tlohile mona, lits'ileng tse kang tsa mosajana eo, ho kena mohopolong o pepesitsoeng oa Molimo. "Joale re Bara ba Molimo," ha se hona re *tla ba* bona. Re litholoana tsa mohopolo oa Molimo. Le a bona?

257 Joale u re, "Be, sheba moprista enoa. Ana e ne e se mora oa Molimo na?" Ho pakiloe e ne e se 'ena. O sitiloe ho elelloang? Na o kile a re, "Ke lumela Bibe!"? Ehlile. Empa a sitoa ho elelloa Lentsoe le pepesitsoeng la hora. A mpa a ruile thuto ea hlalefo e tsoang sehlopheng se itseng se tllileng pele ho 'ena.

258 'Me ke ntho e ts'oanang le kajeno! Le a bona? Ke a tseba e thata, empa ke 'Nete.

259 Lentsoe e ne e le leo, le builoe hantle le tobane le letsatsi leo; 'me, 'ena, leha e ne e le moithuti, leha e ne e le motho

ea tumileng, empa a sitoa ho Le elelloa. Hobaneng? Ho sa tsotelehe e ne e le moithuti hakae, ntho efe feela e kang eo, le joale o ne a hloka moemeli oa boitherelopele. Le a bona?

²⁶⁰ Hoo ho etsoa ke ba reriloeng pele feela; bona feela ba ka khonang. 'Me o ka khona ha feela...Hobane, bonang, hoo ho paka boitherelopele. Hoba, ha u fela u ena le Bophelo Bosafeleng, u no u tlamehile ho ba karolo ea Molimo ka linako tsohle, hoba e le 'Ena a Inots'i e leng Rabosafeleng. Le a bona? Oho, banna! E nahaneng.

²⁶¹ Joale le shebe se hlahang Mileniamong o moholo. Sebe se tlositsoe sohle, Mileniamo joale o a kena, ke nako ea Moea o Halalelang joale ho lula litulong tsa 'Ona.

²⁶² Joaloka ha A sebetsa ho rona, "ho tloha lefung ho kena Bophelong," ho lula libakeng tsa Leholimo ka ho Kreste, ka pela Sefahleho sa Hae se tlotlehang. Esita le lefu la nama mohlang oo le tla fela; joaloka lefu la moea ha le felile joale.

²⁶³ Ntho e kang lefu la moea ha e eo hona joale, ho—ho e—e mohalaleli oa Molimo ea kolobelitsoeng. "Leha a shoele, o tla phela. Ea phelang 'me a lumela ho 'Na a ke ke a shoa le ka mohla." Lengolo lohle, Le ts'oanetse ho tlatsoa. Le a bona? U ke ke oa shoa. U na le Bophelo Bosafeleng. Ntho feela, Molopolli o u thusitse ho e elelloa. 'Me esale u le Hono, 'me ke ka hona u bonang letsatsi leo u phelang ho lona. Ba bakae ba le bonang? Phahamisa letsoho la hao. Le a bona? Ke a le leboba. Le a bona? Letsatsi leo re phelang ho lona, u a le elelloa.

²⁶⁴ Joale, Metholise e itse, "Ha u hoeletsa, u na le 'Ona." Bongata ba bona bo hoeletitse 'me ba ne ba se na 'Ona.

²⁶⁵ Pentekosta e itse, "Ha u bua ka lipuo, u na le 'Ona." Ba bangata ba bua ka lipuo, 'me ba ne ba se na 'Ona.

²⁶⁶ Shebang kamoo, Bafarisi bao ba ne ba bolokile libopeho tsa mefuta eohle, empa mohla Lentsoe le ne le bonahatsoa, ba sitiloe ho Le elelloa. Le a bona? Le a bona?

²⁶⁷ 'Me ha u le Monyaluoa, Monyaluoa ke karolo ea Monna. 'Me ha eba...Tulo e le 'ngoe eo u ka Le elelloang le ka mohla, ke ho elelloa na u karolo efe ea Monna eo (Lentsoe leo) ho seng joalo, u ke ke ua itemoha u le Monyaluoa. Ba bakae ba bonang hono? [Phutheho e re, "Amen."—Mong.] Le a bona? Le a bona? U tlamehile ho elelloa tulo tsa hao.

²⁶⁸ U ke ke ua elelloa tsa e mong. Ho ka thoeng hola—ho ka thoeng hola Moshe a tlile ka molaetsa oa Nooe? 'Me Nooe e ne e le karolo ea 'ona, empa o ka be o sa sebetsa. Ho ka thoeng hola—hola—hola—hola Jesu a n'a tlile ka Molaetsa oa Moshe? O ka be o sa sebetsa. Le a bona, e ne e le mongoa

o fapaneng, e le boporofeta bo fapaneng, mono ho no no lokela ho phethoa karolo e fapaneng ea Lentsoe. Ba le tsatsing le leng la veke. Le ho leka, mosebetsi oa Labobeli o ke ke oa etsoa ka Laboraro. 'Me Laboraro le tlameha ho etsoa ka Laboraro. Le a bona? Moqebelo eka khona e be mosebetsi oa Moqebelo. Le a bona?

'Me, bona, ba ne ba elelloa, "Oho, Moshe, rona re na le Moshe."

269 A re, "Hola le tsebile Moshe, le ka be le tseba le 'Na, hoba e ne e le 'ena ea buileng ka 'Na, 'Morena Molimo oa lona o tla hlalisa moporofeta ea joalo ka 'Na.'" Le fumana mohopolo oo? Oho, banna! Le a bona?

270 Eaba Jesu o re, ho Johanne 14, "Mohla Eo, Moea o Halalelang, a tlang, O tla le hopotsa lintho tsena, le a bona, ho le bonts'a na le phela tsatsing lefe. 'Me hape, ntho e 'ngoe eo le tla Mo tseba ka eona, O tla le bonts'a lintho tse tlang," le a bona, le a bona, ho khutlela hantle seporofetong, "mohla A tlang." Le a bona?

271 Lefats'eng le Lecha le Maholimong a Macha, a ke ke a nts'ofala hape, mohla Lefats'e le Lecha lena le fihlang. Liabolosi o tla tlangoa... Satane, hona joale o sa lokolotsoe; ke moqosi. Empa Lefats'eng le Lecha, o tla tlangoa a lahleloe Lets'eng la Mollo, ka hara Mollo o halalelang ona.

272 Hape, Lefats'eng le Lecha lena, a re le shebeng metsotso e 'maloa joale. Lefats'eng le Lecha lena, maholimo ha sa tla nts'ofatsoa; che, tseo li tlisoa ke thohako, le a bona. Ha le sa tla boela le nts'ofatsoa ke maru a befileng. Meea ha e sa tla foka holim'a lona hape ka mokhoa oo. Che. O ke ke oa tabola lifate, le ho heletsa matlo, le ho phethola lintho. Lehalima le khalefo ha li sa tla bohla li tsoa ho Satane mono, le ho bolaea monna ea theohang ka tsela, kapa ho chesa mohaho. Le a bona? Che, lekhale hape. Maholiotsoana a pheulang ha sa tla hlola a tsoha, kapa lifefo le likhanyapa, 'me li heletsa matlo, le ho bolaea bana ba banyenyane, le lintho. Uh-uh, ha li sa tla ba teng. Ho leka ho senya, ha e sa tla ba teng. Satane o lelekiloe.

273 Holane re na le nako joale. Ke ntse ke tlola Mangolo feela, joale, re tle re siuoe ke nako tlolo. Ke loketse ho rapella bakuli.

274 Maholimo le lefats'e li kopane; Molimo le motho ba boelane. Edene e hlabolotsoeng e qalile; le a bona, thohako e tlositsoe.

275 Ho a ts'oana, thohako eohle ea sebe e tlositsoe mohla Moea o Halalelang a u amohelang. U a bona, ha se uena ea O

amohelang; ke 'Ena ea u amohelang, u a bona, hoba 'Ona ke tholoana ea Molimo. U a bona, ha eba E le Moea o Halalelang, hoo ho bolela, Moea oa Molimo; 'me ke tholoana, mohopolo oa Molimo, o u amohetse hoba u ne u khethetsoe morero oo. U a bona? Kanthebo, u tsoaletsoe sebeng; empa Molimo o no o bolokile tholoana eo, 'me ke uena enoa u iponahalitse lefats'eng mona, 'me O a theoha o a u nka. U a bona, u morao *mona*; madulo a hao ke ana *ana*. U a bona? U a bona, sebe se lahlehetsoe ke matla a sona. Ke hantle. Takatso ea sebe e se e tlohile pelong ea hao, mohla Moea o Halalelang o kenang ka hare. U motho ea khutlisitsoeng.

276 'Me etlare lefats'e ha le se le khutlisitsoe, ka ntho e ts'oanang, thohako e ke se hlole e theoha, lifefo ha li sa tla theoha, meea ha e sa tla ba fihla, maholiotsoana—maholiotsoana ha sa tla fihla, ke rialo. U boelantsoe; motho le Molimo ba kopane. Lefats'e le Lecha le tla busetsoa botleng ba lona ba Edene. Lefats'e le Lecha le tla namalla, lona, hoba kolobetso ea lona ea Mollo e fete.

277 Nahanang feela, le tla tuka le che lore. Mesebetsi e tla chesoa ke—ke mocheso o qhibilasang. Mesebetsi eohle e holim'a lefats'e e tla cha. Metsi 'ohle a tla qhoma; a tla ts'oara mollo a phatlole ntho tsohle. Ntho tsohle li tla qhomisoa. Lifolekano li tla thunya 'me, li rutlolohe likete tsa limaele sebakeng, seretse se chesang se tla fofa. Kokoanahloko ka 'ngoe... Moea o Halalelang oa Molimo o tla hloekisa thojana ka 'ngoe ea sebe le ntho ka 'ngoe. Ho be ho tlangoe liabolosi eohle a lahleloe Lets'eng la Mollo, Mollo o timeletsang, khalefo ea Molimo ea Mollo.

278 Sebata seo ha se sa tla ba teng ho o timetsa. Ha u theosa tseleng, lirapeng tsa lipalesa, noha e hoeshetsang e u loma ha e sa tla ba teng, ka mahloko a eona a chefo. Oho, banna! Ho ke ke ha babatseha na? Mamelang. Qhubu eo ea mobu o mosehla e ke ke ea hlola e kokomoha Lefats'eng le Lecha leo, e le lebitla; tseo ha li sa tla fumanoa teng.

279 Motho le Molimo ba kopane; Monyali le Monyaluoa. Maholimo le lefats'e li ngomelana ka lerato; Molimo o theohile ho lula hara motho. Tabernakele ea 'Ona e lula le bona.

280 Sebe ha se sa tla ba teng, ts'oabo ha e sa tla ba teng. Keleli e rothang lerameng la 'me ha e sa tla fumanoa, nqa lesea la hae. Amen. Ha e sa tla fumanoa, Sets'eng se Secha seo. Che. Se lopolotsoe. Ke sa Hae, ebile ke sa balopolloa ba Hae ba tsoang ho sona. Le a bona?

281 'Me, bonang, le uena u karolo ea set'sa seo. Ho joalo na? 'Me mohla A n'a u lopolla, O lopolotse lefats'e ka ho ts'oana, 'me ke moo le boelaneng 'moho hape. Oho, na e ka hlola e hlaka ho feta. Le a bona? Le uena erekaha u le karolo ea lona u ts'oanela ho lopolloa. 'Me efela ha Mali a sa rothela

holim'a hao, le joale ha u eso lopolloe; ha u a bitsoa. Ebe moo A le hloekisang; O etsa joalo le ka Mollo. Esita, leha Mali a rothile, le sa loketse ho hloekisoa ka Mollo, ke hantle, e le ngalo ea bolulo ba Molimo.

²⁸² Molimo o se o ithuetse bolulo ba 'Ona, ka mantsoe a mang. 'Muso oa Molimo o lefats'eng joale, lipelong tsa bahalaleli ba 'Ona. Ke litholoana tsa 'Ona eo A li qalileng ts'imolohong. Joale litholoana tsa 'Ona li lopolotsoe. O emets'eng? Ho lopolla lefats'e, ho bea litholoana tsa 'Ona holim'a lona, ho phethahatsa leano la 'Ona la boitherelopele ka nepahalo. Le a e bona?

²⁸³ Lemohang, mabitla ha eo, ha ho keleli e rothang, le khale, ha ho ts'ollo ea mali. Ha le sa tla kolobisoa ke keleli kapa mali. Che. Lintoa ha li sa tla ba teng. Che. Maru a mariha ha eo. Lehloa le batang ha le sa tla robala sefubeng sa lona; ha le sa tla lala holim'a lona mono. Letsatsi le chesang ha le sa tla hlola, ha le sa tla tlabola joang ba lona. Allelua! Esita le lehoatata le tla thunya lirosa. "Lehoatata leo la khale, le ts'ehlo, le tla thunya, ka tsatsi le leng, joaloka rosa." Molimo o itsalo; mohlaleli le lopolloang, mohlaleli le kolobetsoang ka Mollo oa lona. Makhala le meutloa le tsohle li teng holim'a lona mono joale, empa le emetsoe ke kolobetso ea Mollo.

²⁸⁴ Joaloka motho le 'ena, mohlaleli a ntseng a melile lehloeo, lonya le khang ka ho 'ena; mohlaleli le kolobetso ea Mollo e ne e fihla, e kile ea hloekisa. Mona ha o sa le eo, ha ho sa na letho; e se e le ngalo ea leaho la Molimo ka botlalo. 'Me, le hopole, bao ke bonktheng ba Hae ba tla kopana le 'Ena holimo mono. Amen! Oho, ke ntho e . . .

²⁸⁵ Ha se pale feela; ke 'Nete. Ke seo Molimo a se boletseng. Ke seo A se ts'episitseng. Ke seo Monyaluo a eang ho sona. "Esita le lehoatata," O itsalo, "le tla thunya, ebe rosa."

²⁸⁶ Satane, sebe, le baetsalibe, ba tlohile, ka mehla. Hohle ho felile; e nyameletse ka hara Bosafeleng. Le sohle se kileng sa khopama, arekangeloi e kholo eo e na beng e lutse mono letsatsi le leng, Satane, ea entseng bobele bona bohle, o tla timeletsoa. Le sa hopola, Bibe e boletse, "Ekare ha moea oo o sa sebetse ho latela ketso ya Hae, a e laetseng ho etsoa, O tla timetsa moea oo."

²⁸⁷ Empa, u a bona, A ke ke a Itematsa a lula e le Molimo. Ka baka leo, moea oo haele oa lefats'e, o tlamehile ho timetsoa. Empa haele oa Bosafeleng, 'moho le Molimo, ha o eso be le qalo, hoba ke karolo ea Molimo 'me o ke ke oa timetsoa. Amen! Ke ntho e ntle e kakang! Kamoo—kamoo re lebohang, Kereke e loketse ho bona hono!

²⁸⁸ Lona Batho, tsohle tseo le li entseng li robetse hona mona hantle. Ke sona seo ke lekang ho se bua. Ke siea ho hong kaha ke batla ho khutlela ho eona.

²⁸⁹ Esita le lintho tsena, Satane, baetsalibe, li tlositsoe, ho siela Bosafeleng sebaka; ha li sa tla ba teng. Tsohle... Le a bona, Satane ha a khone ho bopa. Ha eba a khona, ke Molimo. Le a bona? O mpa a khona ho khopamisa se hloliloeng. Le a bona? 'Me khopamiso eohle, ho khopamisa, e tla tlosoa. 'Me lefu ke khopamiso ea bophelo; 'me mohla khopamiso e tlositsoeng, lefu ha le sa tla ba teng. Botsofali ke sesupo sa lefu; 'me mohla botsofali bo tlosoang, ho kena bophelo. Mats'oao 'ohle a khopamiso le sohle se felile. Meutloa le lits'ehlo ke ponts'o ea sebe, "lefats'e le tla rohakoa ka tsona," 'me li se li felisitsoe. Maloetse a tlosoa, ke ntho eo; a tla falatsoa. Lefu le tla felisoa. Ts'ollo ea mali e tla felisoa.

²⁹⁰ Mobu oo o ke ke oa angoa ke letho haese khalalelo, Balopolloa. Oho, banna! E-ea bo. Oho, ke thabile joang. Molimo, le 'mopo oa 'Ona; 'me libopuo a tsa Hae tsa 'mopo ona li lopolotsoe ka Mali a Hae ka Sebele. Ho hloekisoa ke ts'ebetso ea Hae ka Sebele e hloekisang; ts'ebetso ea Hae e bolaeang likokoana-hloko, e bolaeang sebe!

²⁹¹ Ho a ts'oana ntho efe feela ha e hloekisoa mahloko, leano le fetisisang ka bokhabane ho bolaea mahloko ebile ka mollo. Le ka ts'oara ntho efe la e hlatsoa ka lisepa tse monyollang tsena le likhemikale tsena tsohle tseo ba buang ka tsona, ha li a lokoloha. Empa a k'u e chese hang!

²⁹² 'Me Mollo o halalelang oa Molimo ha o bolaea-mahloko holim'a lefats'e ka Likhemikale; ke mohla A seng a nyolotse Monyaluoa oa Hae, a ka kenang Leholimong le 'Ena, mohla sena se ntseng se tsoelapele. Le ho khutlela lefats'eng hape, Maholimo a Macha le Lefats'e le Lecha. Mariha a batang a ke ke a le hloko fatsa. Lehlabula le chesang le ke ke la le hloko fatsa. Mahoatata a tla thunya sa rosa. Sebe le baetsalibe li falalitsoe.

²⁹³ Molimo, le libopuo a tsa Hae le 'mopo, ba lula kutloanong e phethehileng. Joaleka maholimo le lefats'e e le monna le mosali, ho joalo le ka Krete le Kereke, 'me ba kopana bohle leanong le le leng le leholo le khanyang la topollo le ho boela ba kengoa hantle ka hara lifuba tsa Molimo. Le a e bona na?

²⁹⁴ 'Me, Lefats'eng le Lecha, Motse o Mocha ke oo. Oho, banna! Joale mamelang ka hloko. Le se le bale sena. Hore, Jesu o boletse, ho Johanne 14, O tla ea lokisa. "Pelo tsa lona li se ferekane." Mohla A tsamaeang, "Eka khona Ke tsamae. Le lumetse ho Molimo," A re, "le ho 'Na le lumele." Ba sa bona hoba E ne e le Molimo. Ho re, "Le lumetse ho Molimo, joale le lumele ho 'Na. 'Me Ke tla ea le lokisetsa Bolulo. Meaho e mengata ka Tlung ea Ntate; lipaleise li ngata 'Musong oa Ntate." Krete o teng mono, o ntse a haha

Jerusalema e Mocha enoa joale. Joale le mamelisise. Le se sisinyehe. Le se leke, le se fose sena. Krete o Leholimong, kajeno, o lokisa Jerusalema e Mocha.

²⁹⁵ Joaloka Molimo ha o entse lefats'e ka matsatsi a ts'eletseng, oa etsa lefats'e ka matsatsi a ts'eletseng, kapa lilemo tse likete tse ts'eletseng. Joaleka ha A boletse, "Le se ke la hloka tsebo," ha re bala Lengolo, "lilemo tse sekete li lekana le letsatsi le le leng."

²⁹⁶ 'Me Krete o tsamaile o ntse a lokisa Bolulo, boo esale bo lokisoa joale lilemo tse likete tse ngata, ngata, ho lokisa Bolulo. "Le hona ha Ke ea lokisa Bolulo, Ke tla boela ke khutla, ho tla le lata; hore moo Ke leng teng, le lona le be teng." Lemohang Molopolli le Balopolloa!

²⁹⁷ Eka re ka be re na le nako joale. Mona ke ts'oatile, ke Solomone ea buang, "mosetsana enoa, Monyaluoa." Oh, re tla lokela feela ho e tlola; nako e ntse e re siea, le a bona. Ke tla e nka, hape. "Mohla a lekang ho mo nka, a mpa a lebelelitsoe ke mohlankana oa molisa." Batho ba hopola e ne e le sefela seo a se binneng feela. Oh, che. Solomone e ne e le mojalefa oa terone ea Davida, lefats'eng, empa ho a bonts'a 'muso oo o no o loketse ho feta. E ne e le papiso ea Krete ea ratanang le Monyaluoa. Le a bona?

²⁹⁸ Lemohang Jesu o boletse, Johanne 14 joale, "ho ea lokisa Bolulo."

²⁹⁹ Oh, ebe o tla ba joang? Na le kile la nahana joale, Monyaluoa, ebe o tla ba joang na? O lokisitsoe o raliloe ke Ralipolane ea Khethehileng. Ebe Motse oo o tla ba joang? Joale, re tliil'o bua ka 'ona metsotso e 'maloa. Ralipolane ea Khethehileng o se a o lokisitse, o se a o ralile. 'Me, le shebe, O o ralile ka matsotso a mosa, o etsetsoa Monyaluoa oa Hae ea ratoang. Ebe o tla ba joang?

³⁰⁰ Le nahana'ng ka monna ea nyalang mosali, a ena le bokhoni, o tla e aha a bee sohle thatong ea mosali, hantle feela kamoo mosali a ratang kateng? Amen.

³⁰¹ Joale, Ralipolane ea Khethehileng o ralile Motse o Mocha, moo A tla phela le Monyaluoa oa Hae, ho latela thato ea Eo. Ha ho makatse moapostola a itse, "Leihlo ha le eso bone, tsebe ha eso utloe, leha e le pelo ea motho ha eso fihleloe ke hona." A re boneng na re ka khona ho o lekolisisa nakoana feela, ho bona na o tla shebeha joang.

³⁰² Ralipolane ea Khethehileng o o bopetse Moratuoa oa Hae. Le a bona? Oh, e ts'oanetse e be e le tulo e kakang, ha e le moo, Boleng bo Khethehileng, Ralipolane ea Khethehileng a o bopetse mohopolo o Khethehileng o reriloeng pele ka Khalalelo ke Molimo o Khethehileng 'Ona—'Ona e leng moqali oa Bophelo bo Khethehileng! Ebe Motse oo o tla ba joang! O nahaneng.

303 Hopolang, ha se Leholimo. Johanne o re, “Ke o bone o theoha Leholimong.” O tla ba holim’a lefats’e. Le a bona?

304 Ha ho thoe lefats’e lena le tla feta; ke lefats’e le lopolotsoeng. Molimo ha o a re O tla hlahisa moloko o mocha; O tla lopolla o leng teng mona. A ke ke a hlahisa moloko o mocha; O lopolla o seng o le teng mona. A ke ke a etsa lefats’e la letho le lecha; ke lona lena hantle mona. O mpa a tla le chesa, ho le hloekisa, joaleka ha le lona A le sebelitse joalo. Merero ea ‘Ona e ts’oanela ho tiea kamehla. Joale, shebang, o tlilo ba teng.

305 Hopolang, e ke ke ea eba Leholimo. “O theoha Leholimong.” Ke nqalo ea Bolulo, nqalo ea Bolulo, A tle a ahe teng. Joaleka, Johanne, sehlekehlekeng sa Patmose, mona ho Ts’enolo 21, a o bone o “theoha.” Johanne o bone Motse, “o theoha Leholimong,” eka leeba, joaleka a kile a bona.

306 Molimo ke ‘ona o e tla, o theohela holim’a tabernakele ea ‘Ona ea lefats’e, Jesu, ka hara... “o theoha a etsoa Leholimong.” Jesu o ile a kolobetsoa, eaba o tloha hang-hang...

307 Mohla A na a kopana le moporofeta! “Lentsoe le tla ho moporofeta.” ‘Me E ne e le Lentsoe. ‘Me moporofeta keha a eme mono, a hanetsa malumeli a bona kaofela, ntho eohle. ‘Me, eare hobane a bone Lentsoe, Lentsoe la tla ho ‘ena hantle.

308 ‘Me moporofeta keha a ts’ohile hona, a ba a re, “Ke ‘na ea ts’oanetseng ho kolobetsoa ke Uena. U tlela’ng ho ‘na?”

309 A re, “Lumella ho be joalo, hoba eka khona (rona re tseba molaetsa) re phethe hohle ho lokelang hohle. ‘Na ke Sehlabelo; Se ts’oanetse ho hlatsuoa.” Eaba o a Mo lumella.

310 Eitse ha A tsoa metsing, a re, “Ke bone maholimo a phetliloe.” Moporofeta o a bone. O bone maholimo a phetliloe.

311 ‘Me ha hlaha mona, Leholimong ha theoha teng, ka sebopeho sa Leeba; le Lentsoe, le reng, “Ena ke karolo ea lefats’e la Ka leo Ke le lopolotseng, ‘me ka karolo ena ea lefats’e Ke tla lopolla tse ling tsohle, hoba ‘ena Ke Lentsoe la Ka le bonahetseng.” “Etsoe lefats’e lohle, Ke le bopile ka Lentsoe la Ka,” Baheberu 11. “Esale Satane a le fupere nako ena eohle, empa Ke tlile ho le lopolla. Karolo e itseng e bopile ‘mele oa Hae, ‘me Ke tlile ho lula ho eona.”

312 Johanne o boletse, “Ke bone Motse o halalelang, Jerusalema e Mocha a theoha Leholimong, eka Monyaluoa ea itokiselitseng Monna oa hae.” ‘Me eaba o lula holim’a eng? Hantle kamoo o entseng mono; holim’a lefats’e.

313 Jesu e ne e le karolo ea lefats’e leo Moea o Halalelang o theohetseng holim’a lona, (na ho joalo?) ‘me oa lula holim’a

Hae ka mehla. O ke ke oa tloha ho 'Ena le ka mohla. O lutse mono ka mehla. 'Ena le Molimo ba Bang. O loketse ho lula ka mehla!

³¹⁴ Eaba Johanne o bona Motse o halalelang, Jerusalema e Mocha, a theoha eka mochochonono, kapa lona—lona leeba, o theoha o tsoa Leholimong o lula holim'a lefats'e lohle, le lopolotsoeng, (ho etsa'ng?) ho tseka mohopolo o mong le o mong A o bopetseng lefats'e. Monna e mong le e mong ea kileng a emeloa Bosafeleng, le mosali e mong le e mong, o lopolotsoe ke hona. Le hohliloe la ba la chesoa ke Mollo.

³¹⁵ Jesu, litekong tsa Hae tse tukang lehoatateng, ka matsatsi a mashome a mane. Ka morao mono, lemohang, keha thuto ea Hae e ne e le malala-a-laotsoe.

³¹⁶ E nahaneng, Moea o Halalelang o theohelang holim'a lefats'e, Jesu, homme Mali a halalelang ao! Joale elang hloko, 'me ke kholoa ke sa tebe haholo ho lona, le a bona. Mali a halalelang a hloliloeng ke Molimo; Mali, Bophelo, popo ea Molimo. "Jesu e ne e le qalo ea ho popo ea Molimo." Oh! Le a e bona? Molimo, ea boptjoang hlolehong. E ne e le Moea. Bible e itse, "Ke qalo ea popo ea Molimo." O qalile joang? Ka hara lipopelo tsa mosali. E leng eng? Mosali ha se. . .

³¹⁷ Kamoo batho ba fufetseng bao ba sa boneng "peo" ea noha hantle mona. Le a bona? Eva o kile a beoa lefats'eng mona, 'me, le pele Satane a mo ama, kapa ntho efe, Molimo oa re ho bona, "Ngatafalang le tlale lefats'e." Ke hantle, empa Satane a kena ka mona. 'Me, efela ha eo e ne e le mora oa Adama, joale ke ho kae moo. . .

³¹⁸ Adama e ne e le lehlomela la Molimo ka kotloloho. 'Me u ka futsa motsoali oa hao feela.

³¹⁹ 'Me ha u tsoaloe labobeli, u Futsa Motsoali oa hao, oa Leholimo. 'Me Motsoali oa hao oa Leholimo ke mohopolo oa Lentsoe. . . Kapa, Lentsoe ke mohopolo oa Motsoali oa hao. Ha ho le joalo, u ka Le hana joang, oa khetha malumeli? Khele!

Kea ts'epa ha le e fose. Kea tseba e tsoa ho Molimo.

³²⁰ Jesu. Ke enoa O a tla, o a theoha; 'me Jesu e ne e le eo, e le mohopolo oa Molimo.

³²¹ Joale, "mosali," 'ena. Elang hloko. Molimo oa re, "Erekaha ba entse sena," ha thoe, "Ke tla bea hloeano pakeng tsa Peo ea hao le peo ea noha." Ho joalo na? 'Me mosali ha a na peo ea letho. Na le kile la e nahana? O na le ts'imo, e seng peo. Le a bona, noha e se e beile "peo" ea eona mono.

³²² Joale, efela ha mosali a se na peo, o ts'oanetse ho itulela ho fihlela a fumana Peo.

323 Le a bona, ka kamano ea tona-ts'ali mona, e nts'itse ho Satane, noha, e beng e se sehahabi; e ne e na le maoto, hoba maoto a eona a bile a nyamela. E le bohlae ka ho fetisisa, eona feela phoofolo e neng e ka—e neng e ka amana le mosali.

324 Peo ea phoofolo e ka sitoa joale, le letho le sele. Ba lekile. Ha e sebetse. Le a bona, peo ea bophelo e tsoang botoneng e ke ke ea kena ho mosali e mots'ehali. E ke ke ea sebetse.

325 Empa e ne e le eona ntho e haufi ho feta. Le a bona, ha ba fumane mofuta oo o pakeng tsa shimpanzi le motho. Le a bona, o mong le o mong, ha o ntse o o nyoloha o fetoha-butle, ho qala ho linonyana, le ho nyolohela ho limanki, le joalo-joalo, ho fihla ho shimpanzi, e ntano ba “tableho.” E ne e le sepente, e seng noha; sebopeho se seng le se seng sa eona se lahlehile, hoba e ile ea rohakoa.

326 Joale, Molimo ha o a rohaka Adama; koana a ka ba a entse hoo, empa O rohakile lefats'e, “lits'ehlo le meutloa.”

327 Ha A ka a rohaka Eva, a mpa a re Adama e tla ba “'musi” oa hae. Ho tloha joale, a se leke ho rera kapa eng, Adama ke 'musi oa hae. “Ka matsatsi 'ohle a ho phela ha hao, u tla hlahisa bophelo ba hao lefats'eng, ka bohloko, o tla tlisa bophelo ba hao lefats'eng.” Empa A re, “Ke tla bea hloeano pakeng tsa Peo ea hao. . .”

328 Joale, o ne a se na peo ea letho, ha a eso be le eona, ka baka leo, a loketse ho amohela Peo ka tsela e itseng. Molimo mo neile Peo, kamano ea tona-ts'ali e le sieo, empa ka popo.

329 Lona lifofu ha le bone ke'ng hobane hoo ke “peo” ea noha? Oho, banna! Satane o fihlile mono pele ho Adama; eo e ne e le “peo.”

330 Empa o amohetse Peo. E ne e le eng? Molimo ka Sebele. “E ne e le qalo ea popo ea Molimo.”

331 Joale le shebe mohla Setha a na a tsoaloa, kapa Abele, e ne e le monna ea lokileng, a tsoa ho ntata'e. Setha le 'ena o joalo.

332 Thaka le khopo leo le tsoa kae; 'molai, raleshano? Le a bona, na le bona moo e tsoang teng? E ne e loketse ho ba “peo,” hoba e ne e le peo; Kaine e ne e le motho.

333 Oho, batho ba fofetseng bao ba kae? “Molimo oa lefats'e lena o ba fofalitse.” Be, ha ho makatse, Jesu a boletse ho se motho ea ka e bonang. Le a bona?

U re, “Hobane'ng ba sa e bone?”

334 Jesu o kile a re, ho morutuoa oa Hae, “Lona le neiloe ho tseba 'Musu oa Molimo, empa bona ha ba ho neoa.”

³³⁵ 'Me ke ka hona le tsoang sekoereng sa limaele tse sekete le makholo a mahlano, le a bona, "Lona le neiloe ho tseba 'Muso." Shebang, esita le mathaka a tsoang Afrika Boroa le mathokong, hora e palamaneng ena mohla Monyaluo a bopeloang ho kena 'Musong.

Ke mpa ke se na nako e lekaneng. Elang hloko. Shebang joale, bonang.

³³⁶ Joale na le bona "peo" ea noha mono, le bona kamoo a e sebelitseng kateng? E phethahetse, le a bona. Joale ba bang ba itse...

³³⁷ Joale, mokana mothaka eo mane Tucson tsatsi le leng, a leka... Ah, a ka utloa teipi ena. Empa, haeba ho le joalo, monna, ke batla ho u bolella taba.

³³⁸ Mohla a n'a re, "Eva o itse," moo ba lebisang teng ke mona, "Ke iphumanetse mora ho Morena, kapa monna ea tsoang ho Morena." Khele, ehlile. Molimo o beile molao.

³³⁹ Shebang, ha o nka peo o e lema ka ntle mona ts'imong moo koro e leng teng, 'me u ntano jala machuchuta ntle mono. Ha ke tsotelle, lona letsatsi leo le eona pula eo li melisa peo eo. Molimo o beile molao, 'me molao oo o ke ke oa robjoa.

³⁴⁰ Ha ke tsotelle haeba—haeba... mosali ea mamphemphe ka ho feta motseng le monna ea mamphemphe ho feta, le hona ba sa nyalana le ntho eohle, ba ka ba—ba le kamano, 'me ba phele ba tsoale ngoana; ngoana eo o tlamehile ho tla ka molao oa Molimo, hoba mokhoa o mong o le sieo. Ha le sa etse joalo, le etsa Satane 'mopi, 'me ha ho le joalo ke molimo. Oh, le ka fofala hakakang! Le a bona, ke molao oa Molimo, ruri.

³⁴¹ Haeba u kile oa tsoala lesea, ha ke tsotelle e ne e le Esau na, Jakobo, e ne e le mang, e ka bang mang ea setumo-sebe, holane e le Judase, le ne le loketse ho tsoa ho Molimo. Molimo o beile molao.

³⁴² Bible e boletse, "Letsatsi le chabela ba lokileng le bakhopo; pula e nela ba lokileng le ba sa lo..." Baheberu khoalo ea 6, 'me e bua e re, "Eona—eona pula eo e nela lefats'e hangata, ho le nosetsa, le ho le lokisetsa se le apesang, le a tseba, ho phelisa; empa ha e le meutloa le libajoa li phela ka 'ona metsi ao, mahlaseli a le mang a letsatsi." Hoba, ke molao oa Molimo, ho butsoisa peo ka 'ngoe, peo ka 'ngoe e tle e ikatise.

³⁴³ Ka baka leo, e ne tlamehile ho hlahisa "peo" ea noha. 'Me hoo ha ho a sitisa Molimo le ka mohla—le ka mohla; ha mpa ha phethisa morero oa 'Ona o tletseng, ha Mo etsa Molopolli.

Sefofu sefe se tlamehile ho bona hoo, ntle leha e patiloe. “Molimo oa lefats’e lena” o u patetse eona. E hlakile se ka ntho efe feela eo u ka e bonang. Ke moo he. Ke eo “peo” ea lona ea noha. Joale elang hloko.

Empa, “Jesu e ne e le qalo ea popo ea Molimo.”

³⁴⁴ Joale mosali o etsa’ng? Ka nako, ha lefi la bophelo le tsoang botoneng. Joale le a e hana? Mosali ha a na bophelo ka ho ’ena, ho hang. O mpa a jere lehenyana feela, e leng ts’imo e ka ntle mona.

³⁴⁵ Eka ha o nka ts’imo o e phethola, ’me—’me o e nyanyatsa, o e nyanyatsa likokoana-hloko tsa eona. ’Me ho sa—sa mele joang kapa le letho le ka melang ho eona; o ntano e nonts’a ka manyoro hape, o jale lipeo tse ’maloa tse lokileng mono. Ha sera se fihla se jala peo ea mofuta, lipeo tseo bobeli li tla butsoisa ke molao o ts’oanang oa Molimo.

³⁴⁶ Be, Molimo o ne o sa e rera joalo, le a bona. Empa ho etsahetse’ng?

³⁴⁷ Le a bona, peo e tsoang ho monna e fupere hemotlelobine, e leng mali. Bophelo bo ka hara mali. ’Me ha u kile. . . Nkile ka e shebella, mono tsoalisong ea makhomo le linthong tse kang tseo. ’Na le Moena Shakarian ra fetisoa, ’me lingaka le ba joalo ba le teng, re shebeletse motsamao oa eona, borachemisi. Le a bona? Peo ke ena e hlaha e tsoa ho sethole, e le boieane ba mahe. Peo ke ena e hlaha e tsoa ho e tona, e le boieane ba lijemse.

³⁴⁸ *Hona* ha ho na kolinyana ea lefi ho eona. Ke khoabi ea monna feela. O fihlile joalo mona, le ho qaleng, e mpa e le ts’imo. Lehe ke leo; le bolokile mobu o nonneng oa bophelo bona. ’Me bophelo bona bo a kena ’me bo a khasa. Ke seo sephiri, kamoo. . .

³⁴⁹ “Koana,” u ka re, “be, la pele ke lona le kopanang. A mang a shoa kaofela.” Be, ho tla joang, ke mang ea le reretseng hona? “Be, la pele.” Na e tla ba le ka pele; lehe la pele le kapele, le lefi la pele la bophelo? Che, che.

³⁵⁰ E ka ba lehe le le leng; mots’eo koana, ka morao, mahareng a peo, le ka nyoloha la tla kopana le lona. Hoo ho supa bohale bo itseng e le bona bo rerang na e tla ba hloho-khubelu, hloho-nts’o; le tla ba le nyenyane, le lehlo; e tona kapa e ts’ehali. Le a bona? Le ke ke la khona, le ke ke la etsa letho ka eona; e ke ke ea sebetsa. Le ka li tsoaka, le ntho ka ’ngoe, e ke ke ea etsa phapang ea letho. Ke Molimo o e rerang. ’Me ka mora nakoana, lefinyana le khasetsa ts’ingoaneng eo, lehe. Ntho e nang le mohatlanyana, joalo, ho eona, o tsokehang; o a khaoha, ’me mono ho qala mokokotlo oa lesea.

351 E mots'ehali ke'ng? Mosali ha a na peo. O na le ts'imo ho amohela peo. Ka baka leo. . .

352 Le a bona, sera se ile sa tsoa. Mohla mojali ea lokileng a na a etsoa, a jala Peo e ntle; 'me eaba sera se mo sala morao, se jala peo e sa lokang. "Empa pula e nela ba lokileng le bakhopo; letsatsi." Sohle se ts'oanetse ho mela.

353 Jesu o itse, "Li tlheleng li hole hammoho. Li tla tlangoa ka tsatsi leo, mahola." 'Me li ntse li tlangoa joale, ka mekhatlo e meholo; e tla ba ngata e kholo, Mokhatlo oa Likereke tsa Lefats'e. 'Me pheletso e bile efe? Ke ho chesoa. Empa hlaku e tla isoa molikong. Le a bona? Mono, bobeli li phela ka ntho e ts'oanang, metsi a le mang, pula e le 'ngoe.

354 Sefate sa sitrase, seo ke—seo ke sefate sa lamunu, se ee se bee, se tla lokela joalo; se tla bea ho sona, haeba e entetsoe ho sona, garanate. Se tla bea lemone. Se tla bea tholoana ea morara. Le a bona? Empa e ke ke ea eba lamunu, empa se phela ka bona bophelo bo hlalisoang ke sefate sa lamunu.

355 Malumeli a entetsoe Morareng. Hoba, efela ha li itlaleha e le "Bakreste," li phela ka 'ona. Kaiafa o entse joalo; lea mo tseba e ne e le eng, 'me koana o bile a porofeta. Le a bona? Le a bona, li phela ka 'ona.

356 Oh, eka re ka fuoa veke, ra e lekolisa ra e qeta, ra e hlakisa hoo le—le sa tlo sitoa ho e bona. Joale ke tllilo tlola lintho tse ling tsena.

357 Joale shebang. Bonang, matsoho ao a bopetse Monyaluoa oa Hae ea Ratoang sena, ho bopeloa Monyaluoa oa Hae ka lerato le ka mosa.

358 Le hopole Moea o Halalelang o kile oa theohela holim'a Jesu, etsoe, Jesu e ne e le karolo ea lefats'e. Hobaneng? Lefi la Molimo, Bophelo ba Molimo, bo kile ba boptjoa ka popelong ea mosali (ho joalo?), etsoe e ne e le mobu. Ke hantle. 'Me eaba Bophelo ba Molimo bo a kena, ka baka leo, "E ne e le qalo ea popo ea Molimo." Le a bona? 'Me eaba Mali ao a Molimo, a tlisitsoeng ke lefi leo; mohla a n'a ts'olloa Kalvari, a ile a rothetsoa hape holim'a lefats'e. Bakeng sa eng? Ho lopolla mobu oa lefats'e. Joale, le se le lokafalitsoe; le se le halalelitsoe; le bitsitsoe, le se le tsekiloe; 'me joale le tla kolobetsoa ka Mollo, 'me le hloekisetsoe Jesu le Monyaluoa oa Hae.

359 'Me lona le likarolo tse ling tsena tse nts'itsoeng lefats'eng lena. Lefats'e, lona le karolo ea lefats'e; 'mele ea lona. Moea oa lona ke karolo ea Molimo, mohopolo oa Molimo, o pepesitsoeng lefats'eng mona ka 'mele. 'Mele o tla lopolloa.

360 Joale, 'moea o lopolotsoe, hoba o no o le sebeng. Ka hona Molimo oa theoha, ka mosebetsi oa tokafats'o, khalaletso, kolobetso ea Moea o Halalelang, me oa lopolla moea oa hao.

³⁶¹ 'Me lona, erekaha le le karolo ea lefats'e, le lopolotsoe ke hona hoo. Le uena joale u fetisoa ts'ebetsong. O ntse o hola. 'Mele oa hao o lokafalitsoe tlasa kolobetso ea Nooe. Amen! Le, nama ea hao, mohlalana a na a rothetsoa mono. 'Me lefats'e le tla hloekisoa ka Mollo, tulo eo u tla lula ho eona, ka kolobetso ea Moea o Halalelang; sets'a se e leng Bolulo ba Krete le Monyaluoa oa Hae, Jerusalema e Mocha.

³⁶² Shebang Motse ona; lefats'e, o lula holim'a lefats'e. Joale le ka e bona e hlakile mokana ke boletse, eona... phethoho ena, lefats'e le ts'oanetse ho fetoloa. Le ke le la O amohela le le tjena. Kereke e ka sitoa ho feta... Kapa, lefats'e le ka sitoa ho ts'ela, ka mora Mileniamo, le sa ka la fetoloa. Le a bona? Ho fuoa Tulo e joalo holim'a lona, le lokela ho fetoloa.

³⁶³ Ka mokhoa o ts'oanang, re ts'oanela ho fetoloa ke Mollo oa Hae o halalelang, ho beoa maamong a ts'oanelehang ho Mo etsetsa sebaka ho aha ka ho rona; ke hore, Moea o Halalelang.

³⁶⁴ Elang hloko joale, sebaka se se ngata Lefats'eng le Lecha. Uh-huh. Le a bona, sebaka se se ngata! Le tla nchafatsoa, ho joalo, ke Mollo, empa leoatile ha le sa ba teng. Elang hloko, Motse o boholo ba lisekoere maele tse sekete le makholo a mahlano.

³⁶⁵ Joale theang tsebe re sa taka likhutlo tsena. Ke batla ho hlakola letlapa, nakoana feela. [Moena Branham o hlakola lipapiso tsa hae tsa pele—Mong.]

³⁶⁶ Ts'enolo e tebileng e tsoang ho Molimo ke ena. Mona, ke tla kgefutsa mona feela. Ha ho tse ling tsa lintho tsena... Ke tla hlalisa sohle se amanang le sena, ha Morena a ratile.

³⁶⁷ Elang hloko joale hore na lefats'e le... Be, phetlang Bukeng ea Lits'enolo, le ka bona kamoo a o lekantseng ka likhubite le liferelone. Makholo a mashome a mabeli a metso e meraro... Ka hona re fumana e—e Motse o lekangoa, "limaele tse sekete le makholo a mahlano" e le sekoere.

³⁶⁸ Ana le a tseba ke ho fihla kae? Ke bo lekantse, vekeng ena. E ka ba ho tloha Maine ho ea Florida, le ho tloha meeling ea leoatile la bochabela ho fihla limaeleng tse makholo a ts'eletseng ka nqane, ka bophirimela ho Mississippi. Ka mantsoe a mang, halofo ea Linaha tse Kopaneng, e le Motse feela.

U re, "Ha ho sebaka."

³⁶⁹ Ha leoatile le le sieo se tla ba teng, hoba karolo tse nne tsa lona holim'a tse hlano li batla li le hara metsi. Ho joalo? Ho phatloha ho tla omisa leoatile, ho tla runya lefats'e. Oho, banna! Le hopole, khutlonne ea limaele tse sekete le makholo a mahlano, ha se le Motse oo! 'Me, empa, le hopole, leoatile ha le sa le eo.

370 “Le bophara le bophahamo li a lekana.” Hoo hoo etsa limaele tse sekete le makholo a mahlano ka *mona*, sekete le makholo a mahlano ka *mane*; limaele tse sekete le makholo a mahlano; bolelele atisa ka bophara atisa ka bophahamo. Limaele tse sekete le makholo a mahlano, o nahaneng, ke khauta e bonaletsang. ‘Me Motse o likiloe ke lerako.

371 Joale, joale, ehlile ha ho thoe, kaha o lekana...E itse, “Le marako le metheo li ne li lekana,” ha ho thoe ke khubite kapa sekoere. Tekanyo e ‘ngoe ea thutafats’e esale teng, likhutlo tsa eona li a lekana, eona, ke piramite. Sekoere se khutlonne, “o hahiloe sekoere se khutlonne,” ‘me marako a na a lekana.

372 E reng ke o take. [Moena Branham o taka lipapiso letlapeng—Mong.] Le a bona: bolelele, bophara, bophahamo. Re tliilo kena nthong e ‘ngoe, ‘nete e sebele. Le a bona? Elang hloko, litekanyo tsa khutlo *ena* li a lekana, kaofela ha tsona, bolelele atisa ka—atisa ka bophahamo. Tekanyo e ‘ngoe e teng, piramite, e paka hona.

373 Taba ena, ha e eme tjena, e tli’lo araba ponts’o ea Henoke Egepete, piramite. Ebe e tla etsa joalo? Henoke, pele ho ts’enyeho ea moroallo, mohla tokafatso e fihlang, o kile a etsa ponts’o, ‘me piramite ena ka hare ho eona e na le mehato e supileng e eang phaposing ea morena. Shebang holim’a mohato oa bosupa, haeba u kile oa ithuta litekanyo tsa piramite le ka mohla, ke mang ea tsoang ho khahlanyetsa moeti, ho mo tsebisa ho morena. Shebang na ke seisehene sa mang se emeng mono, ‘me u tla bona letsatsi leo u phelang ho lona, ka hara piramite.

374 Joale, Molimo o entse Libibele tse tharo. Joale, thuto ea piramite e teng eo e leng matlakala, empa piramite ea makhonthe e teng. Le a bona? Elang hloko. Joale, Molimo, Bible ea pele...O entse tse tharo. Ntho e ‘ngoe le e ‘ngoe e tlameha ho khema ka tharo.

375 Jesu o tla makhetlo a mararo. O a tla, hang, ho lopolla Monyaluoa oa Hae; khetlo le latelang, ho nka Monyaluoa oa Hae; khetlo le latelang, ‘moho le Monyaluoa oa Hae. Le a bona?

376 Joale elang hloko kamoo e babatsehang. Le a bona? ‘Me ka hara piramite ena ho ne ho le mehato e supileng, ‘me e ntano ba phaposi ea morena. ‘Me re mongoaheng oa kereke ea bosupa, pele Morena a lula Teroneng ea Hae. ‘Me, le hopole, piramite ha eso ruleloe ka lejoe holim’a eona le ka mohla.

377 Bible ea pele ea Molimo e ne e le libakeng holimo, Zodiaka; e qala joalo ebile e haola le mongoaha o mong le o mong. Ntho ea pele, qalo ea Zodiaka, ke moroetsana; O tlile

joalo, la pele. Papiso ea ho qetela ea Zodiaka ke Leo e leng tau; ho Khutla Labobeli. Pejana feela ho moo ke lihlapi tse fapanang, e leng mongoaha oa mofets'e; oo re phelang ho 'ona joale.

³⁷⁸ Ho hlahile piramite ka mora mono, Henoke, eona e pakileng ka nepahalo. Re ke ke ra fumana nako ho kena ho eona, empa, tsatsi le leng, ka thuso ea Molimo, ke tla le bonts'a, ke tla taka tekanyo ea hora eo re phelang ho eona ka nepahalo. Le a bona?

³⁷⁹ Elang hloko, empa joale re fumana tekanyo ena ea thutafats'e, eona likhutlo tsa eona li a lekana, ha ho thoe e tlamehile ho ba e—e khubite. Elang hloko, taba ena e tla arabela Egepeta... kapa ponts'o ea Henoke Egepeta.

³⁸⁰ Mohla lefats'e le hloekisoang, ka kolobetso ea lona ea Mollo, ho tla runya volekano, mohla lefats'e lena le qhomang, 'me e tla sututsa Thaba e kang piramite. Le a bona? Sebaka se se ngata ho etsa hoo! Ntho ena yohle e tla fetoloa. Bokaholimo bohle bo tla fetoloa. Le e ts'oare? E tla sututsa Thaba e kang piramite.

³⁸¹ Ketsahalo ena ha e ka etsoa e tla lumellana le Lentsoe, etsoe e tla etsa hoo. Joale elang hloko, hoba, ho Esaia 65:25, moo re sa tsoa bala teng, O boletse.

Li ke ke tsa khathatsa kapa ho senya thabeng ea ka eohle e halalelang, ho bolela JEHOVA.

³⁸² Oh! "Thaba ea Ka eohle e halalelang!" Hopolang, kamehla ke "Thaba."

³⁸³ Holane marako a tsepame a ea holimo-le-tlase, Motse o no o ka bonoa feela ho tsoa ka ntle... kapa ho tsoa ka hare, Terone e ka bonoa feela ho tsoa ka hare; empa lemohang e tla bonoa feela ho tsoa ka hare.

Empa joale re bona ts'episo ea Esaia 4:5. A re e baling feela.

³⁸⁴ Ana le potlakile? [Phutheho e re, "Che."—Mong.] Che, le se ke la potlaka joale. Re—re—re loketse ho—ho fetela nthong e ikhethang joale, e—e nako—e ngata haholo 'me le ts'oanetse ho utloisisa hantle mona. Hoba, ke batla ho hlakisa taba ena. 'Me etalreha re khutlela ho eona, ke tla—ke tla le bonts'a moo re—seo re buang ka sona, eng, tekolong ea rona e latelang mona, nakong e 'ngoe.

³⁸⁵ Oh, ho rorisoe Morena Jesu! Shebang mona, kamoo Mantsoe a ke keng a hloleha. Joale shebang ho Esaia mona. Ke le ngotse fats'e mona, haeba nka le fumana hape, nakoana feela. Esaia 4:5. Joale mamelang, o bua ka ho Khutla ha

Morena, kamoo mekhoa ea basali e tla be e nyehlile kateng. Oh, o itse, “Basali ba supileng...” Mamelang. A re le baleng feela. Shebang mona.

Mehleng eo basali ba supileng ba tla its'oarella ka monna a le mong, ba re ho eena, Re tla ja bohobe ba rona, . . . ikapese ka likobo tsa rona: feela re bitsoe ka lebitso la hao, u tlose nyatso ea rona.

³⁸⁶ Eo ke mehla ea bofelo, re phela teng joale; lenyalo, hlalo, le bootsoa, le eng hape.

Mehleng eo lehlomela la JEHOVA le tla hlaha bokhabaneng le khanyeng, . . . tholoana ea lefats'e ebe khanya le khabiso . . . Baiseraele . . . phonyohileng. (Kamoo le phemileng tsuo eo eohle! Le a bona?)

E mong le e mong, ho ba siiloeng Sione le eo e leng lesalla Jerusalema, ba tla . . . (A re boneng.) . . . bitsoa bahalaleli, e leng bohle ba ngoliloeng bukeng ea ba phelang Jerusalema, le a bona:

Teng moo Morena a se a hlakotse lits'ila tsa morali ba Sione, (hopolang, eo ke Monyaluoa ka mehla, le a bona) . . . a hlatsoitse mali a Jerusalema (ao ke masalla a Bajuda, le Monyaluoa, le a bona) . . . 'me teng ka moea oa kahlolo le ke moea o hlokolang, mollo . . .

³⁸⁷ Eo ke kahlolo ea Molimo ea kamehla, mohla A tla hlahisa kahlolo ea Hae e qetelang. O a u bitsa, a u lokafatse, 'me a u tataisetse topollong; ebe moo joale kahlolo ea Hae e ts'olohelang holim'a hao, 'me Moea o Halalelang le Mollo li u hloekisa sebe. Joale u oa Hae.

³⁸⁸ O etsa lefats'e hona joalo, mohla A le hloekisang ka Mollo, “le ka moea o chesang.” Joale shebang. Mamelang! Na le itokisitse?

'Me JEHOVA o tla hlahisa holim'a bophara bohle ba thaba ea Sione, le holim'a phutheho tsa hae, leru la mosi nyene, le khanya ea malakabe . . . mollo bosiu: hobane ke sona serireletso se tla apesa khanya eohle.

³⁸⁹ [Moena Branham o bapisa letlapeng—Mong.] “Morena, ka tsatsi leo, hlorong ea eona, o tla hlahisa Lelakabe la Mollo ho bonesa mots'eare.” ‘Me le tsoelapele le re, “E tla ba serireletso, phomolo, sets'abelo.” Elang hloko, ho netefatsa polelo ea Bibe le hantle, ka ho hlaka. Marako a ne a tsepame a otlolohile holimo-le-tlase, le be le ka sitoa ho e bona. E ka khona e ts'ekalle. “Thabeng ea Ka eohle e halalelang. . . .” “O tla chabisa Leseli lena holim'a Thaba ena, 'me e tla ba serireletso.” Oh, re ee re bine thoko eo:

Oh, Motse o holim'a Thaba Sione,
 Leha ke le moeti, ke a o rata;
 Ka mengoaha e mengata eo,
 Mohla ke fihlang Motseng o holim'a Leralla.
 Le a bona?

³⁹⁰ Elang hloko, Thaba ea Sinai Molimo o kile oa theohela teng, mohla O buang le Iseraele Topallong ea Mollo. Oa theohela holim'a thaba, Thaba Sinai.

³⁹¹ Holim'a Thaba Phetholelo, mohla O buang, "Enoa ke Mora oa Ka ea ratoang; Mo utloeng," Oa na oa theoha ka Topallo ea Leseli le ka khanya e phatsimang, holim'a hloro ea thaba, ponts'eng ea Petrose, Jemese, le Johanne. 'Me, ka mono, A emetsoe le Moshe le Elia 'moho; ba fetoletsoeng, le bafu ba tsoitsoeng. Thoriso!

³⁹² Motse o Mocha le Lefats'e le Lecha; popo e ncha; Motse o holim'a Leralla, Terone e holim'a lona. [Moena Branham o taka lipapiso letlapeng, liratsoaneng tse 'maloa tse latelang—Mong.] Terone e holimo *mona*, qhoeng; 'me baahi, ba holimo-le-tlase hohle, holim'a Thaba ena.

³⁹³ 'Me lerako le o potileng, le e na le metheo e leshome le metso e 'meli. 'Me le leng le le leng le e na le lejoe la sehlako se sefubeng sa Aarone, le beng le bapisa meloko ea Iseraele e leshome le metso e 'meli.

³⁹⁴ 'Me, menyako, ba hloaile likhoro tse 'ne 'me tsona li hlomiloe se ka tsa tempele hantle lehoatateng, se ka tente e beng e le lehoatateng. Elang e 'ngoe le e 'ngoe hloko, e ne ena—ena le baapostola, ba bararo lephako ka leng, baapostola ba leshome le metso e 'meli. E mong le e mong... 'Me e le bophahamo ba likhubiti tse lekholo le mashome a mane a metso e mene. Likhubiti tse lekholo le nang le mashome a mane a metso e mene ke maoto a makholo a mabeli a nang le leshome le metso e ts'eletseng hantle, lejoehali ka leng le fafoha bophahamo ba maoto a ka bang mashome a mabeli, sehlako sa sefuba khorong eo, se bopang lerako leo le neng le likile Motse.

³⁹⁵ Joale 'ona, Motse, ha o a phomola holim'a lerako, hoba motse, oa limaele tse sekete le makholo a mahlano, o bo o ka sitoa ho etsa joalo. *Lena* ke lerako leo o kenang ka lona, joaleka likhoro tsa Jerusalema oa mehleng. U no u kena ka lerako, ka hare ka mono.

³⁹⁶ 'Me e 'ngoe le e 'ngoe ea tsona, e ne e na le metheo e leshome le metso e 'meli, 'me e 'ngoe le e 'ngoe e na le emerauda le majoe a fapaneng, a neng a bapisa meloko ea Iseraele e leshome le metso e 'meli.

³⁹⁷ Le baapostola, a le mong, holim'a nthohali eo, khoroe le 'ngoe e teiloeng ka perela e thata, ho ngoloe lebitso la

moapostola. 'Me ana Jesu ha a rialo, "Le tla lula holim'a literone tse leshome le metso e 'meli, le ahlole meloko ea Iserale e leshome le metso 'meli'"? Ke mang ea na lula khorong, ho ahlola, ha ba ne ba kena Motseng? Oh, banna! Ke moo. Marena a lefats'e a kenang Motseng, a ema ka pel'a moahloli oa moapostola, joaleka ka Jesu ha a ts'episitse. Oh, khili!

³⁹⁸ Holim'a Terone ena, hlorong ea eona, bophahamo ba limaele tse sekete le makholo a mahlano, lefats'e lohle le tla bona Leseli la lefats'e, Jesu, o lutes holim'a Terone e qhooeng ea lefats'e, qhooeng ea Kereke, holim'a Thaba Sione; o leng limaele tse sekete le makholo a mahlano, bohare ba Linaha tse Kopaneng, 'me o phahamela holimo hoo le ka 'Monang hohle lefats'eng, bophahamo ba limaele tse sekete le makholo a mahlano.

³⁹⁹ 'Me hohle holimo-le-tlase *mona*, ho tlale Balopolloa. Ho be le matlo a khauta e hloekileng. Ho be le liavenu, le lirapana, le lits'ingoana. 'Me Noka ea Bophelo e phalla joalo, e kopotsa e tsoa Teroneng, 'me e lelemela e ithatika likhohloaneng le, oh, holim'a lits'a. 'Me Sefate sa Bophelo se tla tlokoma jareteng e 'ngoe le e 'ngoe; 'me se bee litholoana tsa Sona, makhetlo a leshome le metso e 'meli ka selemo, tholoana e fapaneng kgoeli ka 'ngoe.

⁴⁰⁰ 'Me marena a lefats'e a tla kena ho 'ona a lebise tlotla ea 'ona. "Le mahlaku a etselitsoe ho phekola lichaba," mohla marena a phelang ka khotso ka ntle mono. Etlare ha ba e-tsoa, ba tla nka sefate, ba khole lehlaku *joalo*. Joaloka leeba ha le boile, le re khalefo ea Molimo e khotsofetse, 'me la khutlela arekeng ka lehlaku la mohloaare. Joale etlare ha morena a tsamaea, ho tsoa lebisatlotla ea hae phaposing ea Monyaluoa ka hara Motse mona, o tla tsokotsa lehlaku a le ise ho moahelane oa hae e leng morena e mong, 'me, "Re lutse khotsong ea kamehla." Amen! Pholiso ea lichaba! "Ho felile. Tsatsi le leng re kile ra loana re tsetsela mali a e mong, moena. 'Me ra na ra thabela, ra hlaba litlatse; ra thunya, ra chesa bana, ntho e 'ngoe le e 'ngoe. Empa joale ho ahile khotso, pholiso." Ha se pholiso ea maloetse; e se e phethiloe. Ke pholiso ea sechaba! Amen!

⁴⁰¹ Motse o Terone qhooeng. Ts'enolo 21:23, "'Me ha ba sa hloka leseli, hoba Konyana le Morena Molimo ke Leseli la 'ona.'" Le a bona? Morena Molimo ke Topallo eo ea Mollo e latetseng bana ba Iseraele hara lehoatata. 'Me O nyolohetse holim'a Terone, 'Musong o phethahetseng oo... mohla nako... "Muso oo Jesu a tla o tella Ntate, Molimo e tle e be tsohle, homme ho bohle." Jesu o lutse holim'a Terone ea Hae mona, joaleka Josefa oa rona. 'Me Morena ke Leseli leo le tla lula holim'a Thaba Sione, 'me Leseli le halalelang la Hae le tla khants'a Motse 'ohle. Allelua!

⁴⁰² Bophahamo ba limaele tse sekete le makholo a mahlano, le sekoere sa limaele tse sekete le makholo a mahlano, liparaleise tsa Molimo li hahilo e hohle hara Motse; literata, liavenu! Balang Ts'enolo 21 ea lona, le bone haese 'nete na. Le a bona, "Ha ba sa hloka leseli mono, hobane Konyana ke Leseli." 'Me holim'a Terone ho ka bonoa, e lutse, maele tse sekete le makholo a mahlano.

⁴⁰³ 'Me ha o nyolohe o tsepame *tjena*. O rapama, joaleka piramite. Haeba boholo ba 'ona bo lekana le bohare ba sebaka, joale o ne o tla matha o nyoloha *tjena*, le a bona, ho tloha motseng o mong ho ea ho o mong... joale haeba le ka ela hloko, ho tloha lephakong le leng la Motse ho ea lephakong le leng.

⁴⁰⁴ Nka rothetsa nthoana mona ha le mpatla joalo. Na le etse sehlotsoana se koano hloko? Se batla se akaretsa karolo eo, se bopa selikisi seo. Georgia, California, ho ea Saskatchewan; ho tloha Kansas, ho ea lebopong le mafika-fika la Maine; ke sona se khobokaneng. E batla e le sona se emetsoeng hantle mona, lisekoere tsa limaele tse ka etsang sekete le makholo a mahlano.

Oh, ba tsoa Bochabela le Bophirima,
Ba tsoa lefats'eng le hole-hole;
Ho keteka le Morena rona; ho ja... (Ho phela
ka'ng? "Motho a ke ke a phela ke bohobe
feela." Ka Bohobe, Lentsoe!)... ho ja e le
baeti ba Hae;
Baeti baa ha se le ho bokoa!

Lefats'eng, ke tlameha ho rialo, ha ke eso bone sechaba se kang bona.

Oh, ba bohile 'fahleho sa Hae se khethehileng
Se bents'oa ke Leseli le Mokgethoa;
Majalefa a leseho a mohau oa Hae,
Ba tla phatsima sa mahakoe moqhakeng oa
Hae.

Oh, Jesu o tla kapele,
Mathata a rona a tla khaotsa he.
Oh, hola Morena rona a ka tla nakong joale?

⁴⁰⁵ Ho se ho se hokae. Sohle se phethehile. Ho ea ka thutafats'e, Sodoma, baromuoa; ntho eohle e lutse ka nepahalo. Le a bona? Hoo ho bolela'ng? Nahanang feela, ho tla tabernakeleng e le 'ngoe e nyenyane ena, khutlonne ea limaele tse sekete le makholo a mahlano, ho tsoa tekanyong e lekanang.

⁴⁰⁶ Ebe hobaneng Molimo esale o hopotse hakaale 'me oa sireletsa sets'ana seo sa Palestina, le a bona, athe ke sets'ana

feela? Empa ka hare ka mono ke hona moo tempele e hlangoang teng. Jerusalema e Mocha o tla ropoha hona teng, hantle mono. “Mohloare, Thaba ea Mohloare e tla petsoha, karolo e ’ngoe ho le letona e ’ngoe ho le lets’ehali,” ehlile, mohla le runyang ho tsoa tlasa lefats’e. Che, ba re, le runya le arohana *tjena*. Le runyetsa holimo, “Mohla A hatang holim’a Thaba ka maoto a Hae a halalelang.” Elang hloko, holim’a Terone ea Hae, bophahamo ba limaele tse sekete le makholo a mahlano!

⁴⁰⁷ Hopolang, Satane o n’a leke ho Mo fetisa hlahlobong, khetlo le leng, holim’a thaba. Le a bona?

⁴⁰⁸ Motse o Mocha o na le metheo e leshome le metso e ’meli, kamoo re seng re fetile, bapatriareka ba leshome le metso e ’meli; likhubiti tse lekholo le mashome a mane a metso e mene; e leng sehlako sa sefuba sa Aarone; likhoro tse leshome le metso e ’meli tsa perela, mabitso a baapostola ba leshome le metso e ’meli.

⁴⁰⁹ Jesu o eme, e le Lejoesehlooho, holim’a Terone, mohla bahalaleli ba Hae ba seng ba Mo fapisitse moqhaka, “Morena oa marena, ’Musi oa babusi.” ’Me Ke Lejoesehlooho.

⁴¹⁰ Ha ke a ts’oara bukanapokotho ea ka. Empa ha le ka elelloa bukanapokotho ea lona, haeba le ts’oere pampiridolara e le ’ngoe, ba manehile tiiso ea Linaha tse Kopaneng; ntsu ka lephakong le leng, e fupere marumo, seqhanyane sa lihloho, ka moo ho etsahetseng; ’me ntlheng e ’ngoe, e manehiloa piramite, leihlo le bonang-hohle le holim’a eona. Le a bona, ba ne ba sa tsebe seo ba se etsang. ’Me mono ho ngotsoe ka Selatini, ’me le tla e fumana e bua, ena ke “tiiso e kholo.” Ha ba tseba ba ne ba etsang. Le Kaiafa ha a tseba a ne a porofeta.

⁴¹¹ [Moena Branham o bapisa letlapeng—Mong.] Ke eo Tiiso e Kholo. Ke ’ona moo o leng teng, le a bona, Motse. Ha se khutlonnetsepa e bataletseng *tjena* feela, le a bona, empa o rapama hoo o ka bonoang. ’Me holim’a Thaba e halalelang ena ea Morena, Morena o tla theohela qhoeng ea Thaba ea Hae; ke *enoa* moo A leng teng. Ke lona lebaka Henoke a sa kang a rulela lejoesekoahelo leo. Le a bona? Ke lona lebaka leo Lejoesekoahelo le tlamehang ho fihla joale. ’Me Thaba e tla runyetsa holimo, ’me e tla ba Thaba ea Morena.

⁴¹² ’Me Balapolloa tla aha ka *mona*. *Tsena*, liavenu le mebilakholo, kamoo e etsahetseng, lipaka, ’me Noka ea Bophelo e tla haola, e phalla hantle hara ’ona. ’Me ntlo ka ’ngoe e tla etsoa khauta e bonaletsang. Le literata li tla etsoa khauta. ’Me le lifate tsa Bophelo li tla ba teng mono, ’me li tla bea mefuta e leshome le metso e ’meli ea tholoana. ’Me marena le banna ba hlompheoang ba lefats’e ba tla tlisa tlotla ea bona le khanya ka hara likhoro. ’Me likhoro ha li na ho koaloa bosiu, hoba mono bosiu ha bo eo.

Motseng oo Konyana e leng Leseli,
 Motseng oo shoalane e sa ts'oareng;
 Ke beetsoe moaho, o sa khathaleng o sa
 imeloeng,
 Oh, ke ea moo Konyana e leng Leseli.

413 Na ha le bone hore litoropo, metse, matlo, meaho, li—li
 bua ka hona hoo hona joale? Lintho tsena tsohle tsa hlaho
 ke seriti.

414 Nkang seriti, hojana koana, joaleka letsoho la ka. Pele
 ho hlaha e—e posetifi...kapa neketifi, posetifi e tlameha ho
 ba teng. 'Me, u a bona, ho seriti seo, eka menoana ea ka e
 leshome le metso e 'meli, empa ha u li atametsana, e—e li
 momana nthong e le 'ngoe, ebe seriti se nyamella ka hara
 letsoho.

415 'Me mono, hangata, batho ba hopola Medimo e le meraro
 kapa e le mene. U ntse u hetlile morao koana bahlabolling ba
 ho qala. U a bona? Tloo u theohe joale 'me, ke moo u fumanang,
 sotha hofihlela u fumane a le Mong feela. Ke hantle haholo.

416 Monyaluoa o mong to; ha se tosene, likereke tsa malumeli.
 Empa Monyaluoa o mong, ke 'ena ea Khethiloeng, a tsoa ho
 o mong le o mong...ho tsoa—ho tsoa lefats'eng e leng ba
 reretsoeng hona, bona ba khonang ho lemoha malulo a bona
 'Musong.

417 Holim'a Terone ena, bonang, e phahame hakakang! Motse
 o Mocha; ka metheo; likhoro tse leshome le metso e 'meli; Jesu,
 Lejoesehlooho; baapostola, ba ahlola; meloko e leshome le
 metso e 'meli.

418 Piramite ea Henoke ha e akhele seriti leha ekaba nako efe
 ea letsatsi. Nkile ka etela Egepeta, lipiramiteng. Li tsepame
 hakana ho latela thutafats'e, mme litekanyo tsa seemahale se
 seholo sena sa thutafats'e; hoo, ho sa tsotelehe moo letsatsi le
 emeng teng, seriti ha se thee mathoko a piramite. Ana le bona
 kamoo e emeng kateng?

419 'Me mono bosiu ha bo sa tla ba teng. 'Ena ea lutseng
 qhoeng ea Thaba, o e khants'a ka khanya ea Hae. Khanya ea
 Leseli la Hae e tla chaba kamehla. Mono bosiu ha bo sa tla ba
 teng. Jesu, Lejoesehlooho!

420 Joale elang hloko. Ka baka leo, Balopolloa ba tla tsamaea
 Leseling. Re ee re bine joale, "Re tla tsamaea Leseling,
 Leseli le letle leo." Ntho e teng ka ho rona e tsetselang. "Ho
 falletsoe lefung ho kena Bophelong." Ke ka hoba ntho eo e
 lebeletse. Le a bona? Ke seo tholoana eo e leng sona, seo re
 se utloang.

421 Ruri, 'ona ke...Na le itokisitse? Ke Motse oo Abrahama a
 na o batla. Le a bona? Ka hoba e ne e le moporofeta, o tsebile

Motse oo o le teng kae-kae. Bible e itsalo. 'Me o bile a tela motse oa habo, 'me a ts'ela; shebang moo a kileng a ea teng, hantle moo o tla theoa teng. Le a bona? "O ne a batla Motse oo mohahi le mothei Oa 'ona e neng e le Molimo," le a bona, ka hobane e ne e le moporofeta.

⁴²² Jesu o il'o lokisa, ka matsoho a Khethehileng, Motse o Khethehileng; Ralipolane ea Khethehileng, molemong oa batho ba rekiloeng ka Khalalelo, molemong oa batho ba reriloeng esale pele. O il'o lokisa.

⁴²³ Abrahama o na a batlana le 'ona. "Mme a ipaka e le moeti le mofeti, hoba a na batlana le Motse oo mahahi le mothei Oa 'ona e neng e le Molimo." Moporofeta eo, o tsebile o no o le teng kae-kae! Johanne o bone o theoha, empa Abrahama o hopotse o no o loketse ho ba lefats'eng hantle lekhateng leo. Hobaneng? O na a kopane le Melkisedeke, Morena oa 'ona, 'me o bile a Mo abela karolo ea leshome. "Ea na se na ntate, kapa a se na 'me. A se na qaleho ea bophelo kapa ea se nang pheletso ea bophelo." Abrahama o kopane le 'Ena, 'me ba jella selallo hantle nqalong eo Motse o tla hahuoa teng, Thaba e halalelang ea Morena, moo Balopolloa ba tla phela teng. Oho, banna!

⁴²⁴ Feel a nako eo ha e a ema. Che, re nakong; re tla kena Bosafeleng ka mora nakoana.

⁴²⁵ Oho, Thaba e halalelang! Ho tla ba le literata tsa khauta e bonaletsang, liavenu; le matlo, le lirapana. Ha u batla ho bala sena, Ts'enolo 21:18. Sefate sa Bophelo se tla ba teng; ka mefuta e leshome le metso e 'meli ea tholoana tse fapaneng, e le 'ngoe ka khoeli, li mela ho sona. Batho ba jang litholona tsena, ba tla fetola lijo tsa bona, khoeli ka 'ngoe.

⁴²⁶ 'Me li—li tsoa ho... li etselitsoe bahloli feela. Na le tseba seo? Ha li a etsetsoa phutheho ea malumeli.

U re, "Na u tiile, Moena Branham?"

⁴²⁷ A re phetleng ho Ts'enolo 2, motsotso feela, 'me re e fumane. Lits'enolo 2:7. A re fumaneng joale na ke 'Nete e tiileng kapa che. Lits'enolo 2:7 e baleha tjena.

Le ea nang le tsebe, a utloe seo Moea . . .

⁴²⁸ Joale, hopolang, joale ha A bue le Bajuda. Ena ke Kereke, Molichaba.

Ea nang le tsebe, a utloe seo Moea o se bolelang ho likereke; Ea hlolang, ke mo fe ho ja sefate sa ho phela, se ka har'a paradeise ea Molimo.

⁴²⁹ "Bahloli feela, ba hlolang sebata, ba hlolang lets'oao la sona," boo ke Bokatolike, Boprotestanta, tsamaiso ea malumeli,

“ba hlolang sebata, lets’oao la sona, palo ea lebitso la sona.”
 “O tla ba le tokelo Sefateng sa Bophelo, ho kena likhorong moo ho seng letho le ka kenang ho silafatsa.” Le a bona? E nahaneng. Joale, motsotso feela joale, re sa tsoela pejana. Sefate sa Bophelo se tla beeloa bahloli feela.

⁴³⁰ Mahlaku a boloketsoe pholiso ea lichaba. Ke ho re, marena a phelang ka mono, ha a tlisa hlompheo ea ’ona, ha a tlisa hlompheo ea ’ona ’me a e bea pel’a Terone ea Molimo. Joalo feela ka bokantle, ba leshome... meloko e leshome le motso o mong e neng e tlisa, o mong le o mong, karolo ea leshome ho Levi, le a bona. Etlare ha ba tlisa hlompheo ea bona ka har’a... ho tsoa lefats’eng le bokoang, ka mono, ba tla nanabela Sefate sa Bophelo, ba khole lehlaku la mohloare... kapa lehlaku la Sefate sa Bophelo, ’me ba tla tsoa ba tsamaea ’moho. Ntoa ha e sa le eo. Ntho e ’ngoe le e ’ngoe e lutse khotsong. Mahlaku a beetsoe sehopotso, sa lipholiso tsa sechaba.

⁴³¹ Sona Sefate seo, e seng joalo ka Adama, ’ena... Sefate sa Bophelo se ne se le ts’imong ea Edene, a ka beng a se jele holane a sa tlola. Sefate seo sa Bophelo se ne se mo hopotsa, ka linako tsohle, hore ntho ea hae e ncha... bocha ba hae bo ntse bo tsoelapele bo sa khaotse. Le a bona?

⁴³² Le ka lichaba ho tla ba joalo. Mahlaku a tla beeloa pholiso ea lichaba; elang hloko, ao ha se maloetse joale. Le tla fuoa litokelo tse ts’oanang le tsa Adama, joale ka le... leeba le ts’oereng lehlaku la mohloare, ke ntho eohle... morena e mong le o nka lehlaku.

⁴³³ Elang hloko, Noka ea Bophelo, ha re re e boptjoa ke melapo e mengata. Joale, lefats’eng lena...

⁴³⁴ Ke tllilo koala metsotsong e ’maloa feela. Lefats’eng lena... Kapa, ke tla emisa feela. Ho setse lintlha tse *kaalo*, joale maqephe a ka bang mashome a mararo. E-ea. Shebang.

⁴³⁵ Mona ho—mona bophelong bona, ha ke eso bone ntho e timolang lenyora joale ka ho lula lithabeng le ho fumana, mokana ke ririle bosiung bo bong, molapo oo o ntso o ts’ikhutsa, mohloli oa ’ona o fanang ka bophelo. Ha u khathetse u bile u nyoriloe, itihele pel’a molapo o motle; tlase moo likokoana-hloko li sa tlo fihla, tlase koana makholo a maoto lefats’eng, o ts’ikhutsa o le makhethe, e le oa sebele, metsi a fanang ka bophelo. Re ananela seo. Ke ntho e nyenyane. Joale, melapo ea lefats’e ea metsi a hlasimollang e mengata. Ha u nyoriloe ’me u shoa, noa metsi a monate, a batang a tsoa teng, a tla—a tla u thusa u phele.

⁴³⁶ Empa shebang moo ’Ona o tsoang teng. O tsoa Teroneng, ke hona moo o khang mehloli ea ’ona e fanang ka Bophelo. E tsoa tlasa Terone ea Molimo, moo Molimo a lutseng teng.

437 Ntho eohle, lefats'e lena lohle, lefats'e lena leo re phelang ho lona mona joale; ntho e 'ngoe le e 'ngoe, e ka bang Bokreste kapa bohetene, li na le litempele. Na le kile la e nahana? Likereke, ntho tseo tsohle.

438 Empa 'Ona ha o na eona. Bible e boletse, "Mme tempele e ne e le sieo mono. Empa Morena Molimo le Konyana ke Tempele ea 'ona." Konyana ke Leseli. Konyana ke Terone. Konyana ke Bophelo. Ke 'Ena Tempele eo. Le a bona, litempele tsena tsohle li na le tlotla eo li e rapelang; empa, ka hara Motse 'ona, tlotla eo ke 'Ena. O hara batho ba Hae. Leseli la Moea oa Hae le khurumetsa Motse o nkileng sebopelo sa piramite.

439 Joaleka Petrose le Johanne, holimo hlorong ea thaba. Leseli le kile la khurumetsa hloro ea thaba, le Puo e buang, e re, "Enoa ke Mora oa Ka ea ratoang."

440 Ho Ts'enolo 21:3 le 4, "Tabernakele ea Molimo e hahile le motho." Molimo o hahile ka har'a motho, ka ho mo lopolla, ka mesebetsi e meraro ena e tsoellang. Joale Molimo o tlil'o lopolla lefats'e le tabernakele lefats'eng, le sechaba sa 'Ona sa lefats'e, seo A se nts'itseng mobung oa lefats'e. 'Me se kile sa tlola ka baka la sebe, empa eona... O na a tlamehe ho le tlohella le tsoelepele. Empa joale O rometse Jesu ho lopolla lefats'e le oeleng leo, leo re leng karolo ea lona. "Ha ho le qola ea moriri oa lona e tla timela." Jesu o itsalo. O itse, "Ke tla e tsosa hape tsatsing la qetelo." Le a bona? Hobane'ng? U karolo ea lefats'e.

441 Elang hloko, ke ne ke soasoa le mohatsa ka a tsoa re moriri oa ka o phumuhile. Ka re ha ke a lahlehelo a ke letho la 'ona.

A re, "O ile kae?"

442 Ka re, "Moo e ne e le teng pele ke e fumana." E leng ho-re e ne e le hokae, kholiso; moo e leng teng, e nkemetse. Le a bona? Ke hantle. Ke tla ea ho eona, ka tsatsi le leng.

443 'Mele 'ona oa khale, o sosobaneng o putlamang, le o nyebellang mahetla, le o opang mangole, le-le 'metso o shaqang. Ho itoketse. Leha u ka u epela leatlang, empa Terompeta e tla ntsosa!...?...E, monghali. Re tla fetoha, ka le leng la matsatsi ana. Ke karolo ea lefats'e lena le lopolotsoeng. Uena leha u sa le lefats'eng, empa ha u karolo ea *kosmos*. U mofuta o fapaneng, mofuta o lopolotsoeng.

444 Elang hloko, "Tabernakele ea Molimo e tla lula le motho." Elang hloko, "Lintho tsa pele li fetile." Ntho, ntho ena, e fetile. Mona ke hore Leholimo le theohile ho lula le motho. Le a bona? Leholimo le lefats'e li kopelane ka lerato.

445 Ho joalo le mohla Leebe le neng le lula holim'a karolo ea lefats'e, eo e neng e le Jesu; E ne e le lerole la lefats'e, motho. Molimo, oa hlaha o tsoa ho lefi-Bophelo bo le bong boo bo bonyenyane, ka matla a bopang. 'Me Mali ao a na le ka mono... Bophelo bo nong ahile Maling ao bo ile ba nyoloha ba khutlela ho Molimo, haele Mali 'ona a rothela holim'a lefats'e, ho le tseka. [Moena Branham o kokota sefala ha 'maloa—Mong.]

446 Ka baka la mali a jeroeng a phunyeletsa, ho tsoa seleng ea lefi la Kaine, le a bona; joale O boela a khutla ka matla a bopang joaleka ha A sebelitse Adama, ho bopa Adama, Adama oa Bobeli ke enoa. 'Me ka ho pshatleha ha sele eo mono, moo (sebe) Kaine a pshatlileng sele eo ea mali holim'a ea lokileng, le a bona, joale Sele ena ea Mali... Hobane, o ile a bolaea Abele, empa Abele o tsoetsoe ka kopano ea bong.

447 Empa Enoa ha a tsoaloa ka kopano ea bong. "E ne e le popo ea Molimo, qaleho ea 'ona," 'me e ile Ea lopolla lefats'e. 'Me khalsiamo eohle, potashe, petroleamo, maseli a khosmiki, ao u entsoeng ka 'ona, a lopolotsoe. "Ha ho moriri le o mong o tla tsoa timela. 'Me 'Na ke tla o tsosa tsatsing la bofelo."

448 Joale ke'ng le hona? Molimo o theohela ho aha holim'a lefats'e. Etsoe, 'Ena e le karolo ea lona, 'Mele oa Hae ka sebele. O ile a o tsoetsa tokafatso ea rona, 'me rona re lokafatsoa ka ho lumela hono le ka ho amohela hono. Elang lipapiso hloko, Jesu o fetoha... Papisong, Jesu o fetoha motho; Molimo... kapa o rereloa ho nka sebaka sa hae, ho re lopolla, lintho tsohle li tle li khonahale.

Elang hloko, ka ntle ho marako a 'ona a matle, a Motse ona.

449 Joale na le utloisisitse "Motse ona"? Le a bona, ke Thaba e halalelang. [Moena Branham o bapisa letlapeng—Mong.] "Ha ho letho le tla silafatsa kapa le tla senya Thabeng ea Ka eohle e halalelang, ho bolela Morena." Motse ha se khubite e khutlonne. Ke Thaba. 'Me e—e bophara atisa ka boahlamo atisa ka bophahamo, li a lekana, le a bona; limaele tse sekete le makholo a mahlano ka *mona*, limaele tse sekete le makholo a mahlano ka *mane*, limaele tse sekete le makholo a mahlano ho potoloha; le bophahamo ba limaele tse sekete le makholo a mahlano. Ka hona ke Thaba ea tonana feela, e kang piramite, 'me Motse o holim'a Thaba. Glory!

450 Ke moo he, liparadeise tsa Molimo ke tseo, Leseli la lefats'e, 'Muso o phethehileng oo. Ha se letsatsi la bosupa; ke Bosafeleng! Le a bona? Ha se Mileniamo; ke Lefats'e le Lecha! Le a bona?

451 Ere le sa feta Mileniamong, le fetisoa morerong oa hlatsuo ea lona, empa le sa ntse le ts'oanetse ho chesoa. Le a bona?

Etsoe, Mali a lopolotse batho, ho paka sehopotso sena se... theko e lefiloe, lilemo tseo tse sekete. Empa le tlameha ho hloekisoa ka Mollo; kamoo le uena u sebelitsoeng kateng, bonkhetheng ba Hae ba Motse ona, nkheteng.

⁴⁵² Ka hona ha u eshoa kapa u phela, phapang efe? Ha A ka tla kajeno, kapa A ka tla lilemong tse lekholo, kapa lilemong tse sekete, ke tla iphomolela feela ho be ho fihle phethoho ea ka.

⁴⁵³ Ka baka leo, monnamoholo le mosalimoholo, le se ke la tepella. [Moena Branham o bapisa letlapeng—Mong.] Ha u ena le moemeli holimo *mona*, ka hara tholoana ena ea Molimo; *enoa*, Molimo; ha o ena le 'ena, ha u fela u ena le moemeli *mona*, u ke ke... U ka hara Bosafeleng. 'Me haeba u tlohile letsatsing leo la bosupa, ho kena ho la borobeli, u kene Bosafeleng ka kolobetso ea Moea o Halalelang, u kenyelelitsoe nthong *Ena*. Joale, ha u its'episitse ts'isimoho feela, kapa ho qhomela holimo-le-tlase, kapa, "Ke etsa *sena*. Ke boloka letsatsi la ka la bosupa. Ha ke je nama," le lintho tse kang tseo, tseo li tla timela, le hona. Le a bona? Empa *Hona* ke Bosafeleng. Le a bona? Hona ke Bosafeleng, Mokete o hlahlamang mokete oa metlotloane. Le a bona?

⁴⁵⁴ Mokete oa metlotloane e ne e le mokete oa ho qetela, mokete oa bosupa. Hona joale re ntse re rapela tlasa mokete oa metlotloane, mongoaha oa kereke ea bosupa.

⁴⁵⁵ Mileniamong, re tla be re kene tlasa mokete oa metlotloane, hape, letsatsing la bosupa.

⁴⁵⁶ Empa, joale, ka mora letsatsi la bosupa, re ts'oara Phutheho e Halalelang, ho kena hape Bosafeleng. Joang? Ka Eo ea tllileng e le oa Bosafeleng le ea re lopoletseng ho re khutlisetsa teng, ho re elellisoa re ne re le karolo ea *Sena*.

⁴⁵⁷ Joale u tseba joang ha u le karolo? Ka baka leo, hono, Lentsoe la hora, ts'episo ea letsatsi. Ke eng? Khutlisetso morao tsatsing la pele, la ho qala. "Mme o tla khutlisetsa lipelo tsa bana ho bontate," ho khutlisetsa pentekosta ea makhonthe, e seng lits'isimoho; 'me e tla bonahatsa Leseli la mantsiboea, 'ena Mora ea chabileng ka Leseli la hoseng, joaloka ha ho ts'episitsoe tsatsi lena. Amen hape le amen!

⁴⁵⁸ Re hokae, metsoalle, re hokae? Re emetse feela ho tlosoa tseleng, Lits'enolo 11 a tle a etsoe... a tla a tsebisoe Bajuda; ke hantle, Hloibilo e a tla.

⁴⁵⁹ Shebang, ka ntle ho menyako ea marako, a nammeng bophareng ba Lefats'e le Lecha, lichaba li tla lula khotsong ea Bosafeleng. Joale ke eng? Marena a hlompheoang a tla isa tlotla ea 'ona ka hara 'ona. Sebe se ke ke sa fihla mono. Basali ba pommeng moriri ba ke ke ba kena Motseng oo. Mono nka o

tiisetsa. Le ba tenang lishoto ha bas a tla ba teng, ba hopang sakreste. Ba sebelisanang le liotsoa, liotsoa, kapa ba buang leshano, ba rapelang liseto, sohle seo ba kileng ba eba sona, ba ke ke ba kena Motseng oo. Che, tsohle li tla be li fetile. Sebe se tla be se tlositsoe. "Ha ho letho le ka silafatsang khalalelo ea 'ona le tla kena mono." Ke seo A se boletseng. "Tsohle li fetile, ka mehla le mehla."

460 Talimang masimo a 'ona le mathokong a menyako ea 'ona:

Bere e tla ba mosa, phiri e tla thapa;
Le tau e tla botha le konyana;
Sebata se hlaha, se alosoe ke ngoana;
'Na ke fetoloe sebopuo a seo ke leng sona.

461 Lefu lena le sebetsang 'meleng oa ka o shoang, botsofali bo a kena, ke tla fetoloe.

462 Le utloile sefela seo? "Bere e tla ba mosa. Phiri e tla thapa." E ke ke ea lakoma, e u tsometsa e leka ho u bolaea. E tla itsamaela le uena litselaneng.

Ke mang ea tla le rua? Balopolloa. E tla ba mang?

Elang hloko, nka ruta lipapiso tsa ka feela joale. Elang hloko, Moena Lee.

463 Ke bomang ba tsoileng le moporofeta Nooe ba kena lefats'eng le lecha? Bao ba keneng le 'ena arekeng. Ho joalo na? Ke bona ba tsoang ho eona ba theohang ba aha holim'a lona. Le a bona? Bao ba keneng le Nooe, ka molaetsa oa hae, ebile bona ba tsoang ba tsamaea holim'a lefats'e le lecha ka mora kolobetso ea lona ka metsi.

464 Ea kenang le Jesu joale. U kena joang ka ho 'Ena? Ka Moea o le mong; 'me Ke Lentsoe. U fetoha karolo ea Hae. U karolo efe ea Hae? Lentsoe le phelang la hora ena, ho elelloa. U tla itsoela u tsamaee le 'Ena Mileniamong. Ke mohla u tla tsoa u tsamaea. Ela hloko, ha se moloko o mocha. Ke ho lengoa tulong e 'ngoe!

U re, "Oh, Moena Branham!" Oh!

465 Elang hloko, efela Molimo ha o khonne ho tsosa Elia oa mo nyolla, lilemo likete tse peli le makholo a mahlano tse fetileng, ho boela a mo lema lefats'eng hape, ho fetoha moporofeta ho Bajuda, hakakang A ka etsa Monyaluoa joalo!

466 Hoba Nooe a tsoe arekeng, elang ho thuoeng ho Nooe hoba a phonyohe moroallong, joaloka ho etsahetse ka Adama pele ho moo. Hoba a tsoe, a hate holim'a lefats'e le lecha; ho itsoe, "Ngatafala o tlale lefats'e," ka mora moroallo. Elang hloko, "ho bea haholo, ho tlala lefats'e," joaloka Adama qalong.

Joale mona le ka bona hantle. Joale mamelang ka hlokomelo.

467 Adama o ne a tla “ngatafala a tlale lefats’e.” Ho joalo na? Nooe o ne a loketse joalo, ka mora le lecha, (lefats’e le ile la timetsoa), o ne a loketse ho “ngatafala a tlale lefats’e.” Le a e ts’oara? Joale na ha le bone seo “peo” ea noha e leng sona? Ho ileng ha tlatsa lefats’e ke eng? Le a e ts’oara? Ho lokile. Le bona kamoo Satane a fihlileng ho Eva joale. Ke ka baka leo lefu le busitseng lefats’eng ho tloha mohlang oo. ’Me maholimo, lefats’e, phoofolo, sebaka se holimo, se rohakiloe sohle ke Molimo ka baka la hono. Ke thohako eo, hoba Satane a fihlile pele mona.

468 Jesu o tlile ho le lopolla ho le busetsa ho Ntate. Ho ka etsa sena, O kile a fetoha karolo ea lona; kamoo ke sa tsoa feta teng. ’Me ho tsoa leroleng lona leo (karolo eo Jesu a neng a le eona, ka Boena) le lopolloang, ka ’Ena ho lopolloa mehopolo eohle ea Molimo ’moho le lefats’e.

469 E ne e le Lentsoe le builoeng. Rona ba lopolotsoeng re karolo ea Hae. Joale he, ha u ka elloa feela! U a bona?

470 Bafarisi ba ipoletse e ne e le bona. Empa, le shebe papiso ea ka ea pele, e mpa e le bona ka hlalefo feela. Ba sitiloe ho bona Lentsoe ha Le bonahatsoa hantle ka pel’a bona. Ba itse, “Motho enoa ke moea o mobe.”

471 Joale, kajeno, re bitsoa baporofeta ba bohata. Re reiloe ntho ka ’ngoe e lits’ila e ka bitsoang, ke batho ba tletseng borapeli, le a bona, ke banna ba baholo le ke banna ba nang le litalenta. Le a bona, ba mpa feela ba sa utloisise. Le a bona?

472 Kolobetso ea lona ea metsi e ne e sa lekana ho le hloekisa; le ea bona ha e a lekana. Khalaletso, ea Mali, e ile ea le khutlisa, ea le tseka. Empa kolobetso ea Mollo e le hloekisitse; joaleka ha e etselitse Monyaluoa oa Hae. Joaleka tokafatso, khalaletso, kolobetso ea Moea o Halalelang.

473 Ha ho ts’episo e reng ho tla hlhisoa moloko o mocha, kamoo ke seng ke boletse, empa O ts’episitse ho lopolla o oeleng. Bao ba neng ba—ba reriloe pele, ba le rua joaleka ha A ts’episitse. ’Me ’Ena ke Molimo o sa fetoheng; re tseba hono.

474 Hopolang, Molimo o kile oa nka Elia, ka mora tlhoibilo, oa mo fetola, a boela a mo hloma hara batho, ho nka malulo e le moporofeta hara batho ba ha’bo; O tla etsa hoo hanghang. ’Me o ’mabaletse, a phela, lilemo tsena tse likete tse peli le makholo a mahlano. Eka khona a hlahe hape.

475 Le boele le ele hloko, O tsositse Moshe bafung. Lebitla la hae le kae? O teng ea ka le fumanang? Balang Buka ea Juda.

Le a bona? Satane... Arekangeloi e tsekisana le arekangeloi, Satane, ha thoe, a ho ke ho... "Morena a o khaleme," ho tsekoa setopo sa Moshe. 'Me mona Petrose, Jemese le Johanne keha ba eme mono ba mo shebile, Thabeng ea Phetholelo, hantle mono lefats'eng leo Thaba eo ho luloang ho eona e tla runya teng. Le a bona?

'Me O tlile ka morero ho le lopolla.

476 Le a bona, Kereke e hloibitsoeng e le eo mohlantsoe, e bapisitsoe; ba robetseng e le bao, ba bapisitsoe. Tulong efe? [Moena Branham o bapisa letlapeng, lirapeng tse 'maloa tse latelang—Mong.] Ka hara Motse; holimo hlorong ea thaba. Le a bona?

477 Keha ho eme Petrose, Jemese, le Johanne, ba shebile; ba bararo, bopaki. Keha ho eme Elia, Moshe, le Jesu; e le paki ea Leholimo. Le a bona?

478 'Me mono keha ho eme Moshe, ba shoeleng, ba tsositsoeng. Elia e ne e le eo, tlhoibilo, a ntse a phela. 'Me bobeli bo bapisitsoe holim'a thaba e halalelang ena.

479 'Me, Jesu, ke Molopolli. Mohla Molimo, ka holim'a Hae tjena, a Mo khurumetsang, ho thoe, "Enoa ke Mora oa Ka ea ratoang."

480 Hopolang, Jesu o buile, mohlomong letsatsi pele ho moo, O n'a boletse, "Ka 'nete Ke re ho lona, ho na le ba emeng mona joale, ba sa tlo bona lefu, pele ba bona 'Muso oa Molimo o tiisoa ka matla."

481 E ne e le eng? Bafu ba tsositsoeng le bahalaleli ba hloibitsoeng, 'moho, ba nkuoa hammoho ho kopana le 'Ena sebakeng. Molimo o Mo khurumelitse, 'me Jesu o eme mono seriting sena, ha thoe, "Enoa ke Mora oa Ka ea ratoang, eo Ke khahlisoang ke ho lula ho 'Ena," tsamaiso ea 'Muso o Mocha. Oho, moena, khaitseli!

482 Lefu ha le u fetole. Lefu le mpa le fetola madulo a hao. U a bona?

483 Hopolang, Samuele, hoba a shoe a se a epetsoe lilemo tse peli, o ne a ituletse Paradeiseng. 'Me senohe sa Enedore sa mo nyolla, 'me eaba Saule o a mo tseba; le sona sa khona, hape, 'me a itihela fats'e ka sefahleho sa hae. A sa ka a fetoha, le ha nyenyane. E sa le 'ena Samuele eo, hoba a shoe lilemo tse peli, 'me e ntse e le moporofeta. O itse, "U tla lihuoa hosane ntoeng, uena le mora oa hao, 'me ka nako eona ena hosane bosiu u tla ba le 'na." 'Me ke sona hantle ntho se etsahetseng.

484 Le a bona? 'Me mohla Moshe a khutlang, le Elia, bakeng sa Lits'enolo 11, e tla be e ntse e le baporofeta. Allelua!

⁴⁸⁵ 'Me holimo koana, Lefats'eng, Motseng oo Konyana e leng Leseli, ke tla u tseba, Moena McKinney. Ke tla le tseba, sechaba sa heso, mahakoe a moqhaka oa ka. Mohla ba tsoang Bochabela le Bophirima, ho ea Motseng; mohla lisekoere maele tse sekete le makholo a mahlano, o tla be o lutse mono, 'me Motse oo o hahilo e khutlonne. Mohla le se le lutes mono Thabeng e halalelang, moo Molimo a lutseng holim'a Thaba, le Jesu holim'a Terone. 'Me terompeta ea khauta e letsoa mohla Josefa a tlohang, ho itsamaela hara Paradeise, 'me bana ba Molimo ba tla oa ka mangole a bona 'me ba Mo khumamele, ho tseba hoba ba kile ba lopolloa. Le a bona? Amen! Allelua!

Ke ee ke hloleheloe Leholimo,
'Me Teng ke tla boha botle;
Thabo ea mohla ke bonang Moloki oa ka,
Motseng o motle oo oa gauta!

Ke habile Motse o motle oo
Morena a o lokiselitseng. . .
[Sekheo lebanteng—Mong.]

⁴⁸⁶ Esaia o boletse, ho Esaia 9:6, "Khotso ea Hae le kholiso ea Hae li ke ke tsa eba le bofelo. Borena bo tla beoa mahetleng a Hae; O tla Bitsoa Moeletsi, Morena oa Khotso, Molimo o Matla, Ra-Bosafeleng. 'Me borena bo tla beoa mahetleng a Hae; 'me kholiso ea Hae le khotso ea Hae li ke ke tsa eba le bofelo." Esita le liphoofolo li teng mono. Oho, banna!

Bere e be mosa, phiri e tla thapa;
Le tau e tla botha pel'a konyana;
Le sebata se hlaha, se alosoe ke ngoana;
Empa 'na ke tla fetoloa.

⁴⁸⁷ Ke tla fetoloa sebopuoeng sena seo ke leng sona, mohla Tsatsi leo le fihlang, hoba ke ea Motseng oo. Ke habile Motse o motle oo! Ke utloa Matla a lopollang hona joale pelong ea ka eohle.

⁴⁸⁸ Ha ho se joalo, ke lahlile bophelo ba ka bohle lefeela; ke ratile ba bang lintho tsa bohata. Empa ha ke sheba tlase ke bona ts'episo A e entseng ea tsatsi lena, 'me ke E bona e netefatsoa; 'me ke sheba phutheho ena e lutseng mona ea lisekoere tsa limaele tse sekete le makholo a mahlano, Mokhetoha ea bitsitsoeng malumeling le merabeng le litumeloaneng le linthong, e kopane 'moho; ere ke sa bona bona Lentsoe le Inetefatsa, ke tseba, lethebana la pelaelo le le sieo, mahakoe a moqhakeng oa ka a tla phatsima a rothofatse ntho efe lefats'eng, Tsatsing leo.

⁴⁸⁹ Nako e a tla! Lona batho, mona ha rea phutheha lefeela. Re mpa re emetse nako eo feela. Nako, nako e palamane haholo,

empa Jesu o atametse haholo, holo. 'Me, Khanya ea Hae, ho a babatseha. "O tla Bitsoa Moeletsi." Motse oo, ana le khona ho o bona? Monyaluoa le Monyali ba tla lula hona teng, 'me ho se hlole ho...

⁴⁹⁰ Joale, le re ho monate ha re khanna makholo a limaele ho tla lula mona ho keteka Lentsoeng la Hae, athe hona e mpa e le seriti, ho tla ba joang mohla re lulang 'Ena Motseng oo! Mohla ke leng moahelani oa hao, le mohla re jang tse beoang ke lifate tseo, 'me re tla tsamaea literateng tseo, mohla re nyolohang literata tseo tsa gauta re ea selibeng, ho noa selibeng, ho kena liparadeiseng tsa Molimo, Mangeloi a okaokela lefats'e, a bina lithoko, oho, e tla ba Tsatsi le le kakang! Le lokeloa ke tsohle. Leha tsela e bonahala e le khopo, ka nako tse ling ho a nyolosetsa, empa, oho, e tla ba nthoana e sa tsebisahaleng mohla ke 'Monang, nthoana feela. Mabitso a mabe le lintho tseo ba li buileng e tla ba eng, ho tla ba joang mohla ke bonang Eo Motseng o motle, motle oo oa Molimo?

⁴⁹¹ A re inamiseng lihlooho tsa rona.

Ke habile Motse o motle oo
Morena a o lokiselitseng Ba Hae;
Teng Balopolloa ba mengoaha eohle
Ba bina "Thoriso!" ba potile Terone e Ts'oeu.
Ke ee ke hloloheloe Leholimo,
Teng ke tla boha botle ba Lona;
Thabo ea mohla ke bonang Moloki oa ka,
Motseng o motle oo oa gauta!

⁴⁹² Sehlekehlekeng sa Patmose, Johanne o o bone! [Moena Branham o llisoa ke thabo—Mong.]

⁴⁹³ Jesu ea ratehang, ts'epo ena, ts'epo ea ka ha ea hahuoa holim'a letho, Morena. Eo ke 'ena 'me oa pelo ea ka; Motse oo, Morena e moholo. Molimo, u se lumelle motho mona ho timela, hle. Re ke re hlahlobe maphelo a rona hape, kajeno, Morena, re emetse ho Tla ha Morena. Moo, Balopolloa bao bohle, koana kholosiamong e kholo Roma, moo Bakreste bao ba jeloeng ke litau, lerole le tla ngamoha tsatsi le leng!

⁴⁹⁴ Mabitla ha sa tla ba teng mosikong oa leralla la Khanya. Koto ea lemati ha e sa tla leketla thapo ea lefu. Keleli ha e sa tla etsa letheba teng. Che, che. Ha ho mobu o tla etsa tutulu. Lifefo ha li sa tla o tea. Mono ho tla khanya.

⁴⁹⁵ Re thuse, Morena. E mong haeba a le teng mona...ea biletsoang Selallong sena sa Lenyalo la Konyana, borena bona ba lilemo tse sekete tsa Mileniamo, 'me a ntano kena Motseng ka mora Hanimune. Mileniamo ke Hanimune feela. Ke moo 'Ena, Monyaluoa, a nkang tsa Hae...Monyali o isa

Monyaluoa oa Hae Lapeng. Ke oa Hae. Monyali oa Hae; Monyaluoa oa Hae. Oh, O il'o lokisa Ntlo, ho tloha mohla A n'a lebelelsa.

496 Re ke re ts'epahale ho 'Ena Eo e leng Lentsoe, hoba 'Ena ke Lentsoe. Ho sa tsotelehe ba bang ba leka hakae ho re tloka, ho re tlosa ho Lona; Morena, nkhulele haufi.

Ke ee ke hloloheloe Leholimo,
Teng ke tla boha tlotla ea Lona;
Thabo ea mohla ke bohlang Moloki oa me,
Motseng o motle oo oa gauta!

497 Lehae la ka moso la Monyali le Monyaluoa! O tla khutla hape...[Sekheo lebanteng—Mong.]...ho ea Selallong sa Lenyalo; se tla qeta matsatsi a mararo le halofo. Ebe ho khutloa hape, Mileniamong, hanimuning ea rona. 'Me joale A—A ntano hlhisa Motse ponts'eng. Joaleka monyali ea nkang monyaluoa oa hae a mo makatsa, kamoo monyaluoa e monyenyanane a emang mono a hloletsoe a sa shebile lehae la hae la hosasa! 'Me ka tumelo, kajeno, Morena, re le bona hojana koana. Le tla ba lefats'eng mona hantle. Ke Uena ea le ts'episitseng.

498 Kereke ea Hao e tla lopolloa ka botlalo, ka le leng la matsatsi ana. Ebe moo ho lopolloang lefats'e la Hao, le likaroloana tse ling kaofela. Empa pele U ile ua lopolla sechaba sa Hao, mebele ea bona e bopiloeng ka lefats'e.

499 Re thuse, Molimo. Ha ea sa kholisehang ka botlalo a le teng mona, Morena, ba ke ba e amohele hona joale feela.

500 Ke a tseba o no o le molele o chesa, empa, lona batho, re ke ke ra ema mona ka mehla. Nke ke ka ba moruti oa lona ka mehla. A re kholiseheng.

“Na ebe khonahalo e teng, Moena Branham?”

501 E, fetoha karolo ea Lentsoe, karolo ea Lentsoe la kajeno. U ke ke ua ba karolo ea Lentsoe la tsatsi la Moshe; karolo eo e se bopiloe, e ne e le maoto. Joale re Hloohong. Enoa ke Krete. Ha se nako ea liphaka, morao ho Luthere, che. Ena ke nako ea Hlooho. Krete, Lejoesehlooho, le tla ho 'Mele.

502 Ha u sa ikutloe hamonate ka eona, hohle feela ha u khona, na u ka phahamisa letsoho la hao ke tle ke bone feela. Ba bang ba inamise hlooho ea bona. Molimo o le hlohonolofatse.

503 E re, “Nkhopole thapelong, Moena Branham. Ke hlile ke batla ho fihla mono! Ha ke—ke batle ho le fosa, Moena Branham. Ke—ke a lekolisisa, ke etsa sohle seo nka se khonang, empa a k'u nthapelle joale, na u tla etsa joalo?” Molimo a o hlohonolofatse.

504 U sa e nahana joale, rapela feela, e re, “Molimo...”
 Ka pelong ea hao. U a bona, ha u utloa ntho e rutla, e
 ketema pelong ea hao, ke eona. Ke mohopolo oo o lekang ho
 itlhalosa.

Ke habile Motse o motle oo
 Morena' ka a lokiselitseng Ba Hae;
 Teng Balopolloa ba mengoaha eohle
 Ba tla bina “Thoriso!” ba potile Terone e
 Ts'oeu.
 Ke ee ke hloheloe Leholimo,
 'Me botle boo ke tla bo boha Teng;
 Thabo ea mohlalane ke bohlang Moloki oa me,
 Motseng o motle oo oa gauta!

505 Ntate oa Leholimo, ak'o re nke joale, Morena. Molisa e
 Moholo, Molisa e Moholo ea Lopollang, Molisa e Moholo Ea
 tlohileng Khanyeng, a tseba hobane mehopolo e meng e ne
 e lahlehile liphuleng tse kholo tseo tsa sebe, teng liphiri le
 e—e liphoofole li se li tla harola nku eo kapele; empa O kile
 a tela litonolo tsa gauta, a theohela lefats'eng a etsoa e mong
 oa rona, A tle a re hlalositse lerato la Molimo. Teng A ba
 fihlela, bang ba bona ka har'a malumeli, bang ba bona ka
 hara letsaba la bootsoa, bang ba bona literateng, ba fufetse,
 bang ba bona lichebeleng le mebileng e meholo, empa A
 lopolla e mong le e mong eo Ntate a n'a khethile hore A mo
 lopolle.

506 'Me U re laetse, ha thoe re tla phela karolo ena ea Lentsoe
 la mengoaha ea rona. 'Me re bona hlabollo e kholo ea Luthere,
 mongoaheng oo; le ea Wesele; le Mapentekosta. Joale re
 shebeletse Lejoesehloho la Motse. Oho Molimo, re tseba
 mongoaha le ts'episo eo re e neiloeng letsatsing lena, kamoo
 Sena se tlamehang ho khutlisoa hape. “Leseli la mantsiboea le
 tla butsoisa tholoana ea sona. Le letsatsi le a tla e ke ke ea eba
 mots'eare kapa bosiu, le ka bitsoang joalo, empa Leseli le tla
 chaba nakong ea mantsiboea.”

507 'Ena Mora ea tlotloang eo oa Molimo, ea Iponts'ang nameng
 ea motho lefats'eng mona, ho phelisa ts'episo eo ka nepahalo, e
 foufaletsoa mahlo a Bafarasi le Basadusi le Maheroda, le ba
 joalo.

508 'Me kajeno e a ipheta, Lentsoe le bonahatsoang joalokaha
 Le kile la etsoa. Lentsoe, le tsebang mehopolo ea pelo, hantle
 kamoo le kileng la etsa, ho latela polelo ea Lengolo, lona le ke
 keng la robjoa. Re thuse, Molimo, ho le elelloa.

509 Thusa bana ba phahamisitseng matsoho a bona. Ba ke ba
 ingomele ba itiise; ba ntse roetse Evangeli ea khotso; ba apare
 lihlomo tsohle tsa Molimo; ba khoese kokoro; ba ts'oare thebe
 ea tumelo, ba hoante ba ee pele, ho qala kajeno. Aba sena,
 Morena.

510 Ho se ho se hokae, re se re tla bitsoa, Tlhoibilo e tla fihla. Ke mohlatsoana o sa reng letho feela, joaloka Henoke, o tla nkuoa.

511 Ebe moo, “masalla a peo ea mosali, ba bolokang melao ea Molimo,” Bajuda, “ba ts’oereng bopaki ba Jesu Kreste,” Balichaba, ba tlang ho tsongoa sa lintja, “mme ba tla tela bophelo ba bona e le bopaki.”

512 Ebe, hoseng ho hong ho hoholo, ho chaba Mileniamo, hoba—hoba Hanimuni e tla qala.

513 “Mme ha e le bafu ba bang ha ba ka ba phela lilemo tse sekete li eso ho fete.” Ebe, ho feleng ha lilemo tse sekete, ho lula Kahlolo, ho supang hoba Kama o ne a kene ka hara areka. ‘Me Kama o sa ntse a le ka hara masalla ao. Ba Le utloileng ba Le hana ba tla ahloloea.

514 Joale, aba sena, Morena, re se balloe le bona, empa re tla balloa pitsong ea ho kena Selallong sa Lenyalo. Hoba, re ehlile re elelloa Jesu hara rona kajeno. Re kena le ‘Ena; ho tsoa lefats’eng, ho kena ka ho ‘Ena. A re tsoeng re kene Motseng oo, ho tsoa le ‘Ena.

515 Ke a tsofala, Morena. Ha kea salloa ho rera lithero tse ngata. Empa ke ts’epile Uena. Ke batla Motse oo, joaleka ntate oa ka Abraham a ha a entse. E teng Ntho e mpoellang hore o a tla ka ho ‘na. Ke leka hohle, Morena, ho chabisa Leseli le ho ba bitsa. Ho se be le a mong oa bana, Morena . . .

516 Nakoaneng e fetileng, U nts’enoletse eona, hantle hakakang. Selikalikoe sena sa limaele tse ka etsang sekete le makhola a mahlano, a le mong feela *mona* le *mane*, ba lutse ‘moho kajeno, ba phuthehetse ngalon e le ‘ngoe, ba emetse Motse oo ho hlaha. Re re re baeti le bafeti. Re balelekoa. Mohetene, lefats’e, le a ts’eha le a soma; malumeli tletseng borapeli a konkolla; empa ha re sisingoe ke tse joalo. Ak’o re fetole karolo ea Lentsoe, Morena, re se sisinyehe. “Ho tla ba joalo matsatsing a qetelo.” E ke be rona, Morena, re ke re balloe hara bona. Re e kopa Lebetsong la Jesu. Amen.

517 Le a e lumela na? [[Phutheho e re, “Amen.”] A re phahamiseng matsoho a rona *tjena*.

Ke habile Motse o motle oo
 Morena a o lokiselitseng Ba Hae;
 Teng Balopolloa ba mengoaha eohle
 Ba tla bina “Thoriso!” ba potile Terone e
 Ts’oeu.
 Ke ee ke hloloheloe Leholimo,
 Botle boo ke tla bo boha Teng;
 Oh, thabo ea mohla ke bohlang Moloki oa me,
 Motseng o motle oo oa gauta!

518 Joale, efela haeba re tla lula Motseng oo 'moho, le ka tsukutlana le motho e mong ka matsoho, e re, "Molimo a o hlohonolofatse, mojaki. Le tsoa kae? Louisiana, Georgia, Mississippi? Le 'na, ke mojaki. Ke batlana le Motse oo."

519 Ke batlana le Motse oo, Moena Neville. Ke se ke ts'elela koana ho bo...?...Amen. Moena Capps, ke batlana le Motse oo, le joale, bosiuong bona. [Moena Branham o qala a binela *Ha Ho Masoabi* ka marameng—Mong.]

Botle ba 'ona boo ke tla bo boha Teng;
Thabo ea mohlalele ke bonang Moloki oa me,
Motseng o motle oo oa gauta!

Oh, bere e tla ba mosa, le phiri e thape;
Le tau e bothe pel'a konyana, oh, ee;
Le phoofolo e tsoang...e tla alosa ke
ngoana;
Ke tla fetolola, 'bopuoeng seo ke leng sona, oh,
ee.

Oh, nkhotso e nkemetse phuleng tsatsi leng;
Oh, nkhotso e nkemetse phuleng. (Hantle! Ee!)
Masoabi ha' sa lala, hlorehole, ha ke sa tla bona
mathata;
'Me khotso e nkemetse phuleng.

520 Morena' rona ea sa bonoeng, hoseng hona, o tla pepesoa. 'Me Bill Dauch ha ke sa tla 'mona a le lilemo tse mashome a robong le motso o le mong. Ha le sa tla mpona ke le mashome a mahlano. Empa ke tla be ke fetotsoe, Tsatsing lelo.

Mohlang oo phoofolo e hlaha, e tla alosa ke
ngoana;
Empa ke tla fetolola, 'bopuoeng seo ke leng
sona.

521 Ha le ka ke la thaba na? Meriri e meputsoa e tla be e nyametse; mahetla a khomapeng. Empa ka botle, ho sa shoeng, bo tla ema ka sets'oano sa Hae, phatsimo e phalang letsatsi. Oh, ho a babatseha!

...sa ka, Oho Morena, kea rapela;
Masoabi ha' sa tla ba teng, hlorehole, ha ke sa
tla bona mathata;
'Me ke emetsoe ke khotso phuleng.

522 Re mona ka morero oo. Ba bakae ba lona ba hlohang matla a leeto? Molimo re fe 'ona! Ba kulang mebeleng ea lona ba bakae, masole a lemetse? Tosene, kapa ho feta. Le a lumela O teng mona, Morena ea sa bonoeng? Lintho tse bonoang; tse sa bonoeng li bonahatsoa ke se bonoang. Esale 'Ena maobane, kajeno, le kahosafeleng, feela ha se ka 'mele oa nama. Joale,

efela ha e le Moea oa Hae ona o rerileng taba ena ka 'na, O tla etsa mesebetsi eo A e entseng mohla A ne a le mona. Oh, ho babatseha hakakang!

Ke ea fats'eng la pallo,
Ke ea fats'eng la pallo;
Oh, ke mang ea eang le 'na?
Ke ea fats'eng la pallo.

Holim'a thota tse sabaletseng
Ho chaba Tsatsi la Bosafeleng;
Molimo Mora o busa Teng kamehla,
O qhala a nyametsa lefifi.

Oh, ke ea fats'eng la pallo,
Ke ea fats'eng la pallo;
Oh, ke mang ea eang le 'na?
Ke ea fats'eng la pallo.

523 Makholo a mahlano a kile a kena nokeng koana, tsatsi la pele ha Lengeloi la Morena le ne le itlhahisa ponts'eng, ho netefatsa, joaleka ha A entse Thabeng ea Sinai, hore ke kopane le 'Ena. Ka kena nokeng, 'me makholo a ntse a bina eona thoko eo ea kolobetso. Ke Enoa A e tla, a theoha, eona Topallo ea Mollo eo le e bonang fotong mono; e theohela fats'e, hantle tlase mona nokeng, ha thoe, "Joaleka Johanne Mokolobetsi ha a rometsoe ho etella ho tla ha Hae la ho qala, Molaetsa ona o tla etella ho Khutla ha Hae labobeli." Le a bona? Ke moo he, le a bona.

Oh, ke mang ea eang le 'na?
Ke ea fats'eng la pallo.

524 Eona Topallo eo ea Mollo e na le rona mona kajeno. Na le a e elelloa? Bang ba rona O mpa a ba bopetse morero o mong, le ba bang o mong. Ha le rata, ntle le pelaelo le e 'ngoe, le ka lumela hoba O ka hara mohaho, ke lumela A tla Ipakela lona. Ana hoo ho tla le khotsofatsa? Haeba ke sa finyelle mothong ka mong...E nanarela hora ea bobeli, empa haeba le...E se e tlotse hora ea pele ho se hokae, ke rialo. Ha le ka lumela, la Mo lumella ho nyoloha a re khurumetsa! Tumelo ea rona e kae? Le a bona, le tlameha ho lumela hoo. Haeba le sa e belaele, le hanyenyane, e tla sebetsa.

525 Ke—ke elelloa Sefahleho se Mokhethoa sa Boleng ba Krete, 'Ena e leng Lentsoe. 'Me Bible e boletse, "Lentsoe le...matla ho fetisa sabole e leolitsoeng ntlha tse peli, 'me Le hlaba le kenella mokong oa lesapo, le bile le ahlola maikutlo a—a pelong, le senola merero ea pelo."

526 Shebang. Khele, lintho tseo ke ne ke sa li tsebe, lilemong tse ngata tse fetileng. 'Me enreha ha ke e bua, ke sa e tsebe, shebang seo A se entseng. O itse, "Joale u tla ts'oara batho

ka letsoho la bona, 'me, u se nahane letho, u mpe u bolele mohopolo o o bolelloang. E re ke lethopa, e ka bang eng feela." Eaba ho thoe, "Ho tla fihla mohla u sa tlo tlameha ho etsa hono." Le a bona? Le a bona? "E tla senola eona ntho e ka har'a bona." Re fumane boipeho ba mefuta, re tseba seo, bo ka thetsang Bakhethoa hola ho ka etsoa. Shebang na ntho eohle e khema le Lentsoe hakakang, le tla tseba ha e nepile kapa che. Empa, le joale, Jesu esale 'ena maobane, kajeno, le kahosafeleng.

527 Ba kulang ka mona ba bakae, 'me le tseba ke sa le tsebe? Phahamisa letsoho la hao, e re, "Ke—ke a tseba ha u ntsebe." Oh, ke feela, ke a kholoa, hohle feela. Ntho u lokelang ho e etsa ke ho lumela feela.

Lumela feela, lumela feela,
Tsohle li lokile, lumela feela;
Lumela feela, lumela feela,
Tsohle li lokile, lumela feela.

528 Jesu o boletse, "Joaloka matsatsing a Sodoma, ho tla ba joalo mohla Mora motho a tla senoloa holim'a lefats'e letsatsing la bofelo. Mohla Mora motho a senoloang, kapa, ho Its'enola tsatsing la ho bofelo." Joale, e seng mehleng ea matsatsi a qalang, mehleng ea matsatsi a mahareng; letsatsi la ho bofelo, le a bona, O tla senola. 'Me joale re matsatsing a bofelo. Sodoma e lutes ka ts'oanelo hantle feela, ntho e 'ngoe le e 'ngoe, baromuoa, ba' ts'oana.

529 Ho etsahetseng ka—ka masalla a manyenyane a bitsitsoeng 'moho le mohlatsoana oa Abrahama? E Mong o kile a ema har'a bona, a le nameng ea motho; a eme ka nama ea motho, a ja le bona, a noa le bona, tsona lijo tseo ba li jang, ntho e 'ngoe le e 'ngoe. A ema har'a bona, a hlahisa Molaetsa. Eaba O re, "Ke tlil'o phethisa nthohali ena."

530 'Me Abrahama a 'na a lekolisisa, "Na ebe ke eona? Esale ke batlana le Motse. Na ebe ke 'ena Morena enoa?"

531 'Me A re, "Sara o belatse see ke'ng?" Ka har'a tente, ka mora Hae.

532 'Me eaba Abrahama o re, "Morena Molimo, Elohim!" Hobane, A tsebile mehopolo ea Sara.

533 Jesu o e boletse e tla ipheta mohla A senoloang letsatsing la bofelo, Lejoeshlooho le kena ka hara 'Mele. Ho lopolla e . . . Ke balopolloa bao, ho tla lata ba Hae ka Sebele. Mona O na le rona.

534 Joale, matsoho a ka ba leshome le metso e 'meli feela, kapa ho feta, a ileng a phahama. Ke lumela Molimo o ka folisa e mong le e mong oa lona. Hantle. Kea lumela le etsa

joalo. Ha ke lumele motho a ka lula tulong e kang ena ntle le... nakong e kang ena, le atemosefereng ena, a sa tsebe, a sa elelloe ho hong.

535 Ke le batla le rapela. Ke u batla u ts'oere se phoso ka uena, ka—ka—ka pelong ea hao, u a bona, u ntoo qala u rapele, u re, "Morena Jesu, senola sena. Ke—ke U bolella phoso ea ka. 'Me joale U romele Moea oa Hao o Halalelang ho Moena Branham, ho phethatsa se a se buileng e tle e be 'Nete, Molaetseng ona oo a o rerileng ka Uena kajeno, ke a tseba e tla be e le 'Nete. Joale, nts'enoale eona, Morena. Bua le 'na."

536 Joale e phasaletse, mohlomong mona le ka mathoko. Ka hona rapela feela, u lumele ka pelo eohle ea hao, u re Molimo o tla e aba.

537 Joale ke batla le nchebe, 'me le rapele. Joaloka Petrose le Johanne ba itse, "Re talime." U n'a batla ntho e 'ngoe, 'me o mothating oa ho e fumana. Le uena o batla ho hong, 'me kea lumela u mothating oa ho e fumana. O itse, "Re talime."

538 A re, "Silifera le gauta, ha ke na tsona; empa seo ke nang le sona, ke o fa sona."

539 Joale, pholiso, ha ke na eona. E ho Krete eohle. Empa seo ke nang le sona, neo ea Molimo, ke le fa sona, tumelo ea ho lumela ho 'Ena. Joale, ka Lebitso la Jesu Krete, e mong le e mong oa lona a fole. E lumeleng. Le a bona? "Ha le ka lumela!"

540 Mofumahali a lutseng mono, a nchebile. O n'a nts'a lla, metsotso e 'maloa e fetileng, a rapela. U jeoa ke "thyroid" e mo hlophang. Ha ke u tsebe. U molata ho 'na. Ke nepile, ha ke re. [Khaitsele o re, "Ho joalo."—Mong.] Ha u tsoe mona. U tsoa Chicago. Mof. Alexander. Ha ho le joalo, tsokotsa letsoho la hao. Joale khutlela Chicago u be u phele.

541 O amme mang? Eona Ntho eo mosali ea nang le phallo ea mali a e amileng, moleka oa seaparo sa Hae, e seng sa ka.

542 Mofumahatsana ke enoa o lutse hantle hara bongata, ha nka khona hore a nkutloisise. Uena ea sokoletseng hlooho lephakong. Ha ke o tsebe. U molata ho 'na, empa u jeoa ke mala. Monna oa hao o lutse pel'a hao. O na le phoso tsebeng ea hae. Lebitso la hao ke Czap. Le melata ho 'na. Ha le tsoe mona. Le tsoa Michigan. Ha ho le joalo, tsokotsang matsoho a lona. Khutlelang Michigan, le phetse. Tumelo ea lona e a le pholosa. "Ha le lumela, tsohle li ka etsoa."

543 Mofumahatsana ea jeoang ke 'metso mono, o lutse hantle morao mona ntlheng, o tsoa Georgia, o apere bosoeu. Khutlela morao, tlase Georgia, o phetse. Jesu Krete u a u phelisa. U a e lumela na?

544 Mofumahali ea lutseng mono, a nchebile, hantle ntlheng ea setulo. O jeoa ke “sinus”. Haeba a ka e lumela, Molimo o tla mo folisa. Mof. Brown, lumela ka pelo eohle ea hao, Jesu Kreste o tla... U molata ho 'na, empa O a u tseba. Uh-huh. U a e lumela? Phahamisa letsoho la hao. Ho lokile.

545 Ea robetseng liphatheng tsena mona. 'Molelleng ho sheba ka koano mona. Esale a hlopheha, a sa phetse. Hola nka mo folisa, be nka etsa, monghali. Ha ke khone ho folisa. Ha tsoe mona; o tsoa hole. U tsoa Missouri. Mathata a hao a ka hare. Empa ha u ka lumela ka pelo eohle ea hao, 'me u sa belaele, Jesu Kreste a ka u folisa; 'me u ka khutlela Missouri, u phetse, 'me u fane ka bopaki ba hao. U a e lumela? E amohele ke hona, 'me u nke liphate tsa hao u ee hae. Jesu Kreste o a u folisa.

546 Le a lumela na? Boo ke boitsebiso ba Boteng ba Morena Rabosafeleng. Le a e lumela joale, ka pelo eohle ea lona? Joale, ruri O entse selikalikoe, hantle ho potoloha mohaho ona. Le e lumela ka pelo eohle ea lona? Le a lumela le ka pel'a Sefahleho sa Hae?

547 Joale, na le a lumela 'me le amohela hobane le ba bang ba bonkhetheng ba 'Muso ona? Phahamisa letsoho la hao. Jesu o boletse, “Mehlolo ena e tla tsamaea le ba lumelang. Ha ba bea matsoho a bona holim'a ba kulang, ba tla fola.” Re bang; uena u karolo ea ka, ke karolo ea hao; bohle re karolo ea Kreste. Joale, 'moho, a re beaneng matsoho holim'o.

548 Hantle mona, mosali ea liphatheng o tsohile, o tsamaea hohle, o khutlela hae ho phela. Amen.

549 Lona, e mong le e mong, le folile, ha le ka e lumela. Joale beanang matsoho holimo, 'me le karolo ena ea Kreste. Rapella motho eo u 'meileng matsoho holimo, ka mokhoa ofe feela oo u batlang.

550 Morena Jesu, re a elelloa U teng mona. U Morena oa rona; U Itsebahatsa hara rona. Re U leboha ka Boteng bona. 'Me, Morena, U boletse, “Ha le ka re ho thaba ena, 'Sutha,' le sa belaele; le lumela seo le se boletlang hoba se tla etsoa, le ka se fumana, le ka fumana seo le se boletseng.”

551 Hape, kutlong ea molao ona, kutlong ea Lentsoe la Molimo le ke keng la hloleha, rona joaloka bonkhetheng ba Hao ba tsoang sekoereng sa limaele tse sekete le makholo a mahlano, joaleka Motse, re re ho Satane, diabolosi ea hlotsoeng, “Pheletso ea hao ke ho chesoa. Re bonkhetheng ba tsoang Motseng o khutlonne, Motseng oo Konyana e leng Leseli. Re mohopolo o pepesitsoeng oa Molimo o Matlaohle, oo Jesu Kreste a o lopolotseng ka mohau oa Hae.”

552 Satane, tsoa, 'me u tlohele motho e mong le e mong ea kulang ea ka mona, ka Lebitso la Jesu Krete. Matsoho a halalelang a lopolotsoeng, hoba ba lumela Lentsoe 'me ke litholoana tsa mohopolo oa Molimo, joale matsoho ao a beiloe holim'a e mong. U ke ke oa hlola u ba fupara. Tsoa, ka Lebitso la Jesu Krete!

553 Joale, ka Lebitso la Morena Jesu, joale, O teng mona. Lentsoe la Hae le re O teng mona. Boteng ba lona le tumelo ea lona li bua, ka eona, le ba bang ba bonkhetheng. Esita le tekanyo ka 'ngoe ea thutafats'e eo re ka e supang, ke eona. Na lea elelloa le bara le barali ba Molimo? Na le elelloa ha *lena* e le Lehae la lona? *Mona* ke hona moo le eang teng.

554 Ke lona lebaka le tlleng koano, ke lona lebaka le tlleng ho Krete, le iphepa ka Lentsoe la Hae. 'Me ha eba le ka ba le monyaka o kang ona, mona, ka mehopolo ea Hae feela e pepesitsoeng, ho tla ba joang mohla re fihlang ka pel'a Sefahleho sa Hae? Oh, ho tla babatseha! Mang le mang oa lona o na le tokelo ea ho folisa bakuli, ho bea matsoho a lona holim'a bakuli. Mang le mang oa lona o na le tokelo ea ho kolobetsa.

555 Motho ea eso kolobetsoe ka Lebitso la Jesu Krete ha a le teng mona, lets'a le butsoe.

556 Ke eona feela tsela ea hao ho phunyeletsa, uh-huh, ke hantle, ke ho utloa Lentsoe ka leng. Hopolang, khatonyana e le 'ngoe ea Lentsoe, ts'imolohong, e hlaisitse sebe ka seng holim'a lefats'e. Jesu o boletse, "Ea fokotsang Lentsoe le le leng Mona, kapa a ekeletsa lentsoe le le leng ho Eona, a ke ke a kena." Lebitso la hae le hlakotsoe Bukeng, hang feela ha etsa hoo.

557 'Me Bibeleng ha ho moo motho a kileng a kolobetsoa, ka hara Kereke, ka hosele haese ka Lebitso la Jesu Krete. Ha u eso kolobetsoe joalo, u mpe u etse joalo.

558 "Oh," u re, "ha e etse phapang ea letho." E entse ho Eva.

559 Satane o itse, "Oh, ruri, Molimo, u a tseba Molimo..." Empa, O entse joalo. O itsalo.

560 O neile Petrose linotlolo tsa 'Musu, 'me se kileng sa tlangoa Pentekonta se tlamiloe ka mehla. Ke lona lebaka Monyaluoa a hlahaang ponelo-peleng, khetlo la bobeli; e ka khona ho be le Kereke e bitsoang letsatsing la morao, e kang ebileng teng tsatsing la pele, hantle feela. Sefate se nyolohile se tsoa metsong ea sona, ho nyolohela ho Sefate sa Monyaluoa, joaloka ha se entse mohlang oo; phatsa ea Molimo e tsoileng-matsoho hape, joaloka ha ke boletse Lisontaha tse peli tse fetileng, e tla isoa Motseng.

Molimo o le hlohonolofatse. “Joale kea lumela.”

⁵⁶¹ Satane o hlotsoe. O a tseba. O holim’a lefats’e, o tsamaea sa tau e purumang. Ho se ho se hokae o se a tla, oh, ho felile ka ’ena. O tseba nako ea hae. O tsamaea sa tau e purumang.

⁵⁶² Empa, le hopole, Morena oa Khotso o eme haufi; ’Ena Mohalaleli e Moholo. Ralipolane ea ralileng botho ba ka, Ralipolane Ea mpopileng a nketsa seo ke leng sona, Ea u bopileng au etsa seo u leng sona, o teng mona. Efela haele Ralipolane, Ea tsebang ho teanya mohaho, sebaka se nepahetseng sa ’ona, tsebanyane e fetang Ralipolane ke mang? ’Me O teng mona ho paka, ho Ipaka, O teng mona.

⁵⁶³ Joale e theiloe holim’a tumelo ea hao. Lumela, lumela feela!

Ke habile Motse o motle oo
Morena’ ka a o lokiselitseng Ba Hae;
Teng Balopolloa ba mengoaha eohle
Ba tla bina “Thoriso!” ba teetse Terone e
Ts’oeu.
Ke ee ke hloloheloe Leholimo, (mohla sena se
felileng),
Botle boo ke tla bo boha Teng;
Thabo ea mohla ke bohlang Moloki oa me,
Motseng o motle oo oa gauta!

⁵⁶⁴ Le hopole, koana kerekeng, bosiung bona, ba tla be ba jesa selallo. Ha u le motseng mona, le joale, u rata ho tla, re ka thabela ho ba le uena. Ke sehopotso sa seo re tla se ja, le leng la matsatsi ana, le ’Ena ’moho.

⁵⁶⁵ Ke a le rata. Ha ke khone ho e hlalosa. Ke nahana hobane le letsoai la lefats’e. ’Me ha ke utloa boits’oaro ba lona hara lefats’e, hoo ho mpha ts’epo e fetisang ho lona.

⁵⁶⁶ Empa, nahanang, sehlotso’oana sena mona, holim’a re le khabane hakana, se tla qhalana, le leng la matsatsi ana. Re tla lora ka hona. Empa e mong oa rona ha a ts’oha a iketse pele re kopana hape, re tla . . .

Ke tla kopana le uena hoseng, nokeng e
benyang,
Mohla hlorehlo tsohle hohotsoeng;
Ke eme monyako, mohla likhoro li buloang,
Ha tsatsi la mokhathala oa bophelo, le
khahlela.

Ke tla kopana le uena hoseng, nokeng e
benyang,
Hangata ke . . . ? . . . pel’a noka, ’me, hloibilong,
ho nchafale setsoalle sa khale; (ke tla u bona
he, u a tseba.)

Hoseng hoo u tla ntseba, ka pososelo ea ka,
Ke tla kopana le uena hoseng, Motseng,
Motseng o hahiloeng khutlonne.

⁵⁶⁷ Le a se rata? “Ho fihlela re kopana!” Joale a re emeng.
Inkele Lebitso la Jesu, re fe lehlaso.

⁵⁶⁸ Le a Mo rata? [Phutheho e re, “Amen.”—Mong.] Ha A babatsehe na? [“Amen.”] Le a lumela ke 'Nete ee? [“Amen.”] Na le habile teng, ka mohau oa Molimo? [“Amen.”] Ho fihlela re finyella mono:

U inkele 'Bitso la Jesu,
E le thebe sefing ka seng;
'Me ha meleko e u lika,
Bua 'Bitso le halalelang leo thapelong.

Ke pheto se lokelang ho etsoa, ho fihlela re le bona hape.
Ho lokile.

Inkele 'Bitso la Jesu,
Ngoana' masoabi le . . .

[Motho o re, “Bosiung boo?”—Mong.] Che.

Le tla u thabisa le u ts'elise,
Le nke hohle moo eang teng.
'Bitso le ratehang, Oho le monate!
Ts'epo ea lefats'e le thabo ea Leholimo;
'Bitso le ratehang, O le monate!
Ts'epo ea lefats'e le thabo ea Leholimo.

⁵⁶⁹ Joale, ke ile ka tlameha ho tlola Molaetsa oa ka. Tsatsi le leng, ha Morena a rata, ke tla khutla ke ts'oarane le “liabenu,” tsena, ke li qotsa, le a bona, mohla re tholang nakoana. Esale le hlolela le re ha re lule nako e telele ho lekana. Kajeno, re lutse. Ho a chesa. Empa, joale, Molimo a le hlohonolofatse. Ke rata 'mino oo.

⁵⁷⁰ Moahisane mona, o n'a bue, phirimana e 'ngoe e leha ba koala sebuella-hole se ka ntle, a re, “Ke ile ka thabela Molaetsa haholo, empa hobaneng le ile la koala 'mino o monate oo, u a bona, ka ntle?” Ka baka leo, moahisane, haeba u mametse hoseng hona, ke nahana re na le baahisane ba khabane ho fetisisa Jeffersonville. Re emisa makoloi a rona ka pel'a matlo a bona le sohle; ha ba bue letho ka eona; re tsoela pele feela. Ka baka leo, re a ba leboha joale.

⁵⁷¹ Oh, O babatseha hakakang! Molimo a be le lona joale.

. . . 'Bitso, oho le monate!
Ts'epo ea lefats'e le thabo ea Leholimo.
Ho fihlela re kopana . . .

⁵⁷² A re inamiseng hlooho tsa rona. Molisa o tla re qhala,
metsotsong e 'maloa feela. Molimo a be le lona!

...re kopana maotong a Jesu, (Motseng o
moholo, Teroneng),

Ho fihlela re kopana! ho fihlela re kopana!

Molimo a be le lona re be re kopane.



LEHAE LA KA MOSO LA MONYALI OA

LEHOLIMO LE MONYALUOA OA LEFATS'E SST64-0802

(The Future Home Of The Heavenly Bridegroom And The Earthly Bride)

Molaetsa wona, ka Moena William Marrion Branham, o rerilweng sethatong ka Senyesemane ka Sontaha hoseng, Phato 2, 1964, Tabernakeleng ya Branham, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. BOX 178, SOMERSET WEST, 7129 CAPE PROVINCE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org